

جو بیجل نے آکھیا

شیخ ایاز

پنجابی رُوپ . احمد سلیم

انسٹیٹیوٹ آف سندھالاجی دے اشاعتی کتابی سلسلے دی ۵۴ ویں کتاب

جو بیجل نے آکھیا

شیخ ایاز دے چونویں کلام دا
پنجابی ترجمہ

ترجماون ہار
احمد سلیم



انسٹیٹیوٹ آف سندھالاجی، سندھ یونیورسٹی

سارے حق راکھویں

پہلا جہاں

۱۰۰۰

کتی

Rs 50 - 00

Institute of Sindiology,
University of Sindh, Jamshoro.

میلن دا پتہ :

انسٹیٹیوٹ آف سندھالاجی دا بک ڈپو

میسرز ادبیات

ہاسپٹل روڈ، تیلک چاڑھی حیدرآباد سندھ

ایہ کتاب سٹار پریس حیدرآباد وچ چھپی، تے انسٹیٹیوٹ آف
سندھالاجی ولوں ڈاکٹر خواجہ غلام علی الانا، اسسٹنٹ ڈائریکٹر انسٹیٹیوٹ
آف سندھالاجی، سندھ یونیورسٹی جام شورو (ضلع دادو) نے شائع کیتی۔

تسرتیب

	ڈاکٹر خواجہ غلام علی الانا	پبلشر وٹلون
	فیض احمد فیض	پہلی گل
	مشتاق صوفی	ایس کتاب بارے
	احمد سلیم	سکھ بول
۶۴-۱	گیتاں دے سنگ ٹھیل پئی بیڑی [وائیاں، گیت]	
۱۶۸-۲۵	رت، کھاڑی تے چن [نظماں]	
۲۲۲-۱۶۹	ویل وچھوڑے دی [گیت نائک]	
۱۷۱	رنی کوٹ دے دھڑویل	
۱۹۹	بھگت سنگھ دی پھانسی [جونویں حصے]	
۳۳۶-۲۲۳	کنڈھے گھمٹن گھیر [جونویں بیت]	
۲۲۵	سر سوہنی	
۲۳۷	سورٹھ	
۲۵۳	نوری تماچی	
۲۵۷	مستی	
۲۶۷	ماروی	
۲۷۹	گھاتو	

۲۸۳	لیلا
۲۸۷	کاپائتی
۲۹۱	مومل
۲۹۷	موکھی ستارے
۳۰۳	نویں شلوک
۳۱۷	رلے میلے بیت
۳۷۰-۳۳۷	ڈہلدی رات نہ رھندی راول [نثری ترجمے]
۴۱۶-۳۷۱	اگ دہاں پیلوں [تائٹر]
۴۳۲-۴۱۷	سُورج لٹکيا گھاٹیاں [وائیاں]

پبلشر ولوں

انسٹیٹیوٹ آف سندھالاجی ولوں پہلی پنجابی کتاب تہاڈے ہتھاں وچ اے۔ ایہہ کتاب ساڈے اوس وڈے منصوبے دا حصہ اے جیہڑا مہربان وائس چانسلر دی ہدایت اُتے تیار کیتا گیا اے تے جیہڈے اُتے عمل وی شروع ہو گیا ہے۔ ایس منصوبے سوجب امیں ساریاں پاکستانی زبانان دے ادب نوں سندھ وچ تے سندھی ادب نوں اوہناں زبانان وچ ترجمہ کرا کے چھاپنا چاہوندے ہاں۔ ایس سلسلے وچ شیخ ایاز دی چونویں شاعری دا پنجابی ترجمہ امیں سندھ دے لوکاں تے سوجھواناں ولوں پنجاب دے لوکاں تے سوجھواناں نوں سوغات وجھوں پیش کردے ہوئے آس رکھدے ہاں کہ پنجاب ولوں وی ایسے نیگھہ نال جواب دتا جاوے گا۔

ضروری جاپدا اے کہ ادب راہیں قومی یکجہتی دے ایس منصوبے دی کجھہ تفصیل توں اپنے پڑھن والیاں نوں وی جانوں کرایا جاوے۔ ایس کتاب دے چھپن مگروں شاہ لطیف دے رسالے دا پنجابی ترجمہ تے پنجابی کلاسیکی شاعری دے سندھی ترجمے دا کم چھاپیا جاوے گا۔ جیہڑا اجکل تیاری دی منزل وچ اے۔ سانوں پوری آس اے کہ ایہہ دونویں کتاباں وی ۱۹۷۷ ع دے اخیر تائیں چھپ جاون گئیاں۔ بلوچی تے پشتو ادب دے سندھی ترجمے تے سندھی ادب دے اینہاں زبانان وچ ترجمے دا کم وی چھیتی ہی شروع ہوون دی آس اے۔

پاکستانی زبانان دے ادب نوں آپے وچ ترجمہ کرن دے

کم ول ایس پہلی کوشش دا سہرا عظیم سندھی شاعر تے سندھ یونیورسٹی دے وائس چانسلر شیخ ایاز ہوراں دے سیر ہنہنا چاہیدا اے۔ اوہناں دے خیال موجب سارے پاکستان دے لوکاں تے اگانہ ود'ہو' سوجھواناں دی آپے وچ سانجھہ ودھاون لئی ضروری اے کہ اسیں اپنیاں زباناں دے ادب نوں پڑھن لئی باہرلیاں زباناں دے محتاج نہ رہیئے تے دیس دے ثقافتی تے ادبی ورثے نوں اپنے لوکاں تائیں اپڑان لئی، اوہناں دیاں اپنیاں زباناں ورتیئے۔

سندھ یونیورسٹی نے ایس کم وچ بہل کیتی اے۔ اسیں آس کردے ہاں جے پاکستان دیاں دوجیاں یونیورسٹیاں تے ثقافتی ادارے وی ساڈے نال آ رلن گے تے دیس دے لوکاں دی سانجھہ ودھاون دے ایس کم وچ ساڈے ہانہ پیلی بنن گے۔

ڈاکٹر خواجہ غلام علی الانا

اسسٹنٹ ڈائریکٹر

انسٹیٹیوٹ آف سندھالاجی

سندھ یونیورسٹی، جام شورو (سندھ)

پہلی گل

ایہہ آکھنا جے شعر دی دنیا وچ، شیخ ایاز دا ناں کسے
تعارف دا محتاج نہیں، بڑی ہولی جیہی گل اے۔ سندھ وادی
وچ تاں اوہناں دا کلام خاص عام دی زبان اتے ہے ہی ہر
اردو زبان وی اوہناں دی دات توں اصلوں وانجھی نہیں رہی۔
اوہناں دیاں اردو وچ رچیاں اپنیاں نظماں توں وکھ، شاہ
عبدالطیف بھٹائی دے رسالے دا منظوم اردو ترجمہ اپنی تھان
تے اردو ادب وچ اک قدر جوگ وادھا اے۔ ہاں پنجابی زبان
نوں، جیہڑی سندھی توں اپنی نیڑے ہے اجے تائیں کسے اوہناں
دے شعری سرمائے توں جائوں نہیں سی کرایا۔ مینوں خوشی
اے جے پنجابی دے اک ہونہار لکھاری احمد سلیم سوہنے ڈھنگ
نال پنجابی دے ایس گھائے نوں پوریاں کر دتا اے۔ ایس چون
وچ شیخ ایاز دے کلام دیاں گھٹ ودھ ساریاں صینفاں چون
نمائندہ نظماں شامل نیں۔ مترجم نے ایس گل دا خاص دھیان
رکھیا اے کہ اصل زبان دا لہجہ تے رنگ ڈھنگ وی قائم رہے
اتے لفظاں تے معنیاں دے وچ وی گھٹ توں گھٹ تصرف توں
کم لیا جاوے۔ گیت، دوہے، گیت نائک، رزمیہ داستاناں، نظماں،
غنائیے، بیانیے، فلسفیانے، ہر رنگ دا مضمون ایاز ہوراں سو رنگاں

وچ بنھیا اے تے ایس چون وچ اینہاں سبھناں دی جھاکی لبھدی
اے ہر ایس رنگا رنگی وچ اک نظریاتی اک رنگی وی اے
جیہڑی اوہناں دی وطن پرستی، انسان دوستی تے امن پسندی
دا مرکب اے۔

سینوں آس اے جے ایہہ کتاب پنجابی ادب تے پنجابی زبان
دے چاہیواناں لئی اک چنگا تحفہ ثابت ہو وے گی۔

فیض احمد فیض

لہور۔ اگست ۱۹۷۶ع

ایس کتاب بارے

تریجی دنیا دے ساڈے جیہے سُلکاں دی رھتل ” گنگ رھتل “ (۱) ہے، بے زبان، بے اواز۔ نواں کالونی گیر بولدا ہے۔ اسان [تریجی دنیا دے لوک] سُنڈے ہاں اوہ حکم دیندا ہے اسان مندے ہاں مڈا چپ راھندے ہاں حکم دے لفظ نوں ساھنویں نہیں ہوسکدے اساڈی آپنی اندرلی اواز ہوٹھاں تے نہیں آندی جے کدی ساڈے ولوں کوئی آواز اُبھری تاں ’ہاں‘ دی، حکم نوں منن دی۔ قومی پچھان دیاں تھریکان ٹُریاں تاں ساڈی تاریخ تے وسوں بارے سُرَت ودھی تے کھیاری نال نال ’ہاں‘ دی اواز آپنا ویس وٹاون لگ پئی تاں جو ظاہر تھیوے کہ ایہہ اواز ساڈی دھرتی دا سدھے، ساڈی رھتل دا تے ساڈی لوکائی دا۔ پر ایہہ اواز نویس کالونی گیر دا دیسی روپ ہے ایہہ باھر لی رھتل دا پرچھاواں ہے۔ ایسے پاروں ایہہ اواز اوہری اوہری ہے، فریبی ہے۔

ازادی ملی، ہولی ہولی ساڈی وسوں وچ آپنے آپ دی سینجھان دا عمل ترکھا ہویا ساڈی سُرَت وچ وادھا ہویا تے سُرَت نے اسانوں آپنی تاریخ، وسیب، ادب تے لوک رھتل دی سار دتی اسانوں آپنے پیچھے نال جوڑیا تے آپنے اصل مہاندرا دی سینجھان کرائی پر ساڈا مہاندرا ٹوٹے ٹوٹے ہے۔ بالریاں دیاں بُوٹاں تے ساڈی رت وچ مدھیا ہویا، وگڑیا ہویا۔ ساڈا مہاندرا

Paulo Frier

اندروں تے باہروں سلامت نہیں۔ وگاڑ پاروں ایہدا اصل روپ
جھڑ گیا ہے۔ ہر اپنے مہاندے دی سینجوان پاروں بہوں وڈی
وسیبی اُساری دے کم دی نیہنہ بجھتی۔ اپنے مہاندے دی بہال
دے نال نال ایس دی سنبھال دا کم ترکھا ہویا۔

سنبھال دے کم وچ اساڈے ودھن ہار سوچ والے سوجھوان
تے لکھاری اگے اگے تھرے۔ ایہناں اپنی ریت دی بھچان کیتی،
آپنے لفظ گولے، اپنی اواز جوڑی تے ہوٹھ کھولن تے لفظ لکھن
دا جتن کیتا۔ نویں اواز اُبھری، دیسی، نرول تے سُر ت بھری
اواز، ساڈی دھرتی وچوں نکلدی لوکائی دی اواز نابر تے طاقتور۔
شیخ ایاز ساڈی ایہ جیہی اواز دا حصہ ہے، اواز جو
ساڈے چوہاسوں ابھردی تے اُچی تھیندی پئی ہے۔ ایس اواز دا
آپنا لفظ ہے، اپنی زبان ہے، آپنا سُر ہے، ایہ اوہری نہیں۔
ایہدا اساڈے اندر نال اجوڑ نہیں۔

آپنا لفظ سانجھہ دا وسیلہ ہے۔ لفظ دا اصل گُن اوس دی
بندیاں نوں ہک مک کرن دی جوڑن ہار طاقت ہے جوڑن ہار
طاقت لفظ دے معنے وچ ہوندی ہے، لفظ وچ کٹھی کیتی سُر ت
وچ ہوندی ہے۔

شیخ ایاز دے لفظ نے لوکاں نوں اپنے آپے دی سُونہ دتی
ہے، اوہناں نوں سیاسی، جذباتی تے روحانی بدھر تے آپس وچ
جوڑیا ہے، اوہناں وچ اج تے کل تے اندر تے باہر دے نکھیڑ
مکاوں دا جتن کیتا ہے۔

شیخ ایاز دی شاعری وچ اپنی ریت رھتل تے تاریخ نال
نویں سیریوں جوڑن دی سیک تھان تھان نظر دی ہے، سندھی
وسیب دی پچھوکڑ اوس دی شاعری دا آثرا ہے، ہر شاعر پچھلی
ریت نوں مگواں قبول نہیں کر سکدا۔ اسان اج دے چائن نال

بچھے نوں ہنیرے وچوں لبہ سکدے ہاں۔ ہُن بچھلی تاریخ نوں
 اجوکی سرت نال جاچن تے پرکھن دا مسئلہ پیدا ہوندا ہے، تاریخ
 دی نوین تشریح دا سوال اٹھدا ہے۔ نوین تشریح دو پڑ علم تے
 سرت توں باجھ نہیں ہوسکدی۔ سرت کیہ ہے؟ سادہ لفظاں
 وچ سرت ڈونگھیری تے ہاریک سار ہے، سار اپنے آل دوا لے
 دی، اپنے وسیب دی، وسیب دے بھیڑاں (۱) دی، ہل ہل ہوندیاں
 وسیبی تبدیلیاں دی تے اپناں وچ بندے دے عمل دی، عمل۔
 جیس دی منزل لوک لہردا اُہار، لوک رھتل دا کھلار تے بندے
 دی ذہنی تے روحانی کھل ہے۔

شیخ ایاز نے اکھیں ٹوٹ کے ریت نہیں قبولی، اوس عام
 طور تے ریت دا اوہ حصہ قبولیا جیہڑا ودھن ہار ہے، جیہڑا
 ساڈی سرت نوں پکیرا کریندا ہے تے ساڈے وجود نوں عمل
 دا سیک دیندا ہے، پیچھے دا جیون ہار حصہ اساڈا ترکہ ہے تے
 اساڈا ہتھیار وی، ہتھیار۔ جیس نال اساں من ہار ظالم طاقت
 نوں سکھا سکدے ہاں، اجیہے عمل وچ بندہ نوین جیون وچ جسمی
 تے اندروں باہروں سیمدی حیاتی دے سیک نال جاگسی، ایس
 وچ اجوکی سرت تے اساڈی رھتل ہک اکائی دے روپ وچ
 ظاہر ہوسن۔

شیخ ایاز نے شعر توں دوہرا کم لیا ہے، اپنے نجی تے
 وسوں وچ ہوندے تجربے نوں سرجنا (۲) وچ ڈھالن دا، تے اپنی
 اجوکی سرت نال سندھی رھتل تے تاریخ نوں نواں رنگ دیون
 دا، ایہہ رنگ اساڈے صدیاں دے ورتارے دا رنگ ہے، اساڈیاں
 نجی تے وسیبی منگاں وچوں ابھردا ہویا۔ شیخ ایاز دی شاعری

Contradictions (۱)

(۲) تخلوق

وچ دونہیں کم ہکے ویلے اُبھردے تے ہک مک ہوندے جاندے
 ہن۔ اوس دیاں لفظاں وچ ہک پدھر تے سندھ دا اج تے کل
 جڑے ہوئے ہن۔ ہک اکائی دی شکل وچ، ہکے لڑی دیاں
 دو گھریاں۔ اج تے کل دا رشتہ بین تے پھل دا رشتہ ہے۔

شیخ ایاز دی شاعری دا سندھ پیراں، وڈیریاں، ملنگاں
 تے بھنگیاں دا سندھ نہیں، ایہہ سندھ سسّی پُتل، سوہنی مہنوال،
 مومل رانو دی جڑت دی تاہنگھ، شاہ عنایت، ہوشو شہید دی
 بہادری، شاہ لطیف دے شعری جادو تے ہاری دے دکھ تے
 نابری دی داستان مناوندا ہے۔

ایس پچھو کڑ وچ شیخ ایاز دی شاعری راہیں جیہڑا بندہ
 ساہمنے آندا ہے اوہ اپنے وجود دی کرک نال بھریا ہویا ہے
 تے اپنے ویگاں (۱) دی ثابتی نال سجاگ ہے۔ ایہہ بندہ چھڑا سندھ
 دا کردار نہیں، ایہہ سندھ دی حد توں اگے ودھنا چاہندا ہے
 تے ملک دی دوجی لوکائی دی کرنی دی طاقت نال رلنا چاہندا ہے۔
 ایس کتاب وچ شیخ ایاز دی چونویں شاعری دے ترجمے
 ہن۔ ترجمہ، خاص کر شاعری دا، اوکھا فن ہے۔ شاعری لفظ،
 سُرّت سار (تے نہ جانے کتیاں ای ہور باریکیاں) دی سنگھنی
 اکائی ہوندی ہے، کوئی حصہ کُل تھیں وکھ نہیں ہوسکدا،
 جے ہوونجے تاں شاعر دا تجربہ سلامت حالت وچ دوجے توڑیں
 نہیں اہڑدا۔ چنگے توں چنگے ترجمے وچ وی اصل اپنی نرول
 حالت وچ ساہمنے نہیں آندا۔ ترجمے دے کم وچ ”کجھ نہ کجھ“
 رہ ویندا ہے، کجھ نہ کجھ قربان کرنا ہوندا ہے ایہہ مجبوری
 خاص کر شعر دے شعری ترجمے دا حصہ ہے، نثر وچ ایہہ
 مشکل گھٹ جاندی ہے۔ ترجمان ہار دی اوکھیاں نوں ہمدردی

(۱) جیہڑاں

نال سمجھنا چاہیدا ہے۔ احمد سلیم نے ایہہ ترجمے ڈاڈھی محنت نال کیتے ہن۔ سندھی توں پنجابی وچ ترجماون وچ سوکھ وی ہے کیوں جو سندھی تے پنجابی ادب وچ مڈھ لاء تو ڈاڈھی نیڑ ہے۔ زبانان آپس وچ رلدیاں ہن، رماں ہک جیہاں ملدیاں ہن۔ لوک داستاناں دی سانجھ ہے، سنگیت دے سُرھیکو جیسے ہن۔ کلاسیکل شاعری دے وزن وی آپس وچ ملدے ہن۔ ہڑپہ تے موہنجو دڑو ہکے تہذیب دے دو انگ ہن۔ سندھ تے پنجاب دے لکھاریاں نے اپنے وچار تے لوک سوج نال ایس سانجھ دی اُساری نوں ہور پکیرا کیتا۔ بابا فرید، مادھو لال حسین، سلطان باہو، وارث شاہ، بلھے شاہ، خواجہ غلام فرید تے شاہ لطیف، سچل سرمست، ماسی، حمل تے روجل ہکے سلسلے دیاں کڑیاں ہن۔

احمد سلیم نے شیخ ایاز دے زیادہ ترجمے شعری روپ وچ کیتے ہن۔ شعر نوں ترجماون اگوں ترجمے نوں شعر وچ ڈھالنا دوہری اوکھیائی تے ذمہ دا کم ہے۔

ترجمے نثر وچ کیوں نہ کیتے؟ کلاسیکل شاعری وانگر سنگیت شیخ ایاز دی شاعری دا اٹوٹ انگ ہے، سنگیت کڈھ لیا جاوے تاں اوہدے شعراں دی شکل ہو روئیں ہو ویندی ہے۔ سنگیت اوہدی شاعری وچ ہک خاص جذباتی تال 'وچ ڈھل جاندا ہے جیس پاروں تجربے نال ڈاڈھی اپنائیت دا احساس ہوندا ہے تے وجود کھیڈن لگ ہوندا ہے۔ احمد سلیم نے ترجمے وچ ایہہ احساس اسان تائیں پُچاون دا کامیاب جتن کیتا ہے اوس نے اصل سندھی وزن ترجمے وچ قائم رکھے ہن۔ کسے جا ایہہ وزن ان سوہنے وی لگ سکدے ہن پر ترجماون ہار دی ہک ہور مشکل وی ہے اوہ ہے شیخ ایاز دا اظہار۔ شعری قلبوت، فارم، اوس نے بعض قدیمی فارمز (جیہڑیاں شاہ لطیف، دوجے شاعراں تے لوک

ادب وچ ملدیاں ہن) وچ زیادہ اظہار کہتا تے اوہناں نوں سُر
 جواویا۔ اظہار دیاں ایہناں شکلاں وچوں بعض پنجابی ادب وچ
 نہیں ملدیاں۔ احمد سلیم نے ترجمے دی اوہو فارم قائم رکھی
 ہے۔ پڑھن والے نوں ایہہ اظہار دا روپ کسے ویلے اوہرا لگسی
 پر دوجی تریجی وار پڑھن نال بندہ اوس دی جس چاسکدا ہے
 ایہہ کتاب 'پیار دی محنت' دا بھل ہے۔ سانگے بناون دی سک
 دا ارمان۔ اساں اجے تائیں آپنیاں زباناں تے ادب نوں نیڑے لے
 آون دا بھرواں جتن نہیں کیتا۔ ایہہ کم ترجمیاں راہیں اپنے ادب
 نوں ہک دوجی زبان وچ ڈھالن نال ای ہوسکدا ہے۔ سندھ
 یونیورسٹی نے ایس کم وچ پہل کیتی ہے۔ مبارک!

ایس کتاب دے چھپن نال ہک نویں راہ کھلسی تے پنجاب
 تے سندھ دے لکھاری نیڑے آوسن۔ ہک دوئے دے مسئلے جان
 سکسن تے اساڈی سانجھہ پکیری ہوسی۔

ایہہ سانجھہ کوئی اج دی نہیں۔ ایہہ اساڈی ہزاروں ورہیاں
 دی تاریخ دی سانجھہ ہے جیہڑی ادب فن، مذہب، رھتل تے
 سیاست دے روپ وچ ظاہر ہوندی رہی۔ ایسے سانجھہ دی طاقت
 نال اساں ہک سٹھہ ہوکے بالر لے حملہ آور ڈھارویاں نال لڑدے
 رہے، اپنے وجود دی سلامتی واسطے، اپنی آزادی دی راکھی واسطے۔
 جیہی سانجھہ نوں نویں سُر تے نال جوڑنا اساڈے اجوکے
 وسیب دی تاریخی سنگ ہے تاریخ نے اساڈا مقدر ہک دوجے نال
 بدھا ہے۔ پنجابی لوکائی دا سندھی لوکائی نال کوئی بھیڑ نہیں،
 دکھ دی پیڑ دونہاں پاسے ہک جیہی ہے۔ کھل دا سُننا دونہاں
 پاسے اکھیاں ویہدیاں ہن۔ دکھ دی پیڑ سکاوں تے کھل دے
 سُننے نوں مادی حقیقت وچ ڈھالن لکھاری دی مذہلی تے وڈی
 ذمہ داری ہے۔ ایہہ ذمہ داری لوکائی نوں آپس وچ ہر بدھرتے

جوڑن نال پوری ہوسکدی ہے۔ لکھاری ایہہ تاریخی کم سبھہ
تھیں چنگے تے ہکتے ڈھنگ نال نبھا سکدا ہے۔ اوہ روٹی توں
لاء بندے دے اندرونے تائیں ہر شے نوں نیجہہ نال ویکھ سکدا
ہے تے سرت دے چانن نال ہر لٹکتی شے دی گجھی شکل
اکھاڑ سکدا ہے۔

شیخ ایاز دی شاعری دے ترجمے جھڑا پنجابی ادب وچ
وادھا نہیں۔ ایہناں نال جڑت دا نواں بارا کھلسی تے وجود سنگت
تے جذبے دا نواں رنگ مانسی۔

مشتاق صوفی

جام شورو
جولائی ۱۹۷۶ع

مکھ بول

ایاز نوں پنجابی وچ پڑھنا اک اجیہی خوش نصیبی اے جیہدا
خواب میں آج تون دس ورھے پہلاں ڈٹھا سی۔ مینوں سندھی
دی الف بے دا وی ہتہ نہیں سی جدوں میں ایاز دے کجھہ اردو
ترجمے پڑھ کے ہیرکھہ نال سوچیا۔ کیہ میں ایس شاعر نوں
کدی پنجابی وچ پڑھ سکساں؟ آج میری دس ورھے پرانی سدھر
پوری ہو گئی اے تے ایاز نوں اپنی ماں بولی وچ پڑھ سکنا دا
سواد میرے نال نال میرے دیس دے سینکڑے پڑھن لکھن والے
بندے وی مان دے پئے نیں۔

ایاز دے جیون تے اوہدی شاعری بارے گل کرن تون
پہلاں ترجمے لئی کلام دی چون، ترجمے دی زبان تے کجھہ
ضروری گلاں بارے اک دو وضاحتاں دی لوڑ اے۔ کلام دی
چون شاعر دی ذاتی نگرانی وچ کیتی گئی اے تے ایس بارے
اوہدے کولوں ویلے کویلے صلاح لئی گئی اے۔ ساری کتاب
سندھی شاعری دیاں صینفاں موجب ست وکھو وکھہ بھاگاں وچ
ونڈی گئی اے۔ دو صینفاں وائی تے بت بارے ذرا وپروے
نال گل کرن دی لوڑ اے۔

وائی سندھی شاعری دی صدیاں پرانی صنف اے۔ کجھہ

ورھے پہلاں تائیں شاہ عبدالطیف بھٹائی نوں وائی دا پہلا شاعر
 منیا جاندا سی۔ پیر حسام الدین راشدی تے کجھہ نوں سندھی
 کھوجی وائی دا مڈھ ہندھرویں صدی دے اخیرى دناں توں
 بنھدے نیں۔ ایہہ اوہ دن نیں جدوں پنجاب اندر کافی دا فن
 چڑھدیاں کلاں وچ ہا تے مادھو لعل حسین دا ناں ساری سندھ
 وادی دے لوکاں تائیں اپڑدا پیا ہا۔ کیوں جے پنجابی کافی،
 وائی نال ڈھیر رلدی اے ایس لئی سندھی کھوجیاں دا ایہہ
 وچار ٹھیک معلوم ہوندا اے جے ایہہ صنف شاہ لطیف بھٹائی
 توں ڈیڈھ کو سو سال پہلاں اپنا وجود رکھدی ہئی۔ بیت وی
 وائی وانگر سندھی شاعری دی صدیاں پرانی صنف اے۔ سندھی
 بیت، ٹکینک دی پکھوں پنجابی دوہڑے دے الٹ اے پر سورٹھے
 نال بہنوں میل کھاندا اے۔ بنارسی داس جین سوجب دوہے
 دے دو مصرعے ہوندے نیں تے ہر مصرع چوٹی ماتریاں دا۔
 مصرع دے پہلے حصے وچ تیراں تے دو جے وچ یاراں ماترے
 ہوندے نیں جد کہ سورٹھے وچ ایہدے اصلوں الٹ ہوندا اے
 جیویں ہیٹھلی مثال توں ظاہر اے:

دوہا

۱۱ ماترے	۱۳ ماترے
تھیر نہ رھندا کوہ	جگت تماشہ چار دن
جھگڑے بنن جو	دہرگ اوھناں دا جیوناں

سورٹھا

۱۳ ماترے	۱۱ ماترے
جگت تماشہ چار دن	تھیر نہ رھندا کوہ

جھگڑے بنھن جو دہرگ اوھناں دا جیوناں (۱)

سندھی بیت دا کوئی مصرع چوٹی ماتریاں دا ہوندا اے
کوئی بائی مصرعیاں دا تے کوئی تیشی مصرعیاں دا۔ کئی واری
اک بیت وچ مصرعے دو توں ودھ وی ہوندے نیں۔ پنجابی
ترجمے وچ سندھی ٹکینک دی پابندی کیتی گئی اے۔ جیویں:

گھور ھنیرے بیجلیاں، بھریا چم چمکار
سوھنی سوچیا سیڑھ وچ، میں ہی ہاں منجدھار
میں ہی پنہچاں آپ نوں، میں ہی اپنا پار
میں سنگ پرلا پار، ترے پیا منجدھار وچ

(سُر سوھنی)

یاں فیر:

بندے وچ مہان، سٹفنا اس سنسار دا
ھر پل جس نوں بہالدا، ازلاں توں اسکان
چھیکڑ تھی انسان، رانول روپ بنا لیا

(مستی)

* * *

کجھہ کارناں کرکے ایس کتاب نوں شیخ ایاز دی نمائیندہ
شاعری دی کتاب نہیں آکھیا جاسکدا۔ پہلا کارن ایہہ کہ اوھدی
شاعری ہزاراں چھپے آن چھپے صفحیاں وچ کھیاری پئی اے۔
کسے مجموعے دی چون عام کرکے دو ڈھائی سو صفحیاں توں ودھیک
نہیں ہوندی پر ہتھلی کتاب تاں پنج سو صفحیاں دے گیڑ وچ
آگئی اے۔ تسد وی ڈھیر سارا کلام چھوڑنا پیا اے۔ ایہنوں
نمائیندہ مجموعہ نہ آکھہ سکن دا دوجا کارن ایہہ ہے کہ بہت

(۱) بنارسی داس جین۔ ”پنجابی زبان تے اوھدا لٹریچر“ مجلس شاہ

حسین، لہور ص ۱۰۰

ساریاں سوہنیاں نظماں ترجمے وچ قتل ہوندیاں ویکھہ کے چھوڑ
 دتیاں گئیاں نیں۔ ترجمے وچ جے کوئی لکھت اپنا بھرواں اثر
 نہ چھوڑ سکے تاں اوہنوں ترجموں دی کھیچل نہیں کرنی چاہیدی۔
 تیجا کارن ایہہ کہ ایاز دے کسے مجموعے چوں کوئی غزل ترجمہ
 نہیں کیتی گئی تے ایس صنف نوں اصلوں ہی چھوڑ دتا گیا اے۔
 بھانویں اوہدیاں غزلاں اوہدے دوجے کلام توں کسے طرح وی
 گھٹ نہیں تے ایاز نے اوہناں دا مزاج وی اصلوں سندھی بنا دتا
 اے تہ وی کیوں جے غزل دا پنجابی دی ہزار ورھے دی ادبی
 ریت وچ کوئی تھاں نہیں ہے تے اج وی ایس ریت دی پالنا
 کرن والے شاعر غزل نہیں لیکھدے ایس لئی میں ٹھیک ایہو
 سمجھیا اے کہ ایاز دیاں غزلاں نہ ترجمائیاں جاوں۔

تے کجھہ وضاحت ایاز دی تے ترجمے دی زبان بارے۔ ایہہ
 زبان لہور نال لگدے پنڈان توں لے کے دور تائیں کھیلرے
 پنجاب دے سارے علاقیاں لئی تاں جانی پچھانی اے پر ہوسکدا
 اے لہور شہر دے کجھہ سوجھواناں نوں ایہہ ذرا اوپری جائے۔
 میرے خیال وچ ایہہ زبان پنجابی شاعری دی صدیاں پرانی ریت
 چوں پھٹی اے ایس لئی ایہنوں قائم رکھنا بہوں ضروری ہا۔
 دوجے، سندھی شاعری نال انصاف وی ایسے زبان راہیں کیتا
 جاسکدا ہا۔ ایہو گل ایاز دی اپنی زبان بارے وی آکھی جا
 سکدی اے پر اوہدی زبان بارے گل کجھہ ویروا منگدی اے۔
 شاعری دی زبان بت گری تے مصوری وانگر بین الاقوامی نہیں
 ہوندی۔ پتھر تے رنگ دی کیرت وچ ساری دنیا واسطے اک سانجھی
 اپیل ہوندی اے۔ شاعری دی زبان دا معاملہ کجھہ وکھرا اے۔
 ہر زبان دے لفظاں دی اپنی تاریخ تے جغرافیہ ہوندا اے (تے
 جغرافیہ، تاریخ دی دکھیاری ماں اے۔ ایاز) ہر لفظ نال اوس

خاص دھرتی دا بہت ڈوہنگھا ساک ہوندا اے۔ لوکان دا مزاج تہذیب، تاریخ، دیونالا، لوک ادب، رکھ، پکھنوں، پھل، ندیاں نالے تے پہاڑ لفظاں دی روح اندر دھڑکدے ہوندے نیں۔ لفظاں دی روح تائیں اہڑے بناں شاعری دی روح تائیں رسائی نہیں ہو سگدی۔

لفظاں دی چون دا معاملہ شاعر دے دھیان دا بہت سارا حصہ منگدا اے تہ کہتے جا کے اوہناں لفظاں وچ اوس دھرتی دا دل دھڑک سکدا اے۔ میں ایہہ گل اک مثال راہیں کھولنا چاہوندا ہاں۔ ایس کتاب وچ اک گیت نائک ”رنی کوٹ دے دھڑویل“ شامل کیتا گیا اے۔ ایس گیت نائک دے پنج کردار نیں۔ ولہار، وینگس، آڈھا، ڈاڈھا تے کاڈھا۔ ایہہ پنجے ناں صدیاں توں سندھ دی پینڈو وستوں دے نال ٹرے آ رہے نیں پر اینہاں ناواں دے سندھی بولی وچ اپنے خاص معنی وی نیں جیہڑے ڈرامے دے معنی کھولدے نیں تے اوہدے سونہ نوں دونا کر دیندے نیں۔ ولہار سبزے نوں آکھدے نیں تے وینگس سونہی تے بھرویاں چھاتیاں والی مٹیاریں نوں۔ (شاید ”وینگس“ دا یونانی لفظ ”وینس“ نال کوئی تاریخی سبندہ ہ۔ وے) لفظ ”آڈھا“ بڈھے بندے واسطے ورتیا جاندا اے۔ ”کاڈھا“ بچھے لگن والے نوں آکھدے نیں تے ”ڈاڈھا“ تکرے بندے نوں۔ جس علاقے بارے ایہہ گیت نائک رچیا گیا اے اوہدے ناں دا وی ڈرامے دا ماحول بناون وچ خاص ہتھ اے۔ ”رنی کوٹ“ دادو دے نیڑے پہاڑی وستی دا ناں اے۔ سندھی وچ جیہدے معنی ”ودھوا دا محل“ نیں۔

لطیف وانگر ایاز نوں وی سندھی زبان اتے قدرت حاصل ہے۔ اوہدی زبان اردو شاعراں وانگر کتابی زبان نہیں اے۔

بھانویں اوہنے اپنے کلاسیکی ادب دا اک اک اکھڑ پڑھیا تے
 اوہدے معنیاں دا سواد مانیا ہویا اے فیر وی اوس صرف کلاسیکی
 ادب دی زبان دا سہارا نہیں لیا سگوں سندھ دے کوئے کوئے
 دا سفر کر کے لوک گیتاں دا رس تے عواسی زبان دا جادو اپنی
 شاعری وچ آندا اے۔ اردو شاعری وچ تاں ولی دکنی تون اج
 تائیں کجھ لفظاں دی ہی الٹ پھیر ہوندی رہی اے ہر ایاز
 دی شاعری وچ ہزاراں اجیہے لفظ نیں جیہڑے پہلاں کسے ہور
 شاعر نہیں ورتے۔ اوہنوں پورا یقین اے جے لوکاں دی بولی دا
 کوئی اکھڑ بہارا نہیں ہوندا۔ اوس ہزاراں نویں قافئے اپنی شاعری
 وچ آندے نیں۔ اوہدے ہر مصرعے دے بیچھے ایس دھرتی دا
 ماضی حال تے مستقل دھڑکدا اے۔

اوہدی زبان نوں بھانویں شہراں دے کجھ ”پڑھے لکھے“
 لوک ”اوکھی“ زبان آکھدے نیں پر ایہہ مننا ہوسی کہ ایاز
 دے سندھی متن تے سیرے ترجمے وچ کیدھرے کدھرے بس
 کجھ لفظاں دا فرق اے۔ سندھی تے پنجابی زبانان دی اپنی
 ڈوہنگی سانجھ تون اجے تائیں دونہاں صوبیاں دے لوک جانوں
 نہیں۔ مینوں وی ایہہ شاعری ترجمہ کر کے ہی اندازہ ہو سکیا
 کہ پنجابی تے سندھی زبانان دے اکھڑ پنجاہ تون سٹھ فیصدی
 تائیں سانجھے نیں۔ ایس بارے اگے ودھ کے ڈوہنگی کھوج کرن
 دی لوڑ اے۔

* * *

ایاز دے جیون بارے دستن لگیاں میرا جی چا ہوندا
 اے۔ فیض دی گل دھرا دیوان۔ ”ایہہ آکھنا جسے
 شعر دی دنیا وچ شیخ ایاز دا ناں کسے تعارف دا محتاج
 نہیں بڑی ہولی جیہی گل اے۔“ فیض دی ایس گل نوں ہر

اوہ بندہ سوکھے سبھاء سمجھہ سکدا اے جس ایاز نوں کدی پڑھیا
 وی نہیں تے اوہ اوہدے ناں توں انجان وی نہیں۔ پا کستان دے
 قومی ادب وچ ایاز اک اجیہا ہی ناں اے جیہدے تعارف واسطے
 کجھہ آکھن دی گھٹ ہی لوڑ پیندی اے۔ سندھ دے اک
 کامیاب وکیل، سندھ یونیورسٹی دے وائس چانسلر تے شاہ لطیف
 بھٹائی مگروں سندھی شاعری دی سبھہ تون اُچی آواز نہ صرف
 جانی پچھانی اے سگوں ایہہ آواز اپنی وی لگدی اے تے کینے
 اجیہے شاعر نیں جینہاں دے نصیب وچ لوکاں دا اپنا شاعر ہونا
 لکھیا ہوندا اے۔ میں آکھساں بہت ہی گھٹ۔ سندھی شاعری
 دی تاریخ وچ لطیف سائیں تے ایاز دو اجیہے بھاگاں والے ناں
 ہین جینہاں ایہہ خوش نصیبی وچ رچ کے مانی اے۔

ایاز نوں اوہدی شاعری توں تے اوہدی شاعری نوں کُل
 انسان ذات توں وکھہ کر کے نہیں ویکھیا جاسکدا پر انسان ذات
 دی پیڑ نوں اوہنے سندھی لوکاں دی پیڑ راہیں جاتا تے پچھاتا
 اے۔ ایس لئی اوہدے جیون تے شاعری نوں جانن تون پہلاں
 سندھ نوں جاننا ہوسی۔ سندھ نوں جان کے ہی ایاز نے کُل
 آفقی نوں جانیا اے۔ سندھ دی پیڑ وچ کٹرلا کسے ہی اوہ،
 ویت نام، کانگو، انگولا تے حق واسطے ہو رہے دنیا دے ہر
 گھول وچ اپنی آواز رلا سکیا اے تے انسان ذات دی جیت اُتے
 مان کر سکیا اے پر سبھہ تون پہلاں وس سندھ دی گل کیتی
 اے کیوں جے کسے وی سفر تے ٹرن لگیاں پہلا قدم گھر توں
 گلی وچ پیندا اے تے کئی واری گھر دی پیڑ نال و لکدی بوہے
 دی سہاٹھہ بندے دے پیر تپ لیندی اے جیہدے لئی پاندھی
 نوں کھلو جاوون دا سہنا نہیں دتا جاسکدا۔

ایاز دی شاعری گھر توں گلی وچ تے گلی توں بزار تائیں

تے فیر ساری دنیا دیاں گلیاں بزاراں تائیں کنڈیاں نال بھرے
 راہواں دا اک سفر اے جہدے وچ ہندی خالیے دا اکلہا وی
 اے تے اپناں پرائیاں دیاں بہراں وی۔ تے انج اوہدی شاعری
 کنڈیاں دے سفر وچ کتے پھلاں دے سوہن دا مہاندرا اے
 تے کتے اوہناں دی مہکار۔ تے اوہدے گیت بھیڑدے نیں، سوہن
 دے بچاء کارن، کوہجھ۔ دے خالی۔ تے اوہدیاں وائیاں ہتھیار
 بن دیاں نیں، دھرتی کارن، روٹی کارن، آزادی کارن۔ اوہناں
 و تیریاں دے خلاف جہناں دیس دے لوکاں کولوں روٹی دی
 بُرکی وی کھوہ لئی آہی تے آزادی دا ساہ وی گھٹ دتا ہا۔
 تے شاعر روہ بھرے لہجے وچ گاون لگیا ہا:

میرا مِل نہ پُچھ او آہر!
 میرے گیتاں دا مِل پھر سیں؟

جیس دے پتلے ہنچھو موتی
 میرے گیت دا مِل اوہ جوتی
 تیں پتلے ہنچھو پھل کتھے؟
 میرے گیتاں دا مِل کتھے؟

تے جیویں میں آکھیا اے اسیں ایاز زون اوہدی شاعری
 کولوں وکھ کر کے نہیں ویکھ سکدے۔ میں فیر اوہدے جیون
 ول آوندا ہاں۔ اوہنے ۱۹۷۲ع مگروں اک وی شعر نہیں لکھیا۔
 میں اک واری پریشان ہوکے اوہنوں ایہہ گل چیتے کرائی تاں
 اوہ مسکرا کے چپ ہو گیا کجھ پلاں مگروں اوہنے پکاسو دی
 اک گل سنائی۔

— اک وار پکاسو کینوس تے کھلو تا اک تصویر پیا بناوندا
 ہا۔ نیویارک توں اک امریکن آرٹ ڈیلر اوہدے کول آیا تے

آکھن لگیا "میں تیری اک تصویر دو لکھ ڈالر وچ خریدی اے۔ ویکھ، کیہ ایہہ اصلی اے؟" پکاسو بے دھیانی جیسی نال تصویر ول ویکھیا تے دسیا کہ ایہہ تاں نقلی اے۔ ایہدے اتے پیسے خرچن دی لوڑ نہیں۔ اک مہینے مگروں اوہو آرٹ ڈیلر فیر آیا تے آکھیوس "تیری ایس تصویر بدلے میں چار لکھ ڈالر بھرے نیں، تک! کیہ ایہہ اصلی اے؟" پکاسو جلدی جیسی نظر تصویر تے گھتی تے دسیا جے ایہہ تصویر وی اصلی نہیں ہے۔ کجھہ دناں مگروں اوہ بندہ تیجی واری پکاسو کول آیا تے اک ہور تصویر وکھا کے اوہدے اصلی ہون دی تصدیق منگی۔ جد پکاسو اوہو پرانا جواب دھرایا تاں اسریکن چیک کے آکھن لگیا "پر ایہہ تصویر تاں میں تیتھوں ہی خریدی اے۔ کیہ توں نقلی تصویراں بناوندا ایر؟" پکاسو جھٹ آکھیا "ہاں میں بہتیاں تصویراں نقلی ہی بناوندا ہاں۔"

ایہہ گل منا کے ایاز فیر مسکراوندا اے تے اوہدی مسکان جیویں آکھدی اے۔ صرف مصوور ہی نقلی تصویراں نہیں بناوندے۔ کئی واری شاعر وی نقلی شعر لکھدے نیں۔ جدوں کیرت دی ایچ مٹک ویندی اے تاں اوہ اپنیاں پرانیاں گلاں مڑ مڑ اپنے نویں شعراں وچ دھراندے نیں۔ ہر نویں کیرت لئی اک وقفے دی لوڑ ہوندی اے تے ایس وقفے اندر شاعر دے داخلی جذبے، اوہدی حیاتی دی پیڑا، ساج دی جان پہچان تے اوہدا احساس اک برابر برابر ٹردی لائن وانگر ہوندے نیں ایہدے سامنے اک دوجی لائن ہوندی اے جیہڑی اوہدے مطالعے تے زبان اتے ادھارت ہوندی اے اک ویلا اجیہا آوندا اے جدوں دونویں لائناں مڑ کے اک تھاں تے آسلیدیاں نیں تے اوہناں دے ملن نال چان چک اک لاٹ بھڑک ہوندی اے

تے اک گیت جنم لیندا اے۔

ایاز نے جو کجھ آکھنا سی آکھ چکیا اے۔ اوہنوں
اوہ سڑ سڑ کے نہیں دھرانا چا ہوندا۔ ہن اوہ اپنی کسے نوہیں
کیرت دی اڈیک وچ اے ہر اوہ ایہہ وی جان دا اے جے
شاعری بے وفا محبوبہ وانگر اے۔ اوہدا پتہ نہیں ہوندا کس ویلے
ہمیش لئی سنگ تروڑ جاوے تے کسے ہور نال آشنائی بنا لوے۔

پچھلے اٹھ مہینیاں وچ میں اوہنوں بہت نیڑے توں ویکھیا
اے۔ وائس چانسلر دی حیثیت وچ اوہ دنیا دے کئی دیساں وچ
گیا اے تے ہر سفر توں برتن مگروں، میں جدوں وی اوہنوں
ملیا ہاں، ہر واری میں اوہدے خیالاں وچ ہلچل محسوس کیتی
اے۔ اوہ ہر پل بدلدی دنیا دی سوجھ رکھدا اے تے ایس
دنیا وچ، اوہدے دیس دا تے دیس دے لوکاں دا کیہ تہاں اے
اوہ ایس نکتے نوں جنگی طرح جان دا اے۔ میں پورے یقین نال
آکھ سکدا ہاں جے اجے تائیں اوہدے اندر اپنی کھچھے کہ
شاعری نیڑے دے مستقبل وچ اوہدے نال بے وفائی نہ کرسکسی
تے اوہدی نوہیں کیرت پچھلیاں سبھ لکھتاں تے بھاری ہوسی۔
ایس توں ودھہ آون والے دنوں بارے کجھ آکھیا وی نہیں
جا سکدا۔

- ہر جے اوہدی کیرت کلاء، اوہدا سنگ چھوڑ وی جاوے
تد وی اوہنے اج تائیں جو کجھ لکھیا اے اوہ اوہنوں نہ صرف
پاکستان سگوں پورے مشرق دی شاعری وچ اک وکھرا تہاں
دیون لئی بٹھتا اے۔ اوہدے رُجھیویں ویکھے کے کئی وار میں
ڈر کے سوچدا ہاں جے ہُن ایہہ بندہ کدی شعر نہ لکھ سکسی
پر فرصت دے پلاں وچ جد وی اوہ شاعری پارے گلاں کردا
اے مینوں پک ہو ویندا اے بھئی جد تائیں ایہہ بندہ جیوندا

رہسی نویں نویں گیت لکھدا رہسی تے جدوں اوہ گیت لکھنے
 اصلوں چھوڑ دیسی اوہ اوہدی حیاتی دے اخیر لے دن ہوسن...
 شاعری نال میری سانجھ ورھیاں پرانی اے۔ میں پچھلے
 اٹھ دس سالن وچ پاکستان دے کنے ہی لکھاریاں نوں ملیا
 ہاں پر اج تائیں ایاز توں وکھہ میں ہور اجیہے کسے شاعر نوں
 نہیں ملیا جیہدی حیاتی دے ہر پل اتے اک جنون ورگی سیک
 طاری ہووے جے اوہنے اپنی کلاء نوں سیخر تے پُچانا اے
 ہزاراں رُجھیویاں دے ہونڈیاں وی اوہ پچھلے تیرہ ورھیاں توں
 ایہہ گل کدی نہیں بھُلیا جے اوہ شاعر اے تے اوہدے جیون
 دی اکو ہی سک اے کہ اوہ بے جان لفظاں وچ جان پا دیوے
 تے اوہناں نوں موہنچو دڑو دی ناچی وانگر نچاوے۔ میں اج
 تائیں کسے ہور اجیہے شاعر نوں نہیں ملیا جیہڑا حیاتی دے
 ہر دکھ تے سکھ، عزت تے ذلت نوں پچھے رکھدا ہووے
 تے اپنی کیرت کلاء نوں سیخر تائیں اہڑان دے جذبے نوں سکھ
 جان ھا ہووے۔

شعر اوہدے تے مینہ وانگر آندے نیں تے کدی کدی
 جیل دیاں اوکڑاں جھلدا اوہ دو مہینیاں وچ ایناں کجھ لکھ
 لیندا اے جتاں کئی شاعر عمراں گال کنے وی نہیں لکھ سکدے۔
 ایتھے میرا اشارہ اوہدی اخیرلی کتاب ”کپڑ تو کُن“ کری
 ول اے جیہدے بارے میں کجھ ویروے نسال گل کرنا
 چاہوندا ہاں۔

”کپڑ تو کُن“ کری (کنڈھے گھمٹن گھیر) مندمہ
 دیاں لوک داستاناں نوں اج دیاں انسانی اوکڑاں راہیں ویکھن
 دا اک سفل جتن اے۔ ہر لوک داستان دی نویں فلسفیانہ توجیح
 کیتی گئی تے بندے دی اجوکی پیڑا دے بیان نوں اک منطقی

نتیجے تے اہڑایا گیا اے۔ ایہہ اوہو لوک داستاناں نیں جینہاں
 نوں شاہ لطیف اپنے ویلے دیاں انسانی اوکڑاں راہیں اک واری
 کھنگال بیٹھے سن۔ ہر سُر وچ ایاز نے فلسفے دیاں جیہڑیاں
 نوں بھٹاں چھیڑیاں نیں اوس بارے کئی واری اوہدے نال میری
 گل ہوئی اے۔ تے ایہہ کتاب پڑھدیاں مینوں ہمیشہ انج جاہیا
 اے کہ جدوں فلسفے نوں لفظاں وچ نہ بیانیا جا سکے تاں اوہنوں
 ایاز دے سُران وچ محسوس کیتا جا سکدا اے۔ فلسفہ جدوں
 سمجھ وچ آون دے نال نال محسوس وی ہون لگ پوے اودوں
 شاعری دی ایہو جیہو کوالٹی جنم لیندی اے جیہدے معنے کتاب
 وچ اک تھان تے کھلو نہیں جاندے سگوں ناڑاں وچ رت والگر
 ٹردے حیاتی دا اک عمل بن جاندے نیں۔ سُر ”سوہنی“ دی
 اخیرلی داستان وچ وجودیت دا فلسفہ سانوں حیاتی دے ایہو
 جیہے عمل دی ہی گل سنلدا اے یاں فیر ”سوکھی ستارے“
 وچ سانوں ایس عمل دا ہنگارہ سنائی دیندا اے۔ ”نوری تماچی“
 وچ شاعر دے سامنے ایہہ سوال اے کہ ہیرو تاریخ نوں بناندا
 اے یاں تاریخ ہیرو نوں۔؟ سر ”ماروی“ وچ سندھ نال
 وحدت الوجود دی کیفیت پیدا کیتی گئی اے۔ سر ”کاپائتی“
 وچ کلا تے کلا سیکھن دے عمل و لوں مونہہ موڑن دے نظرئیے
 بارے دسیا گیا اے۔ ”سوسل رائو“ تے ”سستی“ وچ اوس آدرش
 دی نیمہ جیہی وضاحت کیتی گئی اے جیہدے سیاسی وجود
 لئی شاعر دا من ہمیشہ بے چین رھندا اے۔ ماسی دے اشاوکاں
 وچ شاعر کائنات، ازل ابد تے ویلے تے تھان دی گنجھل کھولن
 وچ رُجھیا ہویا اے۔ ”سورٹھہ“ وچ اوہ کلا تے کلا کار دے
 جیون دے اک مک ہوون دی گل کردا اے تے ایس نکتے اُتے
 زور دیندا اے جے کلا نوں سیخر تائیں اہڑان لئی دوجیاں دے

سیر دی نہیں سگوں اپنے سیر دی قربانی دینی چاہیدی اے۔ گوہ
 نال ویکھیئے تاں ایاز دی ساری شاعری وچ ایسے اک لکھے دی
 کونج اے۔ سُر ”سورٹھہ“ آرٹ دی لہولہان تاریخ دا اک اجیہا
 ورقہ اے جیہدے وچ صرف اُنگلاں پھٹڑ نہیں ہوندیاں (۱) سگوں
 سیر پینڈے توں وکھ کرانا پیندا اے۔

ایاز دے ایہناں سُراناں دی چون ایس کتاب وچ ”کنڈھے
 گھمن گھیر“ دے ناں ہیٹھ دتی گئی اے۔ سُر ”سوہنی“ توں
 وکھ دوجے سبھہ سُراناں دے کجھہ چونویں حصے ترجمہ کیتے
 کئے نیں۔ ایسے لئی ہو سکدا اے ”سوہنی“ نوں چھوڑ کسے
 دوجے سُراناں وچ تسلسل دی گھاٹ دیتے فیر وی ہتھلی کتاب
 دا ایہہ حصہ سینوں سبھہ توں ودھہ ٹنبد اے تے اک اک سطر
 بارے سُر سُر وچار کرن تے مجبور کردا اے ایس حصے وچ
 جیہڑیاں لوک داستاناں دا ذکر آیا اے اوہناں دا وکھرا وپروا
 دتا جا رہیا اے تاں جسے کہانیاں دی پچھوکڑ پاروں، سُراناں
 وچ تسلسل دی گھاٹ بہتی نہ محسوس ہو وے۔

ایتھوں فیر ایاز دے جیون ول۔ میں اوہنوں ۱۹۶۹ع وچ
 پہلی وار ملیا۔ اودوں میرے سامنے اک رُجھیا ہویا وکیل ہا۔
 کئی سال تائیں میں اوہنوں سکھر وچ کسے ملدا رہیا۔ کئی وار
 اوہدے گھر ٹھریا۔ کئی کئی دن اوہدے نال بیتائے پر میں
 اوہنوں ہر رُجھیویں وچ ویکھیا سوائے شعر لکھن دے رُجھیویں
 توں۔ میں کہیں اوہدے بہت نیڑے رہن والے دوستاں وی
 اوہنوں شعر لکھدیاں کدی نہیں ویکھیا۔ ہاں۔ شاید کتلا رشید
 بھٹی ہی ایہہ دعویٰ کر سکدا اے کہ اوہنے ایاز نوں اپنی کیرت
 دے تانے بانے بئندیاں ویکھیا اے۔

(۱) ’آنکلیاں فکار اپنی، خامہ خونچکاں اپنا‘ (غالب)

ایہہ ۱۹۷۱ع دی گل اے۔ ایاز تے رشید بھٹی جیل وچ
 کٹھے نیں۔ ایاز روز سویرے پنج وجے اٹھدا اے تے لکھن بہہ
 جاندا اے فیر شاماں تائیں اوہ لکھدا ہی رھندا اے۔ روٹی دی
 تھانویں چاہ بسکٹ تے گزارہ۔ بھریا ڈھڈھ کیرت دا وپری
 ہوندا اے (ایہہ ایاز دے لفظ نیں) فیر جدوں من دی ایہہ سوج
 لہ جاندی اے اوہ اپنی اک سطر بدلن جوگا وی نہیں رھندا۔
 اوہدی حیاتی انہونی جیہی والہانہ کیفیت تے مسلسل محنت دا
 اک سوہنا میل اے۔ اک الہاسی کیفیت پچھے، ساری حیاتی دا
 ریاض ہوندا اے۔ اک واری اوس مینوں آکھیاہا "سلیم! شاہدے
 نوں مصرعہ کرن لئی کدی کدی ویہہ ویہہ تریہہ تریہہ ورھے
 اڈیکنا پیندا اے فیر چان چک اک ہل اجیہا آوندا اے جدوں
 جوالا دا مونہ پاٹ ویندا اے تے اوہدا لاوا رانگلیاں لاناں بن
 ابدھر اودھر کھینڈ جاندا اے" ایاز نوں ویکھے کے کدی کدی
 محسوس ہوندا اے اوہ اک اجیہے مصوور وانگر اے جیہنے بہت
 پیتی ہوئی اے تے رنگاں دے کینے ہی ڈبے کینوس تے سٹ
 کے، بڑش دے دو چار جھٹکیاں نال اوہ اک ہل وچ کنیاں ہی
 سورتاں بنا لیندا اے۔ تے کدی اوہنوں ویکھے کے اک ٹوبھے
 (گھاتو) دا دھیان آوندا اے جیہڑا سمندر دی سبھہ توں ہیٹھلی
 تہ تائیں غوطہ لاوندا اے تے جدوں ہانی دی سطح تے اُبھردا
 اے تاں اوہدیاں سٹھیاں وچ لَش لَش کردے موتی ہوندے
 نیں۔ اوہ ربت تے ہانی اُتے اپنیاں بھجیاں اکھتاں نال اوہناں
 نوں حیران ہو ویکھدا اے بھٹی ایہہ اوہدیاں سٹھیاں وچ کیویں
 آگئے۔ کلاء دی کیرت وچ اوہدی عُمرا بیت گئی اے۔ اک
 وار میں اوہنوں انسان دی تخلیق بارے پچھیا تاں اوہ مسکرا
 کے اُلٹا مینوں پچھن لگیا "بیس چوں پھل کیوں جمدا اے؟"

میں تے نہیں پر شاید نہاتات دے علم دا کوئی کھوجی کدی
ایس سوال دا جواب دے سکے -

پر اوہ صرف کیرت دے ماضی وچ ہی جہات نہیں ہاوندی
اوہ کرت دے مستقبل تے وی نظر رکھدا اے ایسے لئی اوہدا
ادب "ادب برائے زندگی" تے نہیں کھلواندا سگوں ایس توں
وی اگے جاندا اے۔ معاشی انصاف والے سماج وچ وی انسان
کول جیہڑے سوال نین اوہناں دی کھوج توں اوہ مونہہ نہیں
موڑدا تے ایہہ کھوج اہک اے۔ ایہہ بندے دی سیاسی تے
معاشی نجات مگروں وی نہ سکسی۔ اوہدی شاعری سندھم توں
ٹردی اے پر اخیر اوہ تھان تے ویلے دیاں ماریاں خداں ٹپ
جاندی اے۔

* * *

ترجمے دا ایہہ کم میں ڈھائی مہینیاں وچ کیتا اے۔ اپنے
تھوڑے دنن وچ ساڈھے چار سو صفحیاں نوں ترجمہ کرنا میری
حیاتی دا اک اچرج تے نوبکلا تجربہ سی۔ ایہدے وچ مینوں
کینی کو کامیابی ہوئی اے ایہہ فیصلہ تساں کرنا اے۔ میں
ایتھے مشتاق صوفی دے اوہ لفظ نقل کرنا چاہوندا ہاں جیہڑے
اوس میرے ترجمے بارے آکھے نیں۔ صوفی ایس کم نوں "پیار
دی محنت" دا بھل آکھدا اے۔ میں سمجھدا ہاں میرے دلی
جذبے نوں ایس توں چنگے تے مناسب لفظاں نال نہیں سی بیانیا
جا سکدا۔

پر پیار دی ایس محنت بارے آپ اپنے گن گاون دی
تھانویں میں ایتھے ترجمے بارے اپنے کجھہ وچار دسنا چاہوندا
ہاں۔ اک عظیم شاعر نوں دوجی زبان وچ لیانا بہتوں اوکھا کم
اے اوہدی زبان دیاں بریکیاں تے بیان دیاں خوبیاں، روزمرہ

دے استعمال تے لفظاں دی اک خاص طرح دی روح نوں کسے
 دوجی زبان وچ لیاؤنا، تے اوہدے رنگ تے مہک نوں قائم رکھنا،
 جے نامکن نہیں تان بہت اوکھا ضرور اے۔ پشکن نوں روس
 دا «ملک الشعراء» آکھیا جاندا اے روسی زبان جانن والے اوہدی
 شاعری دے ترنم دا جادو چنگے رنگ محسوس کردے نیں پر
 پشکن دے انگریزی یاں اردو ترجمے پڑھ کے بھتا کجھ محسوس
 نہیں ہوندا۔

جے ایس ترجمے وچ ایاز دی شاعری دیاں کوئی خوبیاں
 آگئیاں نیں تان ایہہ اصولوں عواسی زبانان دا اپنا کمال اے۔
 سندھی وانگر پنجابی زبان دی وی اک دھرتی اے تے اک تاریخ
 جغرافیہ اے۔ جیویں کہ میں پہلاں وی آکھ چکیا ہاں دونہاں
 زبانان دی ڈوہنگھی سانجھہ کارن میرا کم ڈھیر سوکھا ہو گیا
 اے۔ ایس سانجھہ دی اک ہور مثال دساں۔ مشہور سندھی شاعر
 امداد حسینی اجکل پنجابی دی کلاسیکل شاعری دا سندھی ترجمہ
 کر رہے نیں۔ جدوں اوہ مادھو لعل حسین تے بلھے شاہ دیاں
 کافیاں دا ترجمہ کرن بیٹھے تان حیران ہوکے مینوں آکھن لگے
 «یار، بلھے شاہ نوں ترجمہ کرن دی کیہ لوڑ اے۔ ایہہ سارا کلام
 تان اصلوں سندھی لگدا اے، کئی کافیاں وچ امداد حسینی نوں
 بس کجھ لفظ ہی بدلنے پئے نیں۔ جیویں شاہ لطیف تے ایاز دیاں
 کجھہ وائیاں وچ دوچار لفظ بدل کے میں اوہناں نوں پنجابی
 بنا دتا اے۔

ایاز دی شاعری وچ ترنم دے جادو دا ٹھیک اندازہ اودوں
 ہی ہوسکدا اے جدوں اوہنوں سندھی گائیکاں الٹن فقیر تے
 زرینہ بلوچ دی آواز وچ سُنیا جاوے۔ اُنج ایہہ شاعری تیری
 گائیکاں دی محتاج وی نہیں اے تے سندھ دے اک سچن دے

لفظاں وچ 'نیشنلائزڈ' ہوچکی اے جینہوں ہرکوئی گاوندا
بھردا اے۔

ایس ترجمے یاں "بیار دی مچنت" وچ ایاز تے اوہدی
شاعری نال میرے بے انت پیار نے وی چوکھا ہتھہ گھتایا اے۔
دس ورھیاں توں میں جیس شاعر دے اک اک اکھر نوں اکھاں نال
لاندا رہیا ہاں اوہدے کلام نوں اپنی ماں بولی وچ ترجمہ کریندیاں پیار
دا جیہڑا نشہ سینوں چڑھیا رہیا اے اوہدا سواد کچھہ میں ہی
جان سکدا ہاں۔ اک اک دن وچ میں ویسہ ویسہ تیرہ تیرہ
نظاماں وی ترجمہ کیتیاں نیں تے اوہناں دے سواد وچ فیر کئی
کئی دن نویں ترجمے دے کم نوں ہتھہ وی نہیں لایا۔ پیار دی
مچنت دا ایہہ پھل، میری ساری حیاتی دی مچنت دا سبھہ توں
مٹھا پھل اے جیہدے بارے فیروز تارڑ دا آکھنا اے کہ ایہہ
کتاب ترجمہ تان اکتا ہی نہیں لگدی تے پنجابی شاعرہ یاسمین
جمال نوں ایس کتاب وچ 'کوئی اچیھی لیک نہیں دسدی
جیہڑی سندھہ تے پنجاب نوں اک دوجے کولوں وکھہ کردی
ہووے کیوں جے سستی تے سوہنی دی سیک ساری سندھہ وادی
دے لوکاں دے ہوٹھاں تے پیاس وانگ بلدی اے۔"

*

*

*

ایاز دی شاعری وچ سندھی لوک داستاناں تے اوہناں دے
کرداراں دا سڑ سڑ حوالہ آوندا اے۔ اصل وچ ایاز نے اپنی شاعری
دا سارا مواد اپنی دھرتی، اوہدے دریاواں، پہاڑاں، لوکاں تے
اوہناں دے جیون توں لیا اے "کنڈھے گھمن گھیر" والا حصہ
تان سارا دا سارا سندھی لوک داستاناں دی نینہہ تے اُساریا گیا

اے۔ ایس شاعری نوں سمجھن لئی ضروری اے کہ پڑھن والا
ابہدے پچھو کڑ توں جانوے ہووے۔

سوہنی تے سستی دا قیصہ تاں پنجاب دے لوکاں لئی
کوئی نواں نہیں اے پر دوجیاں لوک داستاناں دی، اوتھے لوکاں
نوں بہوں تھوڑی سہجھان اے۔ اینہاں صفحیاں وچ اوہناں داستاناں
بارے میں جیہڑی واقفی دیون لگیا ہاں اوہ ”شاہ جو رسالو“
دے منشاوم اردو ترجمے دے مقدمے چوں لئی گئی اے۔ ایہہ
اردو ترجمہ شیخ ایاز نے ۱۹۶۲ع وچ کیتا سی۔

سورٹھ تے رائے ڈیاچ

کسے زمانے رائے ڈیاچ ناں دا اک راجہ، جونا گڑھ تے راج
کر دا ہا۔ اوہدی اک بہین اولاد توں وانجھی آہی۔ اوس کسے
فقیر اکے اولاد دی دنا دا ترلا گھتیا۔ فقیر دعا کر بندیاں دسیا جے
اوہدا اک پتر ہوسی جیہڑا رائے ڈیاچ دا سیر اوہدے پنڈے
توں وکھ کر دیسی۔ سن کے راجکماری دی چیک نکل گئی۔
نوں مہینیاں مگروں اوہدے گھر پتر ڈھی پیا۔ اوہنوں فقیر دی
گل چیتے آئی تے اوس اپنے پتر نوں اک صندوق وچ ہا کے
روڑھ دتا۔ نیڑے دے علاقے وچ اوہنیں دنیں راجہ انی رائے
راج کر دا ہا۔ اوس راج دی اک ڈومنی تے اوہدے گھر والا
پانی بہن آئے تاں صندوق اوہناں دے ہتھ لگ گیا اوہناں بال
دا ناں بیچل رکھیا۔ بڑے لاڈ نال اوہنوں ہالیا تے خاندانی ریت
مطابق اوہنوں گاؤں دا کم سکھایا۔ وڈا ہو کے بیچل اپنے ساکاں
نال گاکے سنگن پین دے کم تے جاؤن لگ پیا۔

اک دہاڑے جنگل وچ کسے فقیر ہرن ماریا۔ ماس بھن
کے کھا گیا تے آندراں جھاڑیاں وچ سٹ گیا۔ جیوں جیوں آندراں

نوں وا' لگدی اوہناں جوں اک من کھچواں سُر نکااا۔ گیت
 سُنڈیاں ہی جنگل دے کُل پکھنوں آندراں دے آل دوالے آجڑے۔
 بیجَل وی اوتھوں لنگھیا۔ اوہ آندراں چا کے گھر لے آیا۔ اوہناں
 نوں چنگ تے چاہڑیا تے گز نال وجاوں لگیا۔ جو ہاسے سُر پھٹن
 لگے۔ بیجَل نے ایس چنگ نال جنگل وچ ہرن تے پکھنوں پھڑن دا
 کسب بنا لیا۔

جس دینہ بیجَل جمیا ہا اوسے دینہ، راجہ انی رائے دے
 گھر اک دھی جمی آھی۔ راجے دیاں پہلے ہی ست دھیاں
 ہاھن۔ اوس اپنی اٹھویں دھی صندوق وچ پا کے روڑھ دتی۔
 ایہہ صندوق وگدا ہويا رائے ڈیاچ دے علاقے وچ آگیا تے رتن
 رائے کبھار دے ہتھ لگیا۔ رائے دی کوئی اولاد نہ آھی۔ اوس
 کڑی دا ناں سورٹھ رکھیا تے بڑیاں سدھراں نال پالن لگیا۔
 بہانویں رتن رائے، رائے ڈیاچ دی رعیت ہا فیر وی انی رائے
 نال اوہدے چنگے سبندھ ہاھن۔ سورٹھہ جوان ہونی تاں اوہدے
 سوہن دیاں دھماں پے گئیاں۔ انی رائے، کبھار کولوں اوہدا
 ساک منگ لیا۔ رتن رائے ساک دینا من گیا تے زور شور نال
 ویاہ دیاں تیاریاں ہوں لگیاں۔ رائے ڈیاچ نوں پتہ لگیا تاں اوس
 سورٹھہ نوں رتن رائے کولوں کھوہ لیا۔ انی رائے ایہہ خبر سن کے
 بھڑک اٹھیا تے جونا کڑھ تے فوجاں چاڑھ دتیاں۔ اوہ باراں
 سپینیاں تائیں جونا کڑھ۔ نوں گھیری رکھن مگروں فتح دے جا
 دل وچ لے کے پرت آیا۔ فیر ہیرے موتیاں دا تھال بھرکے اوس
 منادی کرائی کہ جیہڑا رائے ڈیاچ دا سیر لے آوسی، ایہہ تھال
 اوہنوں ڈھی جاسی۔

بیجَل دی گھر والی، ایس اقرار تے تھال لے لیا بھئی ایہہ
 کم بیجَل کر لیسے۔ بیجَل گھر پرتیا تاں ساری کتھا سن کے

بڑا گھبرایا ہر فیر کئی دناں دی سوچ مگروں اپنا ساز چاکے
 جونا گڑھ نوں ٹر پیا تے رائے ڈیاچ دے محل ہیٹھاں اہڑ کے
 اوہنوں وجاوں لگا۔ رائے ڈیاچ سُن کے بے قابو تھی گیا تے
 اوہنوں کول بلا کے کجھہ سنگن لئی آکھیا۔ بیجل اوہدے کولوں
 سر سنگ لیا۔ رائے ڈیاچ خوشی خوشی سیر دینا منظور کر لیا۔
 آواز سن کے رائے ڈیاچ دی بھین تے ماں سبھہ اکٹھیاں ہو گئیاں۔
 اوہناں بیجل دی منت کیتی بھئی اوہ ہور جو کجھہ چاہے لے
 لوے پر راجے دا سیر نہ لوے۔ بیجل اپنی ہٹ تے آڑیا رہیا
 تے سیر لے کے للیا۔ جدوں اوہ رائے ڈیاچ دا سیر لے کے ائی
 رائے کول اہڑیا تاں اوہ وی چیک پیا تے اُلنا اوہنوں لعن طعن کیتی۔
 بیجل، اوہ سیر ہتھاں وچ بھڑی فیر جونا گڑھ ول دوڑیا۔ محل
 چوں اگ دیاں لاناں ہتیاں اٹھدیاں ماہن تے سورٹھہ ستی ہوں
 والی آہی۔ اوہ چان چک اگے ودھیا تے سورٹھہ دے مگر مگر
 اگ دیاں لاناں وچ کد کے جان دے دتی۔

نوری تماچی

مہم خاندان دے مشہور حاکم جام تماچی دے ویلے
 کینجھر دے آل دوالے مچھیریاں دی اک آبادی آہی۔ اوہناں
 دیاں عورتاں مچھیاں ویچن دا کم کردیاں۔ ایہہ لوک ات گندی
 تے غریبی دی حیاتی بیتاندے۔ ہر کوئی اپناں نوں نفرت نال
 وبکھدا۔ اک واری اپناں دے قبیلے وچ اک چن جیہی کڑی
 جمی جیہدا ناں اوہناں نوری رکھیا۔ کینجھر دی سیر کریندیاں
 اک دینہہ جام تماچی دی نظر نوری تے ہتے گئی تے اوس ذات
 بات اُلانگھہ کے اوہنوں اپنی رانی بنا لیا۔ مچھیریاں دے محصول
 معاف ہو گئے تے اوہناں نوں ہور وی ڈھیر سارا دھن ملیا۔ نوری

مجلان وچ وسن لگی ہر اوہدے ساد مُرادے سبج سہباء وچ
 کوئی فرق نہ آیا۔ اک واری جام، نوری دے ایس سبھا، نوں
 پرکھن لئی حرم سراء وچ آکھہ بھجیا بھئی آج سبھہ رانیاں بن ٹھن کے
 تیار رہن۔ اوہ جہدے ول کھچیا گیا اوہنوں شاہی سواری وچ
 سیر کراون لے جاسی۔ سبھہ رانیاں چنگے رنگ بن ٹھن کے بہ
 کٹیاں پر نوری اُنج ہی اک پاسے بیٹھی رہی جدوں جام آیا سبھے
 رانیاں اپنے نخریاں سنے جام ول ودھیاں پر نوری اوہنوں اپنے
 بھول بن وچ تكدی ہی رہ گئی۔ جام اگے ودھ کے اوہنوں
 ہانویں لالیا تے اقرار موجب سیر کراون نال لے گیا۔ دوجے
 دینہ اوس نوری نوں سبھہ رانیاں اگے بٹھایا تے اوہنوں مہارانی
 بنا دتا۔

ماروی

عمر سو سو دے ویلے (۱۳۹۰-۱۳۵۵ع) تہر اندر سلیر نال
 دا اک ات سوہنا تے ہریالی بھریا علاقہ ہا۔ اوتھے مارو قبیلے
 دا اک کسان 'ہالنے' رہندا ہا۔ ایس قبیلے دے لوک غریبی وچ
 رات دن محنت کر کے گزران کردے۔ ہالنے دی اک ات سوہنی
 دھی 'ماروی' آھی۔ اوہدے سوہن دیاں دُہمان دور دور تائیں
 ماہن۔ اوتھوں دا اک ہالی 'بھوگ' نکیاں ہونڈیاں تون ہی
 ماروی اتے موہت ہا۔ اوس ہالی دے ساک واسطے اوہدے
 ماہیاں نال گل کیتی پر اوہ پہلاں ہی 'کھیت' تان دے اک جوان
 دی منگ بن چکی آھی۔ بھوگ دشمنی تے حسد وچ کسے طرح
 عمر دے دربار تائیں اپڑ گیا تے ماروی دے سوہن دی دھائی
 دے کے اوہنوں اوہدے ادھالے دی صلاح دتی۔ عمر ویس
 وٹا کے اوہدے نال سلیر آیا تے کھوہ اُتے پانی بہریتدی ماروی

نوں زوروی چا کے اپنے مغلان وچ لے گیا تے قید کر دتا۔ ماروی
 رو رو کے اپنا حال ونجا لیا۔ عمر پہلاں تان وھنوں مہارانی
 بنا کے دوجیاں رائیاں اتے راج کرن تے اوھدی ہر سدھر پوری
 کرن دا لالچ دتا پر اوس اوھدی اک گل وی نہ سنی۔ اوہ
 ہر ہل اپنے "کھیت" نوں تے دوجے مارڑواں نوں یاد کردی۔ عمر
 اوھنوں قیمتی پوشاکان، ہیرے موتیاں تے شاہی عیش آرام دے
 منوھنے خواب وکھائے پر اوس ہمیش اپنی بائی ہرائی لوئی نوں شاہی
 پوشاکان توں ودھ جانیا۔ بادشاہ دے ہیرے موتیاں توں اپنے
 دیس دی خاک نوں قیمتی سمجھیا۔ اوھدیاں شاہی خوراکان کولوں
 تھر دے جنگلی پھلاں نوں ودھ کے سوادی جاتا تے اپنیاں
 گھاہ دیاں پکھیاں اوھدیاں مارڑیاں کولوں بھلیاں جالیاں۔

جد ماروی کسے لالچ نال رام نہ ہوئی تان عمر اوھنوں
 سنگلاں وچ توڑ دتا۔ اوھدے اتے نیت نویں قہر تروڑے۔ اوھدی
 قید دا موسم جوہن تے ہا جدوں برکھا رت اپنیاں جھڑیاں لالٹیاں۔
 اوھنوں اپنے دیس دی ہریالی یاد آون لگی۔ پیارے مارڑواں
 دے وچھوڑے دی پیڑ کجھہ ہور تیکھی ہوگئی۔ اخیر اک
 دہاڑے مایوس ہوکے اوس عمر نوں سندیا تے آکھپوس "ہوسکدا
 اے اپنے مارڑواں تے ملیر دی یاد وچ ویک ویک کے میں
 جان دے دیواں۔ میرے مرن مگروں میری لاش ملیر گھل دیویں
 تان جے میرے پیارے مارڑو مینوں تھر دی مٹی وچ دب سکن"
 ایہہ آکھدیاں ماروی بے ہوش ہوگئی۔ چان چک عمر اتے کجھہ
 اجیہا اثر ہویا جے اوس اوھنوں پل دی پل آزاد کیتا تے
 اوھنوں بھین ورگا آدر دیوں مگروں مارڑواں نوں منیہا گھلیا
 جے اوہ اپنی چٹی ددھ چادر ورگی پاک دامن ماروی نوں
 لے ونجن۔

ماروی جدوں قید توں چھٹ کے ملیر اپڑی تان کھیت
 اوہدے و لوں کجھہ کھچیا رهن لگ پیا۔ عمر نوں پتہ لگیا تان
 اوس ملیر اتے فوجاں چاھڑھ دتیاں۔ ماروی آگے ودھ کے عمر
 نوں آکھیا "اسیں تیری غریب رعیت ہاں۔ توں پورا سال سینوں
 اپنی قید وچ رکھیا اے۔ اجیہی حالت وچ میرے پیاریاں دا
 میرے تے شک کرنا کوئی اچرج گل نہیں۔ جسے ایہہ
 سینوں جان توں وی سکادیوں تان وی ایہناں دا کوئی دوس نہ
 ہوسی۔" ماروی دیاں گلاں من کے عمر شرمندہ ہو با تے فوجاں
 نوں پرتسن دا حکم دتا۔ فیر اوس کھیت نوں کول سد کے
 ماروی دی پاکداسنی دی قسم چائی تے ہر آزمائش جوں لنگھن
 لئی تیار تھی کیا پر ماروی اپنے لوکاں نوں اوہدی آزمائش
 کرن توں ہوڑیا۔ اوس آپ آگ وچ لال ہوئے لوہے دی سیخ
 ہتھاں وچ نپ لئی تے اپنے پاک دامن ہوون دی شاہدی بھر
 دتی۔ عمر وی آگ دیاں لاٹاں توں صحیح سلامت لنگھ گیا۔

گھاتو

اک ویلے دی گل اے۔ کلاچی (کراچی) وچ ست مچھیرے
 رھندے ہاھن۔ وڈے چھ بھرا تکزے تے بھرویں جٹے والے
 ہاھن۔ ستواں نیکڑا بھرا کمزور جٹے دا ہا۔ ایس لئی اوہ ہمیش
 کھر رھندا تے وڈے بھرا مچھیاں بھڑن سمندر تے ٹر جاندے
 تے شامیں کھر پرت آوندے۔

اک واری شاماں ڈوہنگھیاں ہوون تے وی اوہ نہ سڑے۔
 نیکے بھرا نوں چتا لگی۔ کھوج کرن مگروں پتہ چلایا جسے اوہ
 اک طوفانی گھمن گھیر وچ پھس کے غرق ہوکنے لیں تے اوہناں
 نوں اک وڈے مگر مچھ نے کھالیا اے۔

نیکا بھرا سیانا ہا۔ اوس مچھ نوں مارن لئی لوہے دا
 اک وڈا سارا پنجرہ بنوایا۔ اوہدے چار پاسے لوہے دے چنچھان
 والے کنڈے لوائے تے پنجرے نوں سوٹے رسیاں نال بنھ کے
 سمندر وچ ٹھہل دتا۔ کنڈھے اتے اپنے سنگیاں نوں رسے بھڑا کے
 اوہ آپ اوس پنجرے اندر وڈے وڈے رچھ لے کے بہ گیا۔
 جیویں ہی اوہ مچھ پنجرے ول ودھیا بہنوں مارے کنڈے اوہدے
 پنڈے وچ آڑ گئے۔ سنگی رسے کھچن لگ پنے تے کنڈھی تے
 آن کے اوہنوں اپنے رچھاں نال مار دتا۔ فیر اوہدا ڈھڈھ چیر
 کے انسانی جیسمان دے رھندے کھوہندے حصے کڈھے تے
 اوہناں نوں اپنی ریت موجب دفن کر دتا۔

لیپلا

رانا 'کنگھار' اک چنگا دہدے والا حاکم ہا۔ اوہدی ات
 سوہنی دھی 'کونرو' اپنے چاچے دے پتر 'المادی' دی منگ
 آہی۔ اوہنیں دنیس دیول دا راجہ چنیسر حسن، دولت تے شان
 وچ منیا پرمنیا ہتا۔ اک دن کونرو نوں سنبھدیاں ویکھ کے
 اوہدی اک سہیلی آکھن لگی بھئی اوہ اینج سنبھدی پئی اے
 جیکن چنیسر دی رانی بننا ہووس۔ کونرو نوں ایہہ سہنا کھا
 لیا تے اوہ دینے راتیں چنیسر دے سفنے لین لگی۔ جد اوہدے
 پیو نوں ایسی گل دا پتہ چلایا تاں اوہ بڑا حیران ہويا۔ چنیسر
 نال ناتا جوڑنا بڑی مان دی گل آہی پر نال ہی اوہ ڈردا وی
 ہا جے چنیسر کدائیں انکار نہ کردیوے۔ سوچ سوچ کے اوس
 'کونرو' نوں اک وہاری دے ویس وچ دیول گھلایا۔ کونرو تے
 اوہدی مان وہاریاں دے ویس وچ دیول اپڑ گئیاں تے اوہناں
 اک مالن نوں گنڈھیا۔ مالن دی مدد نال اوہ وزیر جکھرہ تائیں

اہڑیاں - وزیر نے کونرو دے سوہن دی گل بادشاہ نال کیتی
 پر بادشاہ مہارانی لیلا دے ہونڈیاں کسے ہور زنانی نوں محلاں
 وچ لیاونا ٹھیک نہ جاتا۔

ایس پاسوں ناکام ہون مگروں ماں دہی اک ہور چال
 سوچی اوہ بھیڑے حالیں لیلا تائیں اہڑیاں تے مینت ترلا کر کے
 اوہدیاں باندیاں بن گئیاں۔ کونرو موقعے دی بہال وچ رہن لگی۔
 اک دہاڑے اوہ بہانے بہانے مہارانی نال اپنے برائے ویلیاں دی
 گل جھیڑ بیٹھی جدوں اوہدے نو لکھے ہار نال ہنیرا، چاننے
 وچ بدل ویندا ہا۔ لیلا کہنیاں دی بہوں شونقی آہی۔ موقع ویکھ
 کے کونرو جھٹ اپنے ہائے کپڑیاں چوں ہار کڈھ لیائی۔ لیلا
 ہار ویکھ کے جھٹی ہو گئی تے آکھن لگی ”توں جو کجھ
 چاہونڈی این تے تے پر ایہہ ہار مینوں دے دے“ کونرو بڑی
 عاجزی نال اک رات چنیسر نال گزارن دی سدھر کیتی۔ لیلا
 من گئی تے اوس، راتیں چنیسرنوں کسے طرح کونرو دے کمرے
 وچ اہڑا دتا۔

دوچی سویر جدوں اوہ اٹھ کے جاون لگیا تاں کونرو دی
 ماں اوہنوں سہنا ماردیاں آکھیا ”لیلا کول جاندے پئے ہو
 جس نو لکھے ہار نوں تہاڈے کولوں اُتے جانی اے؟“ ماری
 گل سُن کے چنیسر لیلا نوں نفرت کرن لگیا تے کونرو دے
 جال وچ پھس گیا۔ ہُن لیلا پچھتاون لگی۔ معافیاں سنگیاں پر
 چنیسر اجیہا رُٹھا جے مڑ کے نہ منیا۔ اخیر لیلا ایہہ سوچ کے
 پیکے گھر ٹر گئی بھئی کدی نہ کدی چنیسر آپ آکے لے جاسی
 پر سال دے سال لنگھ گئے تے چنیسر اوس پاسے ول موٹہ
 نہ کیتا۔

چنیسر دے وزیر جکھرہ دی منگ لیلا دے خاندان دی

اک کڑی آھی۔ کڑی والیاں ویاہ کرن توں انکار کر دتا۔ جکھرہ
مجبور ہوکے لیلا دے کول گیا۔ اوس شرط لادتی بھٹی جے چنیر
اوهدی جنج نال آونا من لوے تاں ویاہ ہو سکدا اے۔ جکھرہ
نے چنیر توں ایہہ گل منوا لئی۔

جدوں جنج کڑی والیاں دے شہر اپڑی تاں منبھی سنوری
لیلا اپنیاں سپیلیاں سنے جی آلیاں آکھن شہر توں باہر آئی
ہوئی آھی۔ ایس میل نے چنیر دا دل بگھلا دتا تے اوهدے
دل وچ فیر لیلا دا پیار جاگ پیا پر پیار دی ایس خوشی وچ
اوه اپنی جان ہار بیٹھا۔ ویکھدیاں ہی ویکھدیاں لیلا وی بھونیں
تے ڈگی تے اپنے پیارے دے سنگ جا رلی۔

کاپائنتی

ایہہ سُر کسے لوک داستان تے آدھارت نہیں ہے تے نہ ہی
موسیقی وچ ایس ناں دی کوئی راگنی ہے۔ ایشاہ لطیف بھٹائی
ایس سُر وچ چرخہ کتن والیاں دی گل چھوہی ہے تے جین
لئی حیاتی دے گھول نوں وڈیا یا اے۔ جیویں کہ میں پہلے دس
چکیا ہاں ایاز ایس سُر اندر کلاء تے کلاء سکھن دے عمل
ہاسوں مونہہ موڑن دے نظرئیے دی گل کیتی اے۔

مومل رانو

پندرہویں صدی دے مڈھلے دنوں وچ 'نند' ناں دا اک
گجر راجہ میرپور ماتھیلے (ضلع سکھر) دا حاکم ہا۔ اوہدیاں
ست دھییاں ہاھن۔ اوہناں چوں مومل سبھ توں ودھ سوہنی
تے مومل سبھ توں ودھ سیانی آھی۔ اک واری راجہ نند نے

اڑیاں - وزیر نے کونرو دے سوہن دی گل بادشاہ نال کیتی
پر بادشاہ مہارانی لیلا دے ہونڈیاں کسے ہور زنانی نوں محلان
وج لیاونا ٹھیک نہ جاتا۔

ایس پاسوں ناکام ہون مگروں ماں دہی اک ہور چال
سوچی اوہ بھیڑے حالیں لیلا تائیں اڑیاں تے سینت ترلا کر کے
اودھیاں بانڈیاں بن گنیاں۔ کونرو موقعے دی بہال وچ رہن لگی۔
اک دہاڑے اوہ بہانے بہانے مہارانی نال اپنے پرانے ویلیاں دی
گل جھیڑ بیٹھی جدوں اودھے نو لکھے ہار نال ہنیرا، چانے
وج بدل ویندا ہا۔ لیلا گنیاں دی بہوں شونقی آہی۔ موقع ویکھ
کے کونرو جھٹ اپنے ہائے کپڑیاں چوں ہار کڈھ لیائی۔ لیلا
ہار ویکھ کے جھٹی ہو گئی تے آکھن لگی ”توں جو کجھ
چاہونڈی ایں تے تے پر ایہ ہار مینوں دے دے“ کونرو بڑی
عاجزی نال اک رات چنیسر نال گزارن دی سدھہر کیتی۔ لیلا
من گئی تے اوس، راتیں چنیسر نوں کسے طرح کونرو دے کمرے
وج اڑا دتا۔

دو جی سویر جدوں اوہ اٹھ کے جاون لگی تان کونرو دی
ماں اوہنوں مہنا مار دیاں آکھیا ”لیلا کول جاندے ہسے ہو
جس نو لکھے ہار نوں تہاڈے کولوں اُتے جانیا اے؟“ ساری
گل سُن کے چنیسر لیلا نوں نفرت کرن لگیا تے کونرو دے
جال وچ بھس گیا۔ ہُن لیلا پچھتاون لگی۔ معافیاں سنگیاں پر
چنیسر اجیہا رُٹھا جے مڑ کے نہ منیا۔ اخیر لیلا ایہہ سوچ کے
ہیکے گھر ٹر گئی بھٹی کدی نہ کدی چنیسر آپ آکے لے جاسی
پر سال دے سال لنگھ گئے تے چنیسر اوس پاسے ول موٹہ
نہ کیتا۔

چنیسر دے وزیر جکھرہ دی سنگ لیلا دے خاندان دی

ول اُٹھیاں دھوناں ویکھہ کے وڈے وڈے سورمیاں دے ہوش
 اڈ جاندے۔ دیوان خانے وچ ست اجیہے جھولے لوائے جینہاں
 چوں جھہ کچے سوتر دیاں ڈوریاں نال بدھے ہوئے ہاھن تے
 اک پکی ڈوری نال۔ پہلے جھہ جھولیاں ہیٹھاں اجیہے کھوہ کھٹائے
 جیہڑے دین وچ نہ آوندے۔

محل تیار کرا کے سومل اپنیاں بھیناں تے گولیاں نال اوہدے
 وچ رہن لگی۔ اوس، شہر وچ ہوکا کرا دتا بھئی جیہڑا کوئی
 وی باغ، تلاء تے شیراں دیاں اوکڑاں لنگھہ کے سومل دے
 جھولے تائیں اڑ جاسی، سومل اوہدی ہوسی۔ محل دے بوھے
 تے اک نگارہ رکھیا ہوندا۔ جیہنوں وی سومل دی کیہج بٹلاوندى
 اوہ نگارے تے چوٹ ماردا۔ نگارے دی واج سُنڈیاں ہی سومل
 سبھہ نوں تیاری دا حکم دیندی۔ اوہدی سبھہ توں ہوشیار باندى
 ناتر باہر ونج کے آون والے نوں اندر لے آوندى تے آپ غائب
 ہو جاندی۔ کینے ہی جوان ایس ماڑی دیاں بھٹلاں دے
 شکار ہوئے۔

اوہنیں دنیس تھر تے سومرا سرداراں دا راج ہا۔ راجہ
 ہمیر سومرا تے اوہدے تن وزیر ڈونر بھٹی، سنڑو ڈماچانی تے
 رانا سیندھرو اپنی راجدھانی امرکوٹ توں شکار کھیڈن لئی نکلے
 تے ہرناں دے پچھے بھجڈیاں دور جنگلاں وچ نکل گئے اوتھے
 اوہناں نوں اک سادھو جوگی ملیا جیہڑا سومل دے کاک محل
 دا کٹھتا کوئی راج کمار ہا۔ سادھو کولوں سومل دے سوہن
 دا سن کے اوہ کاک ول ٹر پئے۔ سومل نوں راتیں ہی اوہناں
 دے آون دا پتہ لگ گیا۔ سوپر سار اوس اوہناں کول اپنی خاص
 باندى ناتر نوں گھلایا۔ ناتر بڑی حلیمی نال آکے سلام کیتا۔ ہر
 اک دے سامنے اک تھالی رکھی جیہدے وچ تھوڑے جیہے

جھولے تے سوتر دے گنجھلدار دھاگے بنے ہوئے ماہن۔ رائے
 تون وکھ ساریاں جھولے جب لٹے تے لگے سوتر دے کچھے
 کھولن۔ رائے جھولیاں ول تکیاں وی نہ تے تھالی چاکے گھوڑے
 اگے رکھ دتی۔ فیر سوتر دے کچھے دی تند تند کر کے اک
 ہار بنایا تسے گھوڑے دے گل وچ پا دتا۔ ایس مگروں اوہ
 نائر نوں آکھن لگیا ”ونج کے اپنی مالکن نوں ایہہ سبھہ کجھہ
 دس دیویں۔“

دوجی واری نائر حاوے دا تھال آندا۔ رائے ایہہ آکھہ
 کے تھال پرتا دتا بھئی اوہ زانایاں دے کھاجے نہیں کھاندے۔
 تریجی واری موہل رنگ رنگ دے کھانے کھانے تے ہر کھانے
 وچ تھوڑا تھوڑا زھر رلا دتا۔ ایس واری وی رائے اپنی سیانپ
 کولوں کم لیا۔ کجھہ بڑکیاں پہلاں اوس کٹیاں اگے سٹیاں۔
 کٹتے اوسے جانی مرگئے تے نائر اڈے ہوشاں نال سبھہ کجھہ
 چاکے اپنی سین نوں دسیا۔

ہن موہل سنیہا گھلیا بھئی چارے واری واری محل وچ
 آون تسے اپنے لیکھاں دا لکھیا ویکھن۔ ہمیر تے اوہدے پہلے
 دونویں وزیر انھیان کدہاں نال سیر مار مار کے پرت آئے۔
 چوتھی راتیں رانا تیار ہويا تے ٹر پیا۔ جدوں اوہ شیشے دے
 چشمے کول اہڑیا اوس اوہدے وچ کوئی شے سٹ کے ویکھہ لیا بھئی
 چشمہ نقلی اے۔ اگے ودھہ کے اوہ محل دے خاص بوہے تائیں
 اہڑ گیا۔ دیوان خانے وچ اکو طرح دے ست جھولے ویکھہ کے
 اوہنوں کجھہ شک پیا۔ اوہ ہر جھولے وچ اپنی کمان پھسا پھسا
 کے آزماون لگیا تے قالیں ہٹا ہٹا کے اوہناں اتھے کھوہاں نوں
 وی ویکھدا گیا جینہاں اندر چمکدیاں برجھیاں لگیاں ہوياں ماہن
 تاں جے ڈگن والا زخماں نال چوڑ چوڑ ہو ونجے۔ رانا اخیر

ستویں جُھولے تائیں اہڑ گیا تے جھال مار کے وچ بہہ گیا۔ مومل ہار من کے اوہنوں اپنے کول اُتے سد لیا۔ بالا خالے وچ بہوں ساریاں سوہنیاں عورتاں ویکھہ کے اوہ سوچیں بے گیا بھٹی اینہاں چون مومل کیہڑی اے۔ جان چک اک بھونرا مومل دے والوں کیردے اڈن لگیا انج راتے سنجھان لیا تے بڑے پیار نال اوہدے ول ودھیا۔ مومل اوہدی بہادری تے سیانپ اُتے ریجھہ گئی۔ رانسے دی ساری رات مومل دیاں بانہواں وچ لنگھی۔ سویرے اوہدے نال اوہ پکے قول قرار کر کے اپنے یاراں نوں من باہر گیا۔

ساری گل سُن کے اوہدے بار بڑے خوش ہوئے۔ راجے ہمیں مومل نوں ویکھن دا چاہ ظاہر کیتا۔ رانسے آکھیا بھٹی مومل نوں ایہہ گل چنگی نہ لگسی ایس لئی اوہ ویس وٹا کے نال چلے۔ ہمیر نوں جیہدے گھر رانسے دی بھین وی ویاہی ہوئی آھی تے جیہڑا اوہدا سبھہ توں لاڈلا وزیر وی ہا، اوہدی ایہہ گل پسند نہ آئی ہر مومل نوں ویکھن دی سبجوری وچ اوہ اک دودھی دا ویس وٹا کے اوہدے نال ٹر پیا۔ مومل جد رانے نال اک اوہرے بندے نوں ویکھیا تاں اوس بارے پچھہ پرتیت کرن لگی۔ رانے دسیا بھٹی اوہ اوہدا اپنا آدمی اے۔ مومل ساری گل سمجھہ گئی تے ہمیر نوں ددھہ چوکے لیاون دا حکم دتا۔ ہمیر ایہہ حکم سن کے بڑا کھجیا ہر سبجورا اوہنوں ایس کم لئی ونجنا پیا۔ اول تاں اجیہا کم ہمیر کدی کیتا نہ ہا اُتوں سبھہ بڑی اتھری آھی۔ اوس جیہڑا ددھہ چوبا نوکراں وچ ونڈیندا سڑدا بلدا اوتھوں ٹر گیا تے باہر آکے رانے نوں سنیہا گھلپا بھٹی اوہ لوک واپس جاندے پئے نیں۔ گھر واسطے جیہڑا سکھہ سنیہا گھلپا ہووس گھل دیوے۔ رانے جواب گھلپا کہ سُن مومل دا پیار ہی اوہدا سبھہ کجھہ اے تے ایہو اوہدا

وطن اے پر مومل اوہنوں آکھیا بھئی اوہ اپنے جاندے یاراں
 نوں اک واری ضرور ونج کے ملے۔ اوہناں رائے دے باہر آوندیاں
 ہی اوہنوں اک اونٹھہ اتے بنہ دتا تے اسرکوٹ اپڑ کے قید
 کر لیا۔

رائے دے وچھوڑے وچ مومل دا برا حال ہو گیا۔ اودھر
 کجھہ درباریاں دی صلاح نال ہمیں رائے نوں بندی خانے چوں
 تے کڈھ دتا پر اوہدے مومل نال ملن اتے بندش لا دتی۔
 رانا اپنی ڈاچی تے، سبھہ توں چوری مومل نوں آکے ملن لگ
 پیا۔ اک واری جدوں اوہ پرتیا تاں اوہدے کپڑیاں تے کاک دی
 لال میٹھی لگی رہ گئی۔ رائے دی بیوی سمجھیا بھئی شاید اوہ
 شکار کھیڈدا کیتے پھٹڑ ہو گیا ہونا اے۔ اوس ایس گل دی
 اطلاع راجے ہمیر نوں کر دتی۔ ہمیر ویکھدیاں ہی چیک پیا
 بھئی ایہہ رنگ تاں کاک دی مٹی دا اے۔ رانا فیر بندی خانے
 اپڑا دتا گیا تے اوہدی ڈاچی دے پیراں وچ کیل ٹھوک دتے گئے۔

رائے نوں قید وچ ویکھ کے اوہدی بھین، جیہڑی ہمیر
 دی تربیت آھی، بڑی دکھی ہوئی۔ اوس رو دھو کے اپنے
 بھیرا نوں آزاد کرا لیا۔ آزاد ہو کے رانا فیر مومل نوں ملن
 دے جتن کرن لگیا۔ اوہ اپنی ڈاچی کول ونج کے بڑا دکھی ہويا
 تے اوسے نسل دی دوجی ڈاچی دا پر بندھ کر کے کاک ول
 اڈن لگا۔

مومل رائے دے وچھوڑے وچ رات دن ولکدی رھندی۔
 مومل اوہدی ایہہ حالت ویکھ کے، رائے دا ویس وٹا کے اوہدے
 کول سون لگ پئی۔ رائے جدوں آکے مومل کول کسے مرد
 نوں سٹا ویکھیا تاں اپنی نشانی چھوڑ کے اوہناں پیراں تے
 اسرکوٹ پرت گیا۔

مومل، رائے دا بھلمکھا دور کرن واسطے کئی سنیہوڑے گھلے۔ واسطے پائے۔ اخیر اوس اک وہاری دا ویس وٹایا تے امرکوٹ آگئی۔ اوس رائے دے محلان آگے اک سوہنا جیہا چوبارہ پوایا تے رائے نال یاری گھت لئی۔ اک دہاڑے چوسر کھیڈدیاں جدوں مومل دا 'سٹیا تاں اوہدیاں بانہواں توں کپڑا کھسک گیا۔ رائے مومل نوں پچھان لیا۔ مومل اوہدے پیران تے ڈگ پئی تے اپنی پاک دامنی دے واسطے پاون لگی پر اوہ اوہنوں اوسے حال وچ چھوڑ کے اوتھوں ٹر پیا تے نیراس مومل، کاک محل پرت کے مرن دیاں تیاریاں کرن لگی۔

اوس اک چتا تیار کروائی جد لائیاں بلن لگیان تاں اوس اوہناں وچ جھال مار دتی اودھر رائے نوں وی ایس گل دا پتہ لگیا اوہ پچھے پچھے بھجیا تاں ہر پاسے آگ دے مچ مچے پئے ہاھن۔ اوہ وی لائیاں وچ کد گیا۔

* موکھی متارے *

ایس داستان دا "مومل رانو" دی کہانی نال الج مہندہم جڑدا اے کہ جدوں مومل سڑ موئی تاں اوہدی باندی ناتر سوچیا بھئی ہُن میں کیہڑے پاسے مونہہ کراں؟ میں ایتھے اپنے گبھرو مروائے نیں۔ سو اپنا مال دولت سانہم سمیٹ کے اوتھوں ٹر پئی تے 'گڈاپ' اہڑ کے ڈیرے لالنے۔ اپنے پچھلے غم بھلاون لئی اوس شراب دی بھٹی بنائی تے مہر نیاز نال شراب خانہ چلاون لگی۔ فیر اوس ویاہ کیتا۔ اوہدیاں تین دھیاں موکھی،

* ایہ داستان ڈاکٹر نبی بخش بلوچ دی مرتب کیتی کتاب "مشہور سندھی قصے" (سندھی) جلد دوجی صفحہ ۱۲-۳ توں آلتھی گئی اے۔

’سونگل‘ تے ’صفوراں‘ جمیاں۔ سونگل تے صفوراں اوس پرنا
 جھوڑیاں پر موکھی اپنی ماں دے نال شراب خانے دا کم کردی
 رہی۔ موکھی دي حلیمی تے صیدق پاروں نیڑے دور دے بیاک
 اوہدے گوردے کٹھے ہوون لگے تے شراب خانے دیاں دہتھاں
 دور دور تائیں اہڑن لگیاں۔

اک واری اٹھ یار، پیالیاں دے بھائیوال ایتھے آئے۔ موکھی
 اوہناں نوں ایذا خوش کر کے ٹوریا جے اوہ سدائیں آون لگ پئے۔
 موکھی اپنے پراہونیاں وانگر اوہناں دا آدر بھا کر دی۔ اینہاں
 ملوکان نوں اک تان جوانی دا نشہ دوجا شراب دا نشہ تے
 اتوں موکھی دیاں ادائیں، اوہناں لئی ایہہ شراب خانہ سرور
 تے نیگہہ دا ٹیکانا بن گیا۔ موکھی اوہناں واسطے پرانی شراب
 دے مٹ مائبھہ مائبھہ رکھدی۔

اک واری جدوں اوہ آئے تان پرانی شراب دے سبھہ مٹ
 خالی پئے سن۔ موکھی نوں اک مٹ یاد آیا جیہڑا گنے زمانیاں
 توں کسے کھڈ وچ پیا ہا تے اوہدے اتے ڈھیراں مٹی جمی
 پئی آہی۔ اوس ڈھکن چا کے ویکھیا۔ مٹ وچ شراب پئی آہی
 پر کئی سالان توں اک پاسے پئے رهن کر کے اوہدے اندر اک
 سب مویا پیا ہا تے ایس گل نوں وی اپنی مدت ہو چکی آہی
 جے سب دے کنڈے (ہڈیاں) وچ پئے تردے سن۔ اوہ سوچن
 لگی ’ایہہ پیالیاں دے بیاک ورہیاں توں آ رہے نیں۔ آوندے
 نیں تان آس لے کے آوندے نیں۔ وڈی چاہ نال آوندے نیں۔
 جے آکھیا بھئی شراب کوئی نہیں تان اوہناں دے جی ڈاھڈے
 دکھی ہوسن۔ آس ونداں نوں بوڑنا واجب نہیں۔ ہن اوہناں
 نوں ایسے مٹ چوں پیاواں پر نراس نہ سوڑاں۔ سو لاچار پیالے
 بھر بھر کے دیون لگی۔ پہلے گھٹ نال ہی اوہناں نوں ڈاھڈا

سواد آیا۔ اک تاں ورہیاں پرانی شراب، اُتوں سب دی وس
 رلی۔ پہلے گھٹ وچ ہی مست ہو گئے تے ہور منگن لگے۔ موکھی
 بڑا آکھیا بھئی ایذا کیف قاتل ہوندا اے ہور نہ پو پر اوہ
 کیویں مڑ دے۔ آکھن لگے 'جیواں گے تاں پیواں گے۔ موئے
 تاں صدقے ہوئے۔ اج سیراں دے سو دے نیں، لئی آتے پیائی جا!'
 فیر بتارے نشے وچ گٹ موکھی نوں دعائیں دیندے تے آفرین
 اکھیندے اپنے ہندہ تے ٹردے ہوئے۔

ایہہ اٹھے جنے، مست متارے چہہ سہنیاں دے اندر اندر
 ضرور موکھی دے شراب خانے تے آوندے سن۔ باراں سہنے لنگھ
 گئے تے ہیک دہاڑے اوہ چان چک آ ظاہر تھئے۔ موکھی
 اوہناں نوں خوش ہو کے جی جان آکھی تے اوہناں دی خاطر
 کرن لگی پر اوہ مڑ مڑ آکھن 'کوئی ہور شراب دے۔ اج
 سواد ہی نہیں آوندا پیا۔ اوہ مٹ بدل بدل کے شراب دیون لگی
 پر کوئی گل نہ بنی۔ اوہ مڑ مڑ اوہو پچھلے سال والی شراب
 منگن تے موکھی وچاری راز لٹکاون نوں بھرے۔ جدوں اوہناں
 بھٹوں ضد کیتی تاں موکھی لاچار ہو کے ساری گل دس دتی۔
 ایہہ ملوک متارے شراب دے پیاک سن، زہر دے پیاک نہیں
 سن۔ سن دیاں ہی چیک پئے 'مارا! اساں زہر پیتا' تے ایہہ
 اکھندیاں ہی اوہناں دیاں چھاتیاں چہج گئیاں تے اوہ سو دھے
 ہو گئے۔ اوسے دن توں ایہہ اکھان مشہور ہو گیا بھئی 'سب نہ
 مارے، سب دا سراپ مارے'۔

موکھی ویکھ کے ڈاھڈی پچھتائی۔ سبہہ ہاسے مشہور ہو گیا
 بھئی موکھی، متاریاں نوں شراب وچ زہر ملا کے مار چھوڑیا۔
 موکھی آکھے 'متاریاں نوں خالی موڑنا واجب نہ آھی۔ نشے تے
 بے خبری وچ اوہ پیالے اُتے پیالے پی گئے تے اوہناں نوں کجھ،

نہ ہويا۔ ہوش وچ زہر دی گل سنی تاں جان گنوا بیٹھے۔ اوہناں
 نوں سب نہیں سب دے شک ماریا، پر اجیہے وچ موکھی دی
 گل کون سندا۔ اوس دن توں شراب خانہ اُجڑ گیا تے موکھی
 اپنی ماں نال حیاتی دے اوکھے سوکھے دن پورے کرن لگی۔
 آکھدے نیں جدوں موکھی موئی تاں اوہنوں وی ستاریاں
 دے کول دفن کیتا گیا۔ اج وی اوتھے 'موکھی دا بھیٹ'
 مشہور اے۔

*

*

*

شاہ لطیف بھٹائی

شیخ ایاز دی شاعری وچ لطیف دا ڈھیر ذکر آوندا اے۔
 اوس کینیاں ہی دل دیاں گلاں لطیف نال سانجھیاں کیتیاں ہن۔
 مناسب ہوسی جے ایتھے ایس شاعر دی حیاتی بارے کجھہ واقفی
 دتی ونجے۔

لطیف ۱۶۹۰ع/۱۱۰۱ھ وچ ہالا (ضلع حیدرآباد) وچ جمے۔
 نکیاں ہونڈیاں اوہناں نوں پڑھن پایا گیا پر اوہناں الف توں
 اگے ودھن توں نہ کر دتی۔ پر ایہہ روایت نیری اکھوت لگدی
 اے۔ ٹرسپ دے لفظاں وچ شاہ دے پڑھے لکھے ہوون دا سبھ
 توں وڈا ثبوت اوہناں دی شاعری اے جیہدے وچ عربی فارسی
 دے لفظاں دی ورتوں بڑے چچ نال کیتی گئی اے۔ کجھہ
 دناں مگروں اوہ کوٹری مغل آوے تے اوتھے ہی جوان ہوئے۔
 کوٹری وچ مرزا مغل بیگ ارغون دا خاندان وسدا ہا۔ ایہہ
 خاندان شاہ لطیف دے والد شاہ حبیب دا مرید ہو گیا۔

اک واری مرزا مغل بیگ دی جوان دہی بیمار ہوئی
 اوہناں دم دارو واسطے شاہ حبیب نوں سدیا۔ شاہ حبیب آپ

کجھہ بیمار من - اوہناں اپنے پتر لطیف نوں گھل دتا - مرزا،
 لطیف نوں زنان خانے لے گیا - اک آت سوہنی کڑی نوں سامنے
 ویکھ کے لطیف دا دل بے وس ہو گیا تے اوہ دُعا کر کے تے آپ
 کسے دے بیمار ہو کے پرت آئے - مرزا وی ایس گل نوں سمجھ
 گیا جیہدے نتیجے وچ دونہاں خانداناں دے سبندھ ٹٹ گئے -
 شاہ لطیف گھر بار چھوڑ دتا تے اوہ جنگلاں پہاڑاں ول نکل
 گئے - گھمڈیاں بھر دیاں ٹھٹے وچ اک عالم علامہ مخدوم محمد
 معین نال میل ہويا تے اوہناں دے اثر ہیٹھ اوہ گھر پرت آئے -
 شاہ دے پرتن توں کجھہ دینہ مگروں 'دل' قبیلے دے
 لوکاں مرزا مغل بیگ دی حویلی تے ہلہ بول کے سارے مرد
 قتل کر دتے - صرف اک چھوہر تے کجھہ عورتاں بچیاں - شاہ
 حبیب ایس لٹھے ہارے خاندان دے سیر تے ہتھ رکھیا تے مرزا
 مغل دی دھی سیدہ دا لطیف نال ویاہ ہو گیا -

ویاہ مگروں لطیف، کوٹڑی توں پنج کوہ پرانہم اک غیر
 آباد تھاں وسائی - ایہہ تھاں اج بھیٹ شاہ دے نال مشہور اے -
 کجھہ ہی دنوں وچ سکے سڑے ٹبیاں دی تھانویں ایہہ
 اک ہسڈی رَسدی ومتی بن گئی - شاہ حبیب دے مرن مگروں
 سارا ٹبر بھیٹ شاہ اکٹھا ہو گیا - لطیف جینا جیر جیوے بھیٹ شاہ
 وچ ہی رہے - ۱۷۵۲ع وچ اوہناں دا انتقال ہويا -

سندھ دے کُل کلاسیکی ادبی ورثے وچ لطیف دا تھاں
 سبھ توں اچا اے - وحدت الوجود دے سلسلے دے ایس شاعر
 نے کائنات دی اکائی دے نظریے نوں پیش کرن لئی جنیاں
 وی علامتاں ورتیاں اوہ اوس اپنے لوکاں دی حیاتی چوں لئیاں -
 سندھی شاعری دی تاریخ وچ کوئی اجیہا دوجا شاعر نہیں لبھدا
 جینہوں لوکاں نال اپناں بیمار تے اوہناں دے ویری، لٹن والے
 طبقیات کولوں اپنی نفرت ہووے -

ایاز دی شاعری وج لطف مگروں سچل تے مہمی دا ناں
وی کئی وار آوندا اے۔ مہمی دے ناں تاں ایاز نے ”نوویں
شلوک“ دے عنوان ہیٹھ اک پورا سُر لکھیا اے۔

مہمی، ایاز دے شہر شکارپور (سندھ) وج جمیا۔ پورا ناں
بھائی جیتن رائے، زمانہ ۱۷۳۳ء ع توں ۱۸۵۰ء تائیں۔ مہمی اتے
پنجاب دے اک سنت سوامی مینگھراج دا ڈھیر اثر ہا۔ (۱) مینگھراج
دے نائے اوہ مہمی بنیا تے اپنے آپ نوں مینگھا وی آکھیا۔
اوس پنجاب دے اک مسلمان صوفی امین شاہ چشتی توں وی
ڈھیر اثر لیا (۲)۔

مہمی ویدانت دے فلسفے دا پرچارک ہا۔ اوس سبھ
علامتاں تے تمثیلاں ہندو دیومالا چوں لٹیاں۔ اپنی شاعری راہیں
اوس ماہا دے موہ توں بچن دا پرچار کیتا۔ اوہدی شاعری وج
شکر آچاریہ توں لاء رامانند تے گبیر تائیں دی مہک لہدی اے۔

* * *

تے ہن شکر اپنے سجنان تے دوستاں دا۔ سندھ دے
سجنان چوں میں سہرت مرزا ہوراں دا، جیہناں میری ہر طرح
مدد کیتی۔ شاعری دی چوں توں لا، ترجمے دی اک اک سطر
نوں پڑھن تائیں اوہناں مینوں کئی قیمتی مشورے دتے۔ سندھی
تے پنجابی دونویں زباناں جانن جمدقہ اوہناں میرے کم نوں
تنقیدی ٹھنگ نال ویکھیا تے پرکھیا۔ اک آرٹسٹ ہون دے
نائے ترجمے دے سوہن بارے (زہنائی کیتی تے اک چنگے انسان

(۱) عبدالجبار جونجیو۔ ”سندھی ادب دی مختصر تاریخ“ (سندھی) ص۔ ۷۱

(۲) اوہو۔ ص۔ ۷۱

ہوں ہے لبتے لوہ پیریلد بت دیاں لوڑک وج کم آوندے
 رہے۔ شیخ ایاز ہوراں دا، جینہاں ترجمہ کرن دی اجازت ہے
 نال نال مینوں ضروری سہولتاں تے اپنا ڈھیر سارا وقت وی دتا
 تے ہل ہل میرے کم وج رہنچائی کیتی۔ محمد ابراہیم جوہو
 ہوراں دا، جینہاں ترجمے دے دوران تے کتاب دی چھاپی دے
 عمل وج مینوں ڈھیر کجھ سکھایا۔ مظہر حسین تے اختر کھیڑا
 ہوراں دا، جینہاں ترجمے دے کم وج ہر ہل میری مدد کیتی۔
 کئی کئی دن مینوں اپنی سنگت دا موقع دتا۔ سندھی دے اوکھے
 لفظاں دے معاملے وج مینوں ڈھیر کجھ سکھایا۔ ایہ کتاب
 ایہناں دونہاں سجنوں دی مدد بناں اپنی چھٹی مکمل نہ ہو
 سکدی۔ خواجہ غلام علی الانا ہوراں دا، جیڑے ویلے کویلے
 میرے کان اچھے حالات پیدا کردے رہے جینہاں صدیقہ اج ایہ
 کتاب تہاڈے ہتھوں وج ہے۔ سحر امداد، امداد حبیبی، شوکت
 شورو، قاسم بگھیو تے عبدالقادر جونجو دا، جینہاں مینوں ترجمے
 وج رہنمائی کرن توں وکھ، ایاز دی شاعری دے سماجی تے
 ثقافتی پچھوکر توں وی جانوں کرایا۔

پنجاب دے سجنوں جوں اپنے محبوب شاعر تے ایہناں فیض
 دا، جینہاں ترجمے دا سارا مسودہ پڑھیا تے بڑے پیار نال کجھ
 اکھر لکھ دتے۔ مشتاق صوفی دا، جینہاں پنجابوں ایتھے آون
 دی کھیچل کیتی تے ترجمیاں بارے کجھ مفید مشورے دیوں
 دے نال نال کتاب واسطے اک بھرواں لیکھ وی لکھ دتا۔ پیارے
 سجن چوہدری اکبر لہوری ہوراں دا، (جینہاں نوں مرحوم لکھدیاں
 دل تے ہتھ کنبدے نیں) اوہناں میرے بہت سارے ترجمے سُنے
 تے ہلہ شیری دتی۔ نجم حسین سید، منظور اعجاز، پروفیسر منظور
 احمد، امین مغل، اشفاق سلیم مرزا، مستنصر جاوید، ڈاکٹر جمال

فیروز تارڑ، رمضان شاہد، ہجویری بھٹی، تحسین جمال تے ہور
ڈھیر سارے سچناں دا، جینہاں دی حوصلہ افزائی صدقہ ایہہ کم
پورا ہویا۔

*

*

*

تے اخیر وچ کجھ کتاب دے ناں بارے۔ بیجمل سندھی
دیومالا دا اک امر گائیک اے۔ جیہدے بارے اسیں ”سورٹھہ
رائے ڈیاچ“ دی کہانی وچ گل کر آئے ہاں۔ ایتھے صرف ایہہ
دسنا اے کہ بیجمل علامت اے اک سد دی تے ایہہ سد سبھ
توں چنگیاں انسانی قدراں نوں مڑ کے جواون لئی، سُنن والیاں
کولوں سیر دا صدقہ منگدی اے۔ ایہہ سد اجوکے انسان دیاں
کنجھلاں تے آساں پیاساں دا بھرواں اظہار تے مرن ہار قدراں
دی موت دی سد اے۔ ایس کتاب وچ، سیر دی صدا کرپندیاں،
بیجمل ایہو گل آکھی اے۔

احمد سلیم

جام شورو (سندھ)

نومبر ۱۹۷۶ع

جو بیجمل نے آکھیا

[متن]

گیتاں دے سنگ ٹھل پٹی بیڑی
[وائیاں، گیت]

ہتّناں تے طوفان، چلو میاں
گیتاں دے سنگ ٹھیل پئی بیڑی

ونجھو نہ وانجھی، سور کھ مانجھی
شاماں نیں حیران، چلو میاں

گھاٹ تے جھلّے جھکھڑاں اندر
اجکل دا انسان، چلو میاں

گیتاں دے سنگ ٹھیل پئی بیڑی

*

کنڈی نہ سنگری، کیکر نہ پلڑا
ساوا نہ سلڑا

چھیڑو نہ چھلڑے
مارو ہیکلڑے
مارو ہیکلڑے

چھاپے نہ روٹی، ہر ویلے جریا
سُونہ زہر بھریا

آتھرو وی جھلڑے
مارو ہیکلڑے
مارو ہیکلڑے

کنڈی۔ ہک کنڈیالا رکھ،

سنگری۔ کنڈی دا پھل

پلڑا۔ کیکر دے رکھ دی پھلی

سلڑا۔ اک خاص طرح دا گھاہ

چھلڑے۔ چھیلے

مارو۔ مارٹی دے قبیلے دا ناں، پینڈو، غریب، بھولے

سارے سیالے، چُپ جیویں جنگل
سوں وار ہتنگل

میلے نہ ملڑے
مارو ہیکلڑے
مارو ہیکلڑے

جی میرا جھورن، روح آن رولن
جس ویلے بولن

کنچھی کولڑے
مارو ہیکلڑے
مارو ہیکلڑے

ملڑے - بندے
کنچھی - اک نیکا جیہا پتچھی
کولڑے - کویلے

[جو بیجل نے آکھیا]

*

ہائے ہائے کونج نہ مار
شیکاری!

ہائے ہائے کونج نہ مار
توں وی کیسے داسجن ہو میں
اپنی سجن ساں
شیکاری!

ہائے ہائے کونج نہ مار
دھون ماوک تے نور سِجیلی
تہہ کائی ہور شیکار
شیکاری!

ہائے ہائے کونج نہ مار
جے ایہ تے تے بہار بنے
توں تاڑی مار اڈار
شیکاری!

ہائے ہائے کٹونج نہ مار
جے تھوں سرپرظلم کماونا
جوڑا کر کے مار

شیکاری!

کچھ تے ترس گنڈار

شیکاری!

کٹی کٹونج نہ مار

شیکاری!

کٹی کٹونج نہ مار

*

کنب نہ کتتن والیئے
کتبن والیاں توں نہیں کتیا ویندا

اس آتن توں ودم ڈراونی
کیہڑی بھوئیں بہالیئے؟
کتبن والیاں توں نہیں کتیا ویندا

تولے دی ایہہ تانگھہ ازائیں
سکھتی بیٹھن والیئے
کتبن والیاں توں نہیں کتیا ویندا

کنب نہ کتتن والیئے!
کتبن والیاں توں نہیں کتیا ویندا

تولا۔ تولن والا
ازائیں۔ بے کار

[وائیاں، گیت]

*

ہائے ہائے میری چولڑی
دھو نہ دھوبی گھاٹ تے

ایہدے وچ جو باس اے
میں اوسے دی گولڑی
ہائے ہائے میری چولڑی
دھو نہ دھوبی گھاٹ تے

گج وچ اُس سُٹیار دے
کائی رات رتولڑی
ہائے ہائے میری چولڑی
دھو نہ دھوبی گھاٹ تے

سارا دیہنہ سنگ اوس دے
چھاتی چھل جھگولڑی
ہائے ہائے میری چولڑی
دھو نہ دھوبی گھاٹ تے

میلی سمجھ نہ نار توں
سُن تے سہی میری بولڑی
ہائے ہائے میری چولڑی
دھو نہ دھوبی گھاٹ تے

گج۔ عورتان دا کڑھائی والا کڑتا، ہیک طرح دی آنکھیا

[جو بیجل نہ آکھیا]

*

کیچ و نجی کس کان؟ پُنل تُوں موڑ مُہاراں

رتڑی رات نہ رہسی، رانول!

جیون مایا مان

پُنل تُوں موڑ مُہاراں

مڑ کے ایہ بہنہور نہ میلی

ویکھ بہلی تُوں آن

پُنل تُوں موڑ مُہاراں

ایہ چھاتی دی سدھڑ جھاتی

تیر اوہدے تے تان

پُنل تُوں موڑ مُہاراں

ایہ جگ، اوہ جگ، ہین سنگ جگمگ

مینوں چائنن جان

پُنل تُوں موڑ مُہاراں

*

گھر گھر جوت جگائی
دیگر آئی

تیرا دیوا بوجھیا کیوں اے؟

تیرا مٹونہ کٹھلایا کیوں اے؟

سبھناں سیج سجائی

دیگر آئی

پرت کے مٹول نہ آؤندے جیہڑے

تیری پریت اوہناں نٹوں بھالے

کیکن جان ونجائی؟

دیگر آئی

تیریاں اکھٹاں دے ایہہ ڈورے

ہائے ہائے تیرے تین کٹورے

جیر، وچ بوند نہ کائی

دیگر آئی

نیہنہ اوہدے سنگ لایا جھلئے

جیہڑا راس نہ آیا جھلئے

سالوں رات سہائی

دیگر آئی

*

ونجھ تیکھیرے وانجھیو!
گھاٹ آجے تاں دور

کالے گھمّن گھیرا جے تاں
ہور اگیرے وانجھیو!
گھاٹ آجے تاں دور

لہریر جھکھڑ آیتکی
ہور گھنیرے وانجھیو!
گھاٹ آجے تاں دور

ٹکراؤ طوفان نال
لال پھیرے وانجھیو!
گھاٹ آجے تاں دور

*

سوہنیا دھمّی ویلڑے
سہندی بیج نہ پتلیاں

مومل دے ہتھہ رانگلے
مَرسَن سوڈھے سانولے
سہندی بیج نہ پتلیاں

سَد آوسی جَد کاک تون
چھاواں بھلسی راندولے!
سہندی بیج نہ پتلیاں

سوہنیا دھمّی ویلڑے
سہندی بیج نہ پتلیاں

مومل۔ اک سیندھی لوک کہانی دی مکھ پاتر
کاک۔ مومل دا محل

*

جھل، ہوا وچ جھل بوتیا!
جھل، ہوا وچ جھل

میرے من وچ کائی سُننا
تیتھوں سُندر پھل بوتیا!
جھل، ہوا وچ جھل

سہکاں بھریا، کتلا اوجھڑ
شامیں سیٹی تُل، بوتیا
جھل، ہوا وچ جھل

سیجھو سویرے، بھونرے آوسن
مُول نہ مڑسن، پھل بوتیا!
جھل، ہوا وچ جھل

اوجھڑ۔ آجار بیابان

*

تُون نہیں مَیتھوں دور پارے
سائُون روز مِیلاوَن

سیندھو دے سَفنے

جوت تری لے کے جل دھارا
مِینُون پئے ٹِیکاوَن

سیندھو دے سَفنے

رات ہنیری، مار جھپٹا
چن وانگر کھا جاوَن

سیندھو دے سَفنے

پر ایہ تیرے میرے تارے
بہم وچ جوت جگاوَن

سیندھو دے سَفنے

*

ہائے ہائے جنگلی بیریاں!
ہائے ہائے زخمی انگلیاں!

سارا دیہہ بہار وچ
اک اک پھل پھلار وچ

ہائے ہائے جنگلی بیریاں!
ہائے ہائے زخمی انگلیاں!

انج تاں پیارے رت دے
سُفنے سارے رت دے

ہائے ہائے زخمی انگلیاں!
ہائے ہائے جنگلی بیریاں!

[تیاں، گیت]

*

سسائے میرا جیوڑا
ہائے ہائے میرا جیوڑا
آئی رت گلاب دی

سبہنا ہار حملاں ہائیاں
لٹ لٹ وال ہوا وچ بہکے
رت دی ریت نیرالی کیدی
رگ رگ دے اندر پٹی چہکے
پر کیتھے اوہ سانولا
ہائے ہائے میرا جیوڑا
آئی رت گلاب دی

گھائل من اندر کورلانڈی
کوئل کس نون یاد کریندی؟
کیتے سٹنے من وچ لے کے
میں بُوہے وچ تین دھریندی
کوئی نہ سکھ وکھاندڑا
ہائے ہائے میرا جیوڑا
آئی رت گلاب دی

کدوں سریندی سوت جھپٹا
کیسے نوں اِس دا دھیان نہ کائی
سیں توں وکھ نہ ہور کوئی جو
دور گئے لئے ہاں لیائی
بُوہے اُتے دیوڑا
ہائے ہائے سیرا جیوڑا
آئی رت گلاب دی

*

رتے گھبرو آئے
لاڑے میرے دیس دے

بُوھے بُوھے وَوہٹیاں
ہَس ہَس وال وِچھائے
لاڑے میرے دیس دے

اوہناں توں جِند وارٹے
وِیری جیہناں سُکائے
لاڑے میرے دیس دے

لاڈے رت رتو لڑے
سَبہناں ہانویں لائے
لاڑے میرے دیس دے

*

ایہہ نیلا آکاس
ادھی راتیں ہاڑ دی

بہہ کے کائی گنہہ رہیا
لُک لُک میرا ماس
ادھی راتیں ہاڑ دی

مَن مندَر دے دیوڑے
نیمہی چندن واس
ادھی راتیں ہاڑ دی

کیہ سیرے سنگ ہونا
پیار میرا وی ناس؟
ادھی راتیں ہاڑ دی

*

بَتّی بال دھریس
آئی رات اُماس دی

کیکن ابھڑواھے بُجھیا
دیسوا دیسوا دیس
آئی رات اُماس دی

پہلاں اپنی جوت جگا، مٹ
پکھٹی سوں، لتے کھیس
آئی رات اُماس دی

رُٹھڑے پارا! ہنیرے وچ توں
سُورج دا سَنَدیس
آئی رات اُماس دی

دھریس۔ اوہدے لئے دھر، رکھ
سنادیس۔ منیہا

*

اپنے کولوں دُور رکھسیں،
مَینوں تُوں کد تائیں؟
میں ہاں تیری سد وے

تیرے مَن دا ساز مَیں سَجناں،
تُوں نہ جاتا سائیں،
میں ہاں تیری سد وے

چنگ وچ چنٹاں مَیں نہیں بدھے
گھنُگھرو سُن کے جائیں
میں ہاں تیری سد وے

تُوں گانویر، بھانویں نہ گانویں
میرے گیتاں تائیں،
میں ہاں تیری سد وے

سوہنیا اپنے آپ نُوں نہ تُوں،
ایویں پدا لجائیں
میں ہاں تیری سد وے

*

کالی کندی تے دو دیوے
گھور سمندر
کیں ول تكدے؟

بیڑی تان کائی ہرت نہ آئی
آئی ریڑ تے کیہ لبھدے؟
گھور سمندر
کیں ول تكدے؟

پیار دا کونی بہرم تے ہوندا
گئے سہانے، رڑھے کم وسدے؟
گھور سمندر
کیں ول تكدے؟

کالی کندی تے دو دیوے

*

ویکھ کے پتّر پیلڑے، کوئل پئی کٹو کے

پت جھڑ دی وا شوکدی، تے پتّر ڈھندے
ویکھ کے رنگ ایہ جاوندے، کوئل پئی کٹو کے

اک اک ون بنیاسی کل، مسکاندی وینا
ویکھ کے بن آج گنگڑے، کوئل پئی کٹو کے

میگھ ملاراں یلیا، ایہ میگھ ملاراں
ویکھ کے من آج ماندڑے، کوئل پئی کٹو کے

ویکھ کے پتّر پیلڑے، کوئل پئی کٹو کے

*

جین مَرَن مَرے وس سِیاں،
نہ دیویں تُوں موڈھڑا

ما پیاں کولوں مَوَلہ موڑاں میں؟
مَت کائی دُو جسی دَس سِیاں،
نہ دیویں تُوں موڈھڑا

آوندی موت جے سہناں اے تاں،
جیوَن کھڑا جس سِیاں،
نہ دیویں تُوں موڈھڑا

وَساں سر بیکھڑے پینڈے تے،
بَس سِیاں، هُن بَس سِیاں
نہ دیویں تُوں موڈھڑا

*

کمہڑا غیب شہود؟
توں ای توں ایس سبھ کجھ

چن وی تیرے اپنے و س اے
تینوں سبھ مسجود
توں ای توں ایس سبھ کجھ

بندے توں ودھ کوئی نہ ہوندا
بندے دا مسجود
توں ای توں ایس سبھ کجھ

جھاگ آگم توں آیا ہائی
تیرے کان و جود
توں ای توں ایس سبھ کجھ

توں ہی نیت صلیب سجاوین
توں ای ایس مسجود
توں ای توں ایس سبھ کجھ

سبھ - سوج
کان - لئی

[وائیاں، گیت]

توں ای آپے اپنی منزل
توں ای لا محدود
مبہہ کجھ توں ای توں ایس

*

پتتاں تے طوفان، چلو میاں،
گیتاں دے سنگ ٹھیل پئی بیڑی

وَنجھنہ وانجھی، سُر کھمانجھی
شاماں نیس حیران، چلو میاں
گیتاں دے سنگ ٹھیل پئی بیڑی

گھاٹ نے جھٹے جھکھڑاں آندر
آجکل دا انسان، چلو میاں
گیتاں دے سنگ ٹھیل پئی بیڑی

کائی وَنجارا، بھٹن ہارا
نیہنہ لائی نادان، چلو میاں
گیتاں دے سنگ ٹھیل پئی بیڑی

*

کھیڑ پوسن جند ٹہناں اتے رکتے سُوہے پھل
اَس دینہہ میلَسُوں وے

جس ویلے کٹرلاسن کٹونجاں، ڈاھڈا کرسن ہل
اَس دینہہ میلَسُوں وے

گالہاں اتے ہتجھو وگسن، جس دم ہوتیئے تہل
اَس دینہہ میلَسُوں وے

دینہہ وچھوڑے والے ہائے، کملے دی اک بھل
اَس دینہہ میلَسُوں وے
اَس دینہہ میلَسُوں وے

*

او ارائیس،
تیری جھولسی کپڑا پھل؟

موتیا، سائیں،
جیوں سستی ووہٹی دی گناہ

او ارائیس،
تیری جھولسی کپڑا پھل؟

دوہا، سائیں،
پیار لٹایا جیڑے پتل

او ارائیس،
تیری جھولسی کپڑا پھل؟

ہنجهو، سائیں،
اس دھرتی دی ہنجهہ آجھل

ہنجهہ۔۔ ہنجهو

آجھل۔ نہ جھلایا جا سکن والا

او ارائیسی،
تیری جھولی کیہڑا پھل؟

پیارا، سائیں،
بت جھڑدی واعدے چھل وں

او ارائیسی،
آخر کھڑسی رتڑا پھل

ہاں، ہاں، سائیں،
چھیکڑ کھڑسی رتڑا پھل

*

کیوں پروویس کیتکی؟
پا نہ بانہیں چوڑیاں

جھلئے! سارے پنڈ دے اندر
لٹک لٹک، کس تون بوالدی؟
پا نہ بانہیں چوڑیاں

تاریاں دی چھاویں پتن تے
کس دی سیک تون ساردی؟
پا نہ بانہیں چوڑیاں

سوچیں پئی تون کدی تے آسی
پاروں تیری پالکی
پا نہ بانہیں چوڑیاں

جھلئے کھڑی پالکی
پا نہ بانہیں چوڑیاں
پا نہ بانہیں چوڑیاں

کیتکی۔ ماتی دے پھل

*

سچ تے سَفنے وِچلی دُوری
جہڑا آن بیٹائے
آکھ، میں اوسے دی گولی آن

صدیاں دے گھالے مالے وِج
جو کوئی آن سمائے
آکھ، میں اوسے دی گولی آن

دل درياء سَمندروں ڈوہنگھے
جہڑا تہاہ وِکھائے
آکھ، میں اوسے دی گولی آن

کہہ کہہ نیں اوس پنچھی دے
پرچھاویں، جے کوئی گائے
آکھ، میں اوسے دی گولی آن

*

بھانِبڑ بھانِبڑ بھڑکن بھڑکن
راگ آساڈے، راگ آساڈے

اکھیں بھانِبڑ بتن ازل دے،
آگ دیاں لاٹاں ملیا تن من
بھانِبڑ بھانِبڑ بھڑکن بھڑکن
راگ آساڈے، راگ آساڈے

لاٹاں لاٹاں ساری دُنیا
جگمگ جگمگ سارا جیون
بھانِبڑ بھانِبڑ بھڑکن بھڑکن
راگ آساڈے، راگ آساڈے

تار ٹنکدی، کائی سیٹھڑا
ناؤں جیندی بھٹکے بن بن،
بھانِبڑ بھانِبڑ بھڑکن بھڑکن
راگ آساڈے، راگ آساڈے

گاواں، گاواں، بھڑکے جُوالا
دُکھ سُکھ سڑسڑ سواہ تھی جاوَن

بھانِبڑ بھانِبڑ بھڑکن بھڑکن
راگ اساڈے، راگ اساڈے

*

میں کوئل، تُوں کالی رات
تینُوں ڈھونڈاں، تینُوں ڈھونڈاں

تُوں ہی گاویں سیٹھڑے سائیں
تھئی میرے لُوں لُوں وچ لات
تینُوں ڈھونڈاں، تینُوں ڈھونڈاں

کیویں اڈاں، کیویں کُوکاں؟
تیس بن میری نہیں نیجات
تینُوں ڈھونڈاں، تینُوں ڈھونڈاں

میرا مَن اِنج بھالے تینُوں
جنگل جیوں ڈھونڈے برسات
تینُوں ڈھونڈاں، تینُوں ڈھونڈاں

تُوں ہی میرے سکھ دا سانجھی
تُوں ہی میرے دکھ دی دات
تینُوں ڈھونڈاں، تینُوں ڈھونڈاں

لات۔ پنچھیاں دا گاؤن

*

ہے کائی ایتھاس،
چارن تیرے چنگ وچ؟
بندے بندے دے من بھاؤندا، کاهنوں تیرا ماس؟
ہے کائی ایتھاس؟
تاریا! جھڑ وچ تیری دنیا، کیوں توں پھریں اداس؟
ہے کائی ایتھاس؟
ودھدی واس دے پھلاں وانگر، نمہ نہ تھیندا ناس
ہے کائی ایتھاس؟

چارن۔ چنگ تے لوک داستاناں گاؤن والا فتکار، ڈھاڈھی

[جو بیجل نے آکھیا]

*

بَل بَل، شَعَل، بَل بَل

وَبِرِي وَا، هَنِي—رَا آتَن

سِي تَسِي كَابَا جَل تَهَل

بَل بَل، شَعَل، بَل بَل

پَكهِي پَكهِي نِين بُجَهِي نِين

هَنجَهُو هَنجَهُو، گَلَه گَلَه

بَل بَل، شَعَل، بَل بَل

شَا لَا دَهْمِي تَائِيں بَهْرُكِي

لَا لَا آج پَل پَل

بَل بَل، شَعَل، بَل بَل

*

آئی تیری سار او یار،
او پردیسی!

تیرے رُوپ نے رم جھیم کیتی
چھایا سگھ ملار او یار،
او پردیسی!

سہکی سہکی سار اے جیکن
سُنگری دی مہکار او یار،
او پردیسی!

گل وی تیری مِصری وِزگی
چُپ وی ماکھیوں ہار او یار،
او پردیسی!

میرے لئی اِس پَل دے گھوٹنگھرو
جُگ جُگ دی چھنکار او یار،
او پردیسی!

سُنگری۔ مونگرے دے پھل
ہار۔ وانگ

نواں تان نہیں کوئی تیں سنگ ناتا
وگھ تھیا کد پیار او یار؟
او پردیسی!

روز آزل تون تیرے میرے
ھوئے قول قرار او یار
او پردیسی!

*

پتھم واء دِیو کونجڑیو
آجھکو سیں وی چلاں

ساتھی سارے دیس وچ
تھیا نہ میرا کو
آجھکو سیں وی چلاں

تیبھ کے میری لوکڑی
سینوں آن دیو
آجھکو سیں وی چلاں

کیوں دہرتی دی دھوڑ وچ
پندہ پیا؟ دستو
آجھکو سیں وی چلاں

تپ کے کھنڈ آساڈڑے
لے کے نال ٹرو
آجھکو سیں وی چلاں

آجھکو۔ ٹھہرو

*

دیس نون چھڈ پر دسیں رملدی
دلڑی تھئی دیوانی، ہو
دلڑی تھئی دیوانی، ہو

من پیا جہدا، کیس دی مالا؟
کتون گلے دی گانسی، ہو؟
دلڑی تھئی دیوانی، ہو

آوندی یاد سجن موہنے دی
تن دے اتے تالی، ہو
دلڑی تھئی دیوانی، ہو

پیار دی تیں وچ چھلاں ای چھلاں
لہر لہر ستانی، ہو
دلڑی تھئی دیوانی، ہو

پورے جن تون وی موہنا اے
سیرے دل دا جانی، ہو
دلڑی تھئی دیوانی، ہو

مَینوں کائی نہ ہوڑے ہٹکے
پیار نہ کوئی نادانی، ہو
دِلڑی تھی دیوانی، ہو

*

عشق آساں ول آیا جیویں
آرائیں جھول بھرتے
کوئی کینج کرے؟

کیلیاں جیہی مسکان اے اوہدی
بھل نون مات دتے
کوئی کینج کرے؟

بھل آساراں ٹھکن، جیویں؟
جگ مگ پار بتلے
کوئی کینج کرے؟

جیس دی لٹ چنبیلی ورگی
مہکان سمج بھرتے
کوئی کینج کرے؟

جیس دے نیرمل نین نیس انج
جیوں پیڑ وچ رات ٹھرتے
کوئی کینج کرے؟

وانگ کتول اود پل پل اترے
کولے ہتھ دھرے
کوئی کینج کرے؟

اس توں وچھڑ کے جینا سکھیو!
سانوں کینج سرے؟
کوئی کینج کرے؟

*

آکھیاں کینج ایسن یار؟
ساری پیڑ دسیسن یار؟
آکھیاں کینج ایسن یار؟

ساون سوانگ بنائے مڑ کینج
اپنا آپ ولیسن یار؟
آکھیاں کینج ایسن یار؟

رت دی ریت نیرالی ہوندی
بہر بہر آوندیاں ویسن یار
آکھیاں کینج ایسن یار؟

تانگھ سجن دی رات سجن بن
تارے بٹھہر تکیسن یار
آکھیاں کینج ایسن یار؟

یاد دی مالا جھدیاں رہسن
اتھرو نہیں گنیسن یار؟
آکھیاں کینج ایسن یار؟

یاد کریندیاں پار سَجَنَـوَل
اڈدیاں اڈدیاں ویسن یار؟
آکھیاں کینج ایسن یار؟

*

ساون، کاهنوں کلا آئیوں؟
سجناں نون وی آن

سجناں نون وی آن

مہکان موتیے والیاں واء وچ
یاداں نون مہکان

سجناں نون وی آن

برکھا رت دے تارے امبریں
رتے بدل ہاں

سجناں نون وی آن

بدل بن کے سوانگ رچاواں
میس بہلا کیس کان؟

سجناں نون وی آن

*

ہائے ہائے وانگ اناراں گل
ہائے ہائے جوہن ظلمت کتمایا

نچتن والئے مٹڑ نہیں آؤئے
چھن چھن جھانجھر ورگے پل
ہائے ہائے جوہن ظلمت کتمایا

سارا دن وسیا اے، شامیں
توسنوں ہٹیا اے بدل
ہائے ہائے جوہن ظلمت کتمایا

کیس دی واٹ ٹوں مل کے بیٹھا؟
کالے سپ دی کیس نوں بھل؟

ہائے ہائے وانگ اناراں گل
ہائے ہائے جوہن ظلمت کتمایا

*

میں روندیاں رات گزاری نی،
میں روندیاں رات گزاری نی،
میں روندیاں رات گزاری نی

پیار آساڈا چیڑی نِمانی
بندے بندے ماری نی،
میں روندیاں رات گزاری نی

میں ترھایا، پھٹاں جایا
ریت اگیرے ماری نی،
میں روندیاں رات گزاری نی

سارا پنڈ لڑن نوں آیا
جے میں تند تنواری نی،
میں روندیاں رات گزاری نی

جس دے گیت ہوا توں ہولے
اُس تے دھرتی بھاری نی،
میں روندیاں رات گزاری نی

تنواری-پائی

[ائیان، گیت]

ہائے بہیڑا بہنبھور نہ جانے
کون اوہدے ویچ آری نی
میں روندیاں رات گزاری نی

دے کسے مینوں گیت نیارے
سُولی کیویں سنگاری نی؟
میں روندیاں رات گزاری نی

آری—پنوں دی ذات

[جو بھل نے آکھیا]

*

رات تـرل رل
تارے جھیل میل
پیار تکے نیلان
ویکھ بھلی نون آن

سی پیا ٹھارے
سدھ کتم سارے
ترسائیں کیس کان؟
ویکھ بھلی نون آن

ہنجھو ٹیم ٹیم
یادان رم جھیم
ہڑھ گھیری مہران
ویکھ بھلی نون آن

پیار رلا گئے
پھل کٹھملا گئے
سیج چھڈی سہکان
ویکھ بھلی نون آن

مہران—سندھو ندی دا اک انگ

میرے دل دے
ٹوٹے ٹوٹے

ایہہ راتاں کر جان
ویکھ بھلی نوں آن

السیج چھڈ جاسیں
پرت نہ آسیں

نہیں سی ایڈ گمان
ویکھ بھلی نوں آن

ہانسی سانول!
رمتے رانول!

ویلا لنگھیا جان
ویکھ بھلی نوں آن

*

پَرچھا ویس
پَرچھا ویس
مَر ویلے
پَرچھا ویس

کالی وی
آر سی
کوئی نہیں

سیجھ دی
روشنی
کوئی نہیں

فیر وی
پَرچھا ویس
زندگی
پَرچھا ویس
پَرچھا ویس

*

دیوا جیاں دیوا جیار!

تیری دھرتی دیپ الارے
توں تے نہ دھتکار!

دیوا جیاں دیوا جیار!

بھانویس گھر گھر گھپ ہنیرا
دل نہ ڈھاویس یار!

دیوا جیاں دیوا جیار!

گیانسی! بوجھدی جانندی بتی
بوجھدی جوت جیار!

دیوا جیاں دیوا جیار!

کد تائیں تاہنگھاں لانی رکھسیں
دور دراڈے دوان

دیوا جیاں دیوا جیار!

جیار جیال، بال

*

گھاگھر گھاگھر گھاٹ
نکلی سیجھ دی کئی

سیرتے اینوں دھرکے جھائے
کاہنوں پھریں اچاٹ؟
نکلی سیجھ دی کئی

سورج وٹے سوہن سہارے
رات پیاری لاٹ
نکلی سیجھ دی کئی

اوڑک تیں ول آؤسی، مڑکیوں
ماندی من دی لاٹ؟
نکلی سیجھ دی کئی

*

اچھے پاناما پیڑی تردی
چن پیا ابھرے

گھر گھر سہکی مالتی، چٹاں!
چوٹی چوٹی چاء پٹی کردی
چن پیا ابھرے

سونے وتے روپ تے کامن
کام دیو دے پھٹ پٹی جردی
چن پیا ابھرے

شاماں ویلے یاد سجن دی
کیتھے کیتھے ہتھ پٹی دھردی
چن پیا ابھرے

کامن - کامنی

کیتھوں اڈکے آیا پنچھی؟ کیہڑا اوہدا دیس؟

نیل گگن وچ اڈن والا دوروں پاروں آیا
کسں ایہنوں پاپی نگری دے پنجرے وچ بھسایا؟

اک سوہنے سفنے وچ اوہنے ڈٹھئی جگ دی مایا
سارا جیون وگدے پسانی اتے چن دی چھایا

ایسے پل وچ ڈب کے بھلایا، اپنا اتے پرایا
کدی کدی اسمانوں اوہنوں کائی سنبھوڑا آیا
کدی کدی اوس دوروں بہہ کے چن کلیجے لایا

پر چوہاسیسی سیخاں وچڑوں جد اڈن تے آیا
کیہنے اوہدی پیتا ڈٹھئی تے پنجرے نوں ڈھاہیا

پتکھ بناں پر اڈیا پنچھی، گیا وٹا کے ویس

کسے وی پھل نال پریت نہ کرنا
 کسے وی پھل نون میت نہ کہنا
 پھل سدا کٹھلا جانڈے نیں
 کنڈیاں وچ الجھا جانڈے نیں

کسے وی چن نال پیار نہ کرنا
 کسے وی چن نون یار نہ کہنا
 پنچھی اوہنوں کد پاندے نیں؟
 اڈدے اڈدے رہ جانڈے نیں



اساں من وچ سیگھ ملہاں کوی دے نناں وچ بڑسات

سارے جیون تے کھینڈ جانا

اک سفنے دا تانا بانا

ایسے سیک وچ ڈیا ڈیا رهندا اے دیہنہ رات

ٹھڈڑے ٹھڈڑے ماہ پیا بھرنا

تاریاں دے نال گلاں کرنا

خورے کد تائیں جگ تے رھسی، کالی بولی رات

بیٹھا بیٹھا آساں لاوے

کد پھلاں دی ووہٹی آوے؟

کد اس پھلواڑی چوں ٹرسی بہنوریاں دی بارات؟

*

توں وچ میں وچ بھیت نہ کوئی سن ندئیے دے نیرا!
سن ندئیے دے نیرا!

میں وی ہاں کائی دھرتی دی موندرتا دا سیڑھ
سن ندئیے دے نیرا!

میرے سن وچ ادھی راتیں جن دی سیکدی پیڑ
سن ندئیے دے نیرا!

میرے سن وچ سیک گھنڈی جیوں دکھن واء دلگیر
سن ندئیے دے نیرا!

تینوں سینوں راس نہ آیا اس دھرتی دا دھیر
سن ندئیے دے نیرا!

سیڑھ—دریا دے ادھ وچکار ڈوہنگھا ڈوبو پانی

[جو بیچل نے اکھیا]

*

نیں کسوں کھلائے
سجّےن پرت نہ آئے

آس دی آگ تاں من وچ کتے دیوے آن جگّے
ویلا، آزلوں پاپی، جگ وچ لکھتاں چن مسائے
ڈگر ڈگر بھٹکائے
سجّےن پرت نہ آئے

کہہ جاناں میرے نیناں چوں، نیندر کون چڑائے
شالا مینوں اسمانیں اک اوہ تارا لبھہ جائے
چن دا دیس وکھائے
سجّےن پرت نہ آئے

بیتیاں راتاں، اج جے مینوں، میرا کتل میل جائے
میں جیوں دی بیڑی ڈوباں، جے اوہ مانجھی آئے
کون اوہنوں سمجھائے
سجّےن پرت نہ آئے

[یاں، گیت]

*

روز وِ کانے تہائی تہائی، وِینگس وِج بزار
ہائے میان، وِینگس وِج بزار

کپڑے رنگ پرنگے اوہدے، پلہ نین مِصری ہار
ہائے میان، وِینگس وِج بزار

مُونہ مُونہ مومل دی ماڑی، چھاتی چھاتی اسرار
ہائے میان، وِینگس وِج بزار

ہز کانے نوں رائے والا روپ دتا کددار
ہائے میان، وِینگس وِج بزار

واچھاں وِج کستوری مہکتے، ہانہ دیوے مہکار
ہائے میان، وِینگس وِج بزار

وِینگس—بھرویاں چھاتیاں والی مٹیار

مومل دی ماڑی—مومل دی بھلی پان والی

اسراران بھری ماڑی—مشہور مندھی لوک

کہانی "مومل رائو" ول اشارہ اے

کانے نوں رائے والا روپ دتا—ایسے لوک کہانی دے مکھ پاتر

رائے ول اشارہ اے جیہڑا اک اکھوں کانا

پر آت سونہا جوان سی۔

تیتلی تیتلی اڈے، کیردی گانچاپی، گفتار
ہائے میاں، وینگس وچ بزار

کھیسے چوں جی آیاں آکھے، کلجگ دا کرتار
ہائے میاں، وینگس وچ بزار

برکھہ کے وکھری وکھری، کتے عیشق و پار
ہائے میاں وینگس وچ بزار

امڑی اپنی جمڑی کارن، عُمرا دتسی ہار
ہائے میاں وینگس وچ بزار

کس جاتا سی، ویلا کرسی، لوری تے انج وار
ہائے میاں، وینگس وچ بزار

ایہہ جگ کیڈا مانگ بنایا، بہہ دے پالن ہار
ہائے میاں وینگس وچ بزار

جے کر چکھئے صدق سوادوں، کجھہ نہ کوڑا یار!
ہائے میاں، وینگس وچ بزار

جمڑی—جمئی، جانی

پیان، گیت

ڈھاڈھی ڈھڈھ و جالی، بولان دتا آبا وار
ہائے سیاں، وینگس وچ بزار

رت، کھاڑی تے چن
(نظمان)

دوسى بيٹھا دور وڈيرا
هسدا به كے ماڑى آتے
چن گھٹا وچ بيرے بيرے
رتى رت كھاڑى آتے

*

وفاں اجے تان دور بڑا

کائی واء جھلاوے رکھتاں نوں
تے چھن چھن پتر ڈھندے نیں
مے کھڑ کھڑ کھڑ کھڑ چھکڑے دی
پہیے کد گھمنوں رھندے نیں؟

کیوں چھکڑے وچ پیا جاویں؟
توں بہہ کے ناکے ناکے تے
تے چاکے گٹھڑی لیراں دی
کیوں جھکدا این ہر جھاکے تے؟

طوفان اجے تان دور بڑا

پر تیز ہوا دے گھوڑے تے
اوس آنا اے اوس آنا اے
ہر پہیے پھیر کے ڈھاہنا اے
تے جھکھڑ جھل کے راہنا اے

ایہ لیراں وی اڈ جاناں نسی
توں وہم مٹا تاں چنگا اے
اس تیز ہوا دے گھوڑے تے
توں بہہ کے جا تاں چنگا اے

اوہ دیس مسافر

جتھے لوچلے، جتھے اک تین
اوہ دیس مسافر، سیرا اے

جتھے میجھ پھلان چوں کھڑدا اے
تے آگ بن باہر نکلدا اے
جتھے دینہ کڑا ہی وانگ بن
اوہ دیس مسافر، سیرا اے

بوتے نٹوں جتھے دھُپ ساڑے
تے ویہڑے والیاں واٹاں تے
نیت تپدی ریت دے چھٹ ورہن
اوہ دیس مسافر، سیرا اے

جتھے مکڑی مکڑی بوٹیاں تے
تے تپدی واء دے جھوٹیاں تے
بہ جیون اپنا کٹ دیون
اوہ دیس مسافر، سیرا اے

جتھے گھنپ گھٹن وچ جیون دے
ویلے دے پل وی لنگھ جاندے
جتھے منہ جھڑیاں نوں پٹے ترسن

اوہ دیس مسافر، میرا اے

جتھے کنے صدیاں سالان تون
پولاڑاں تون، پاتالاں تون
دل کنبدے نس، جد کال پون

اوہ دیس مسافر، میرا اے

کانی ساون کدی تے وسنا اے
بنیاں تے گھاہ وی جمنا اے
جتھے کدی تاں سبزے ہو پوسن

اوہ دیس مسافر، میرا اے

ایہہ آس اے اکتو وار وسن
تے جل تھل وچ اکتار وسن
تے وسن وسن بتدل رج نہ سکن

او دیس مسافر، میرا اے

پولاڑاں۔ خلاء

بھکھ نال تھئی جیوں کالی کٹی رابعا
 وسکی ہو سگوبٹ دے سٹوے
 جیں سنگ سٹی رابعا

کھڑ کھڑ سیکے ورگا کھیڑا
 منجھواں گئی رابعا

دھتی بھٹی اے، اٹھا! اٹھا! ونج
 ایہ ای جٹی رابعا

آلی بینن، بھوئیں نہ کھٹی رابعا
 بھکھ نال تھئی جیوں کالی کٹی رابعا

پھولاں مچھانی

پھولاں ہیک مچھانی ہائی

چیتے پھولاں والی رتڑی

چھٹ دا چولا پالدى ہائی

سوہنی ایس دھرتی دے اتے

سورج وانگر آندی ہائی

فیر مانی مہکاں دے نال

جمن بھر بھر جاندی ہائی

سیر دے اتے اینوں دھر کے

ستھا وی اوہ نہیں سی ڈھکدی

رمتو متو خالتو خیرو

دھیان کسے ول نہیں سی کردی

چم چم چم چم کردے گہنے

پھدے من اوس سوہنی اتے

نیت کنڈھے تے جاندی ہائی

کوئچ کیٹی تی لاندی ہائی

میانی۔ مچھیاں پھڑن دی تھان

کیٹی۔ اوہ تھان جتھے دریا سمندر وچ ڈگدا اے

مڑ اوہ مٹک مٹک کے ٹردی
سینگاری نون وڈھدی ٹکدی
نچدیاں نچدیاں اوہنوں چھلیدی
سورج ونسی ریت تے سڈی

نیت شامیں سونے دیاں مڑکیاں
کندھی تے چمکاندی ہائی
کینجھر دی مدھ مست ہوا وچ
لمتی ہیک چ گاندی ہائی

مڑ مڑ گل سنی سی اوہنے
ٹوری جام تماچی والی
سوچدی سی اوہ، سچھ سویرے
میرا سچن وی آ میلسی

مینوں جو سورج تون پیارا
اوڑک اوہ آ ڈھکسی اتھان
جد توڑی اوہ آ نہیں جاندا
میں ایہ جو بن سانبھ کے رکھساں

سینگاری۔ سچھی دی اک قسر
کینجھر۔ سندھ دی اک جھیل، جیہدے نال ٹوری جام تماچی
دی کہانی جڑی ہوئی اے

جس دم واء پڑے دی گھلسی
اُسی دم کمنجھر لاڑا بنستی
سارے پیار کریندے اوہنوں
پر نہ کسے وی ایہ گل بوجھتی

پھولاں کيس دی رانی ہائی
اوہ جو ہیک مچھانی ہائی

*

میں دھرتیئے تینوں گیت دیاں
توں مینوں سنگل دیندی ایں

ایہ گیت گلابی جھڑیاں دے
ایہ گیت شرابی جھڑیاں دے

ایہ ساون دے من بھاون دے
تے میگھ ملاراں آون دے

ایہ گیت نیں تے موران دے
ریتڑ تے کنٹھ کٹھوران دے

ایہ گیت سنہرے سیندھو دے
تے نیلے گہرے سندھو دے

ایہ گیت نیں سفنے سانجھی دے
ایہ گیت پتن تے مانجھی دے

سانجھی۔ شام

ایہہ گیت تیکھے طوقانار دے

ایہہ گیت ائل انسان دے

ایہہ گیت رو پہلیاں بانہواں دے

ایہہ دوری دے تے چاہواں دے

گھنگھور گھٹا جیوں جو بن دی

پُرشور ہوا جیوں جو بن دی

ایہہ گیت رسیلے انگاں دے

یاں جھولے ست اُنگاں دے

ایہہ گیت نس کورے ہانواں دے

ایہہ لاواں دے تے چھاواں دے

ایہہ گیت رُمن دیاں راتاں دے

تے آت سیکن دیاں باقاں دے

ایہہ گیت بیرہ دی بانڈی دے

تے سوہنیاں سنگ سرہانڈی دے

ایہہ کالے کالے والاں دے

ایہہ گیت سگندھی ماراں دے

ایہہ گیت وچھوڑے جھوری دے
 تے لٹوں لٹوں کسے دی لوری دے
 ایہہ اک اک ہنجهو مارن دے
 ایہہ گت آکارن، کارن دے
 ایہہ کدی ہوا توں ہلکے سن
 تے جھڑ دے وچتوں جھلکے سن
 ایہہ کدی بڑے گنہیر تھئے
 تے ڈوہنگھی نیں دے نیر تھئے
 ایہہ گیت دھیانی دھرتی دے
 تے دانا پانی دھرتی دے
 ایہہ گیت نیں لہو رت روون دے
 تے رو رو جھلیاں موون دے
 ایہہ گیت اڈارو گوگھیاں دے
 وچ جھکھڑاں تھانواں لٹگیاں دے
 ایہہ گیت نیں بھٹکھتے بچیاں دے
 تے مستقبل دے سچماں دے

سچے - سانچے

[ظماں]

درمائیوں دے مزدوراں دے

تے کھتی کھتی چوراں دے

زنجیراں دے زندانیاں دے

تے لومے لٹھ انساناں دے

مُولی چڑھدے اگواناں دے

ایہ گیت نیں امر نشانیاں دے

ایہ گیت کھلے میداناں دے

تے جندڑی دیاں جولائیاں دے

ایہ گیت اجھل آزادی دے

ایہ بانھواں بل آزادی دے

میں تینوں جھڑ دے گیت دتے

برکھا بہانپڑ دے گیت دتے

کیم سفنے سفنے گیت دتے

کیم سندرقا دے گیت دتے

میس دھرتھے تینوں گیت دیاں
توں مینوں سنگل دیندی ایس

[جو بیجل نے آکھیا]

*

لاڑ دی وینگس،
چھج چھڑیندی...
ہیٹھاں ڈِگے دائیاں اُتے جھاٹ مریندے
کالے کان اڈیندی...
اوسدے تریوے جاتک بھکھتے
دھی روندی کُریلیندی...
ایہہ سُکئی بھوئیس لُوسدی
ویکھو ایہہ وڈیرا کوئی بھانویں وپہڑا
سورج ڈُبدا
شام ڈوہنگھیری تھیپندی...

لاڑ۔ سیندھ دے اک علاقے دا ناں

بھیڑ مگروں

واڑے وچ اوہ بھيڑ پئے نيس
رت وگائى ناڑى اُتے
چن اسمانى بيٹ بيٹ تکدا
رتسى رت کھاڑى اُتے

رتے لہو دا تپکا تپکا
پيلے پھلاں تے پيا ڈگدا
واء کُرنلندى پئی رکھتاں وچ
واہى وانو! ايہہ کيہ کيتا؟

تھانيدار آپنے بندياں نال
کيتے کھول ليا يا نالے
اپنى تريبہ ميٹا کے ويسى
بهر بهر پيسى رت دے پيالے

جيہڑى دِہر وڈھى نہ ديسى
دوسى سمجھى جاسى، اوہا
پتسياں والا، گھالا مالا
سیر لمکا کے چن پيا تکدا

ناڑى۔ کنتک چھتّمن دى تھان

دومی بیٹھا دُور وڈیرا
ہسدا بہہ کے ماڑی اُتے
چن گھٹا وچ بیرے بیرے
رتی رت کُھاڑی اُتے

وانگ کٹھالی کیشی بندر
 شامان سونا پگھرایا اے
 اگتے پچھتے رستی، کٹھتی
 بیڑی بیڑی ڈلھکایا اے

رنگ شفق دا دھاراں ورگا
 جیپکن سوئی گان چوونیدی
 ہولی ہولی ایتھے، اوتھے
 کالی کُنڈل رات لہندی

چاہ ہی کے تھانے وچ مُنشی
 قیدی بنھدا سوچ رہیا اے
 چور تے نہیں لگدا پر... سڑوی
 خوش خوش بیٹھا سوچ رہیا اے

پو ایہدا کمال اپنے ڈنگر
 ویچ وٹا کے ایتھے اسی
 تھانیدار تان ست سو منگے
 میں جانا تن سو دے جاسی

کیشی بندر۔ ٹھٹے دے لاگے اک پرانی بندرگاہ

ڈوہنگھیاں شاماں، ر'کھ پیپل دا
بیچھے پنچھی چوں چوں کردے
مارا جل تہل چپ کھلوتا
گھر گھر سچھتر گھوں گھوں کردے

*

گھائل اسوار نوں
کالے کمیت توں،
کتھے لے جاوسیں؟

اچتی بہاڑی، ڈاگھے نہ ڈیرے
رستے اوکھیرے، پاندھی نہ پیرے
پتھر پرانہ پر، تیرچھے تکھیرے
پرہت نیں رتڑے، شاماں دے پھیرے
آج شہریار توں
کالے کمیت توں،
کتھے لے جاوسیں؟

جھکھڑ ہوا دے پتھر اڈاوں
جیویں گڑڑ کئی پر بھڑ بھڑاوں
ہنٹے ترے ول، ہتھ پئے ودھاوں
تے پھٹ اوہناں دے، ہن کھلڈے جاوں
اس بے قرار نوں
کالے کمیت توں
کتھے لے جاوسیں؟

کمیت۔ اک خاص قسم دا کالے رنگ دا گھوڑا
ڈاگھے۔ اونٹھ
پیرے۔ پیراں دے نشان
گڑڑ۔ اک وڈا مردے کھانا پنچھی

*

ایہہ شہر وی جیکن باہل اے

گھر گور نیں ڈہر گناہواں دے
دل دل وچ چکلے چاہواں دے
محراب وی منبر وی اوہو
جیتھے رولے نیں گمراہواں دے

بس ایناں فرق پیا، ایتھے
جمہڑا وی فرشتہ آیا اے
اوہ دوسی اے یان نیردوسی
وچ کھوہے چا لٹکایا اے

ایہہ شہر وی جیکن باہل اے

*

سلاں اپنے عمامے وچ
سوچے، داڑھی نوچے
سرمد، کیہ پیا سوچے؟

دِلی دیاں دیواراں سوچن
چن، قُطب منار دے اُتے
دھرتی تے دستاراں سوچن
سُجرے سُجرے دی پائل وچ
چهن چهن چهن چهن چهنکاراں سوچن
قلعے قلعے کائی اکھ نہ جھپکے
راتیں لڑ لکاراں سوچن
سوچن ہتھ ہتھ خونی خنجر
تالوؤاں وچ تلواراں سوچن
دارا دی تقدیر — سوچے
اُنج تے سبھ درباراں سوچن

لڑ۔ رتولا

سرمد کیہ پیا سوچے؟
اس ننگائی دے جامے وچ
رگ رگ کیہ پئی لوچے؟

سلاں اپنے عامتے وچ
سوچے، داڑھی نوچے
سرمد کیہ پیا سوچے؟

*

اج گوڈے گوڈے مینہ ہما
کجھ ہتھہ دعا توں تائب تھئے
ہئے تارے دُور ٹیمکدے سن
ڈڈو پئے ٹاں ٹاں کردے سن
ماں! قہر ہُنالے وچ اجے
اوہ نہیں آیا
اوہ نہیں آیا

میں ڈھیر ویہڑے وچ لالندی ساں
نیت ٹہناں بُوور بھرتیاں دا
مرے سیکدے انگاں ساکاں وچ
اُس ڈاچی تے بہہ آونا ہا
ماں! قہر ہُنالے وچ اجے
اوہ نہیں آیا
اوہ نہیں آیا

تے اوہدے لئی ایس پالے وچ
کیہ دکھ مسی جو مص نہیں جریا
اوہ آوے قہر ہنالے وچ
نیت سنگھ سرے وچ رنگ بھریا
مان! قہر ہنالے وچ اجے
اوہ نہیں آیا
اوہ نہیں آیا

*

کیہ سوچداہاں، ستیں کینج آکھاں؟

جیوں کائی جل پوجن والا
جاگے تان ساگر رولے تے
اوہ سیدھا ساہواں وار کرے

جیوں سندر ناری پھلاں سنگ
اپڑے تان پروہت مندر دا
پٹ کھولن توں انکار کرے

تے دیس دے اگتے جد وی میں
دکھ اپنے من دا دھر دا ہاں
اوہ ستن توں نہ کر دیندا اے

کیہ سوچداہاں، ستیں کینج آکھاں؟

*

دل روز اکھیندا دور ونجان
کائی پچھل رھندا پنچھی جاں
کسے بھورے ناسی بدل تے

پیندے نیں شکاری تے اتر
ایہ بھانبھڑ بھانبھڑ میرے پر
جی کڑھدا میرا جھل ہل تے

ویری دی کتھے مار نہیں؟
کہ اے جے، کوئی اڈار نہیں
اس ایڈے وڈے جل تھل تے

اوہ کدی کماناں لاند اے
کدی جال وچھا تر جاندا اے
پہرے نیں میرے ہل ہل تے

کہ اکھتاں اوھدیاں کڈھتاں ناں؟
کہ دل دے آکھے اڈ ونجان؟
کسے بھورے ناسی بدل تے؟

دو ساتھی

کالی رات، کُوپلی کین مین
اِکو سار پوے پئی رم جھیم
ٹپ ٹپ ٹپ، ٹیم ٹیم ٹیم
اِس ہامے مڑ، اِس ہامے مڑ

گلی ایہہ سجنان، اُس دے گھر دی
ایڈی ڈاھڈی ٹھک ٹھک در دی
سُٹا ہوپا..... اُف ایہہ کیہ اے
کُجھہ نہیں ون دا اِک پرچھانواں

کالی رات کُوپلی کین مین
ساری رات رہی اے رم جھیم
ٹپ ٹپ ٹپ، ٹیم ٹیم ٹیم
چُپ! ایڈی کھپ! چُپ! ایڈی کھپ

رستے تے اوہ کون سی جالدا
سرکاری جاسوس سی لگدا
ٹھک ٹھک ٹھک، سُٹا ہوپا
ہائے کیہ ہووے، ڈبڈھ اے وجا

جھڑ وی ہن کیڈا ڈوہنگھا اے
ڑھر دا جیوں کائی مٹکا اے
کچا، گیلا تے پائا اے

ہاں، ایہ جھڑ وی تے کالا اے
جگنو جوت نہ تارا کوئی
دس ہن مائوں چارا کوئی

*

کالا کان، پرانہہ پونم وچ
آیا اے کُجھہ دستنوں کاہلا
ممنوں گھور کے چُپ کھلوتا
انج تاں اوہ بڑبولا باہلا

شاید سوچ رہیا، میں حالے
گیت ادھورا ای گیا اے
شاید سوچے، آجے تاں ایہدا
انگ انگ مدھ مستایا اے

ایہہ ہکلا ہکلا کے بولے
فیر وی کُجھہ دستن دا کاہلا
کالا کان پرانہہ پونم وچ...

چنگا بھٹائی، میں چلدا ہاں

ہیں تیرے احسان و ساراں
ایہ تے دو نہیں سکنا سائیں
آوکھے ویلے توں ہی جھلدا
رہسی تیری بھاد سدائیں

کنڈھے تے بے ہوش پیا ماں
سمنوں روہڑھ لیائیاں چھلاں
جو توں مس سنگ مہر کمایا
اوہ احسان مس کیکن بھلاں؟

توں مہنوں جیند دوجی بخشی
ساہ دیتے تے سرت جگائی
سین سنگ جاگ کے ساری راتیں
سمنوں سیجھ سویر وکھائی

پر ہن اوہناں واٹاں اتے
جد کائی سٹنا دیدا اے
چڑھ چڑھ آوندی قہر ہنیری
ساگر کینج پیا گجدا اے

تے اوہ اک اک چھل دی چھاتی
تے اوہ لوری لہر پنگھوڑے
کیہ کیہ تارے ٹہک رہے سن
کندھیوں لہہ کے ساگر اتے

کیویں سیجھہ دا نگ سی جڑیا
کل ریتڑ دیاں چھلیاں اتے
اوہ سارے اقرار ایہاں
ٹیہے تے جو تیں نال کیہے

آج سمنوں مڑ کے جانا اے
اوہناں ہڑھاں طوفاناں اندر
رمت دی ریت نیرالی ہوندی
چہکے پئی شرباناں اندر

دور آجے تاں بھانویں کنڈھا
اوس دی واج پیا سندا ہاں
تیری جوڑی اوس بیڑی تے
بہہ کے آج میں ٹیل پیا ہاں

چنگا بھٹائی! میں چلدا ہاں

*

اوہ آکھیندے

توں بڑا غدار ایس وے
زندگی نال پیار ایس وے
موت توں انکار ایس وے

دیس سارا خودکشی دا
جے کیدائیں سوچ لیندا
کیوں توں اوہ جھلدا ہیکٹلا؟

کاہنوں توں اے دینہ توں ڈٹھا
رات قسمت دا اے چٹھا
موت دا مٹونہ سبھ توں مٹھا

توں بڑا غدار ایس وے
بہ ہیکٹلا سوچ سوچیں
تے نیرالی چاہ لوچیں

[جو بچل نے آکھیا]

زندگی نال پیار ہاں میں
موت توں انکار ہاں میں
ایسے لئی غدار ہاں میں

دیس سارا خودکشی دا
جے کیدائیں سوچ لیندا
اوتھوں میں جھلدا ہیکلا

کھڈ دی جو کائی بدا اے
موت کائی داجڑا اے
جو اوتھناں دے نال دا اے

کیہ اوتھناں سنگ سوچ سوچیں؟
تے اوتھناں دی چاہ لوچیں؟
جے کوئی غدار نہیں توں

داجڑا۔ داج

مزدور بچے دا گیت

ہنگ وڈی اہے دی
چھرا وڈا اہے دا
چنتی وڈی اماں دی
توا وڈا اماں دا
ڈھڈم وڈا سیٹھ دا
ڈھڈم وڈا سیٹھ دا

ہتھ چنگے اہے دے
لونگ چنگا اماں دا
گیت چنگا اماں دا
چیچی چنگی اہے دی
ڈھڈم بھڑا سیٹھ دا

روٹی سک مسکڑی
لٹ لٹی دیس دی
بھکھ بھڑی دیس دی
اکوہ بھڑی سیٹھ دی
ڈھڈم بھڑا سیٹھ دا
ڈھڈم بھڑا سیٹھ دا

اک دن سیٹھ دا
وڈا ڈھیڈھ پائسی
چھری وڈی ابے دی
وینی وڈی ابے دی
ڈھیڈھ وڈا سیٹھ دا
ڈھیڈھ وڈا سیٹھ دا

*

میں تیرے قربان وے
ویہڑے آ وڑ میرے

ہور کیتے نہ ایہو جہے بھل، نہ کوئی سہک، نہ ویہڑا
ایتھے موتیے دے ستھے تے، تریل کریندی ڈیرا
سہک ایہہ وانگ انسان وے
ویہڑے آ وڑ میرے
میں تیرے قربان وے
ویہڑے آ وڑ میرے

میری میٹی دی پیالی چوں بھلے گھٹ ابرت دے
اتنا تے تینوں وی جھکنا ہوسی میرے اگے
جیتنا تینوں مان وے
ویہڑے آ وڑ میرے
میں تیرے قربان وے
ویہڑے آ وڑ میرے

جے کوئی ساک نہ تیرا، تنوں آپسے باغ اُتاراں
جیتھے گھبرواں دے جوین نے کھیڑے بھل اناراں
گیت اوہ وکھرے کانوے
وہڑے آ وڑ میرے
میں تیرے قربان وے
وہڑے آ وڑ میرے

دو آوازاں

(۱)

کتے تاں بہنا تھک
مُسافر!

کتے تاں بہنا تھک

ادھتی رات، اتر وچ کانبھا
اگے تاں چوہڑ لک
مُسافر!

کتے تاں بہنا تھک

برکھا وانگر واء پئی ڈسکے
دُوری کولوں جھک
مُسافر!

کتے تاں بہنا تھک

جھڑ اسمانی، بجلی چیکے
ہانہ مکلا اک
مُسافر!

کتے تاں بہنا تھک

کانبھا۔ تانہ بولا خان وچ اک پہاڑ دی چڑھائی
لک۔ گھائی

[جو بیجل نے اکھیا]

(۲)
بندا اے پر بت توں ڈاھڈا
جے کائی تینوں شک
مُسا فر!
کیتے نہ بہنا تھک

ادھنی رات، اُتر وچ کابھا
اگتے تان چُوہڑ لک
مُسا فر!
کیتے نہ بہنا تھک
مُسا فر!
کیتے نہ بہنا تھک

امیر خسرو پنہاری نوں

«تیرا ناؤں؟» «کانتی»
«تیرا روپ اٹوپ اے
میرا رنگ نہ روپ اے
تیری صورت مانولسی
توں کیہ جانے بانولی
من منڈپ دی آگ اے
تیری کایا، کانتی!»

«میرا ناؤں، کانتی،
میرا ویس بنارسی،
تیری بولسی فارسی
میری بولسی پوربسی
تے میں پوجاں سورتی
تیرا من کھنگھور، میں
چندرمان دی شانتی»

ویری سمجھ نہ کانتی
ایہ میرا وی دیس اے
کینا گٹوڑھا، گیروا
میرے تن دا ویس اے
تیرے میرے پنڈ، بہلا
آپو اپنا تھانولا
پر ایہناں وچکار وی
پانی تان اکو جیہا

میری چنگی کانتی
میں تے ہاں ویدانتی

تھانولا۔ رکھ دے گردے پانی دین والی گول تھان

*

سُونہ تے پاکے کھیس، ابھاگن دھرتی جد ستوں جاندی اے
کھسرو روون لگدا اے

جن اسمانی جیوں اک برهن دی چھاتی ورناندی اے
کھسرو روون لگدا اے

بیچل دی ٹہنی تے بیٹھی کوئل جد کٹرلاندی اے
کھسرو روون لگدا اے

اس دھرتی دے بھاگ انوکھے، روندیاں روندیاں گاندی اے
کھسرو روون لگدا اے

مہرے من وچ جو کھسرو اے نیر پروندا رھندا اے
گھر جاوَن دی گل کرو تاں بے وس روزدا رھندا اے

کھسرو۔ خسرو

[جو بیچل نے اکھیا]

لیطف بھٹائی تے خسرو

دو دیپ بلے

اک جمنا ماں دی کتندی تے
اک سندھو ماں دی ریتی تے
دونہاں وچ وکھری پریت دی تو
دونہاں تے سوہنے پھل کھڑے
دونہاں توں جھکڑاں دی جھولی
اساں پا کے نیکل گئے ماں، پر
پھل کُربائے، نہ تو بچتی
تے چانینیاں دی بت جھڑ وچ
اوہ دیپ اجے وی ہسڈے نیں

اوہناں دیاں لٹ لٹ سہکاں چوں
اساں ہن تائیں راہ پئے لبھدے آن
جس پریت ڈگر توں بھٹکے ماں
اُس پریت ڈگر تے مڑدے ہاں

*

هَن تائیں میرے من آن وچ
پریت، کبیرا کتھے
جیون مرن وچکار اک وگدی دھارا
هَن تمکن اک شوکدی ناگن بن کے
ہسی پھونکارے
ایہ دھاگہ اک پل اے پیارے
کرودم تے ڈر دے جگ وچ
ایہ دھاگہ اک رکھڑی بندھن بن سکدا اے
آ ونج ہریم دوارے
آن بوجھا ونج بیتماں گتلاں دے انگیارے
هَن تائیں میرے من اتن وچ
پریت، کبیرا کتھے

*

لوک کہیں میرا بھنی بانوری
ماس کہے کٹل ناسی رے
(میرا ہائی)

توں کس دھرتی دا واسی وے
کہیا چکور این؟ کد آوے گی
تیری پُورن ماسی وے؟
تیری کوتا تھئی بانوری
لوک آکھن کٹل ناسی وے
کہڑا دیب جگایا، جس دی
جوگ بنی جگداسی وے
کہڑی دین ملی اے تمنوں
جنم جنم دی پیاسی وے؟
اپنے من وچ ڈب کے تکیا
کہ کہیں کہہ کاسی وے؟

*

”توں کتوں سَجن؟“
”میں رومی ہاں“
”گل سن رومی سمنوں وہل نہیں
مڑ ہور کیسے ویلے آویں“

”توں کتوں سَجن؟“
”میں تلسی ہاں“
”گل سن تلسی، سمنوں وہل نہیں
وت ہور کیسے ویلے آویں
مڑ ہور کیسے ویلے آویں“

اس پتھر وچ آج اوڑک میں
ٹیل لاکے ڈاھڈا، سناہ گھتیا
آج اس سمنے نوں روپ ڈھیا
آج میری دھرتی سکائی

مُسکَان ایہہ ہور وی پھتہنی اے
سُوہی لیک اجے مےں گھتہنی اے
ایہتوں ہور وی رُوپ اجے چڑھنا اے
مےں ہور وی کم اجے کرنا اے

گل سُن رُوسی! سَینوں ویہل نہیں
گل سُن تُلُسی! سَینوں ویہل نہیں
مڑ ہور کیسے ویلے آویں
گل سُن راگی! سَینوں ویہل نہیں

*

گبھرو ہت کیوں ٹوٹے ہويا؟
کیس دے لئی توں مويا؟

چانن ورگا تن اے تیرا
کالی رات کفن اے تیرا
کیس دے لئی توں مويا؟

توں وی بھکھتا، اوہ وی بھکھتا
کیوں زخمایا اوہدا جیہ
جس نال اکتو دکھ دا ناتا؟
کیس دے لئی توں مويا؟

بھکھتے ڈھڈھ تے رجے ڈھڈھ دا
کیڑا ناتا، کیڑا رشتا؟
کیس دے لئی توں مويا؟

اج چڑھدے دی بھکھ، وطن اے
ایہہ بندوق بھکھتے دا دھن اے
گولیاں کیوں ونجائیاں چتاں؟
ویر تے آپ ورھائیاں چتاں؟

گبھرو پت کیوں ٹوٹے ہويا؟
کیس دے لئی توں ہويا؟

*

سچ اک ایہو جیہی تکرڑی اے
جس لئی ہر کوئی ایہو سوچے
میں والا پاسا بہارا اے

نماں اتے انماں. دونویں ہی
آکھن ایس بڑے سچیار
شاید سچ دے روپ ہزار

کجھہ وی ہووے میں آہندا ہاں
ایہہ اک سچئی گل ازل توں
میں ایہنوں اپنا لیتا اے

ہر کوئی اپنی روٹی کارن
اپنی پیاری دھرتی کارن
تے اپنی آزادی کارن
جنگ جنگ توں لڑدا آبا اے
تے ایہہ جنگ اے سویاں بہریا
جندڑی توں ایس لیشکایا اے

تسے ایہہ جنگ سدائیں چلنا
جد تائیں سیجھہ نکلدا رھسی
ایہہ جنگ اوس دینہہ تائیں چلنا

جد تائیں ماواں بچڑے جمن
جیون کارن جنگاں تھیسن
جیون کارن جنگاں تھیسن

*

دہمی تھئی تاں پنچھی جاگے
چانن اٹھیا

ہسیاں توہیل دے ہوٹھاں اُتے ستیاں کلاماں
جاگیاں نچندر دے وچ ڈُہیاں گلیاں
جاگیاں گائیں، گائیاں والے جاگے
دھرتی دے رکھوالے جاگے

تے رشماں دیاں واگاں پھڑ کسے
چڑھدے دارتھوان کدائیں اگے جاسی
تسے جیون گلاں دی بہین بہین
سارا دینہہ کنتاں وچ آسی
تے مسیں چن دی چرنیس بیٹھیاں
ساری رات گزاری

دنیا سٹتی تے مسیں اکھیس ملیاں
دنیا جاگے، مسیں سوں جاواں
ہُن تاں وینا تے سر دھر کسے
ڈُہ وینجاں مسیں مٹھڑے سفنیاں اندر
میرے گن، آوگن،
توں ویرن دھرتی!
ہُن تے بھُل جا
مٹی سنگ کد تائیں ویر کما مسیں

میرے گیتاں تُوں تُوں بہانویں
ہانویں لالے
بہانویں ہتھو ہتھ ٹھکرا دے
سمنوں ایڈی کہ پروا اے
سے تے سارے دوس بہلا دتے نیں

ہن مسیں،
سکھ دی نیندر سوں جاواں گا

جیل وچ بلیک آؤٹ

جد کھولی تے چن کھیڑدا اے
کائی پرانا پھٹ ملدا اے
جو بیڑی دا سونسا لاوے
چوکیدار نئون وٹ چڑھدا اے

کیسے دا من کجھ بیٹھا سوچے
ہونی آن ہونی نئون سوچے
بمباری دے ڈر تون بجلی
روز بوجھا دیتی جاندی اے
چودھویں دا پر چن کھیڑیا اے
رات تے نہیں ایہ دن لگدا اے
اوهنوں نہیں بوجھالدا کائی
اوهنوں کون بوجھا سکدا اے؟

*

دور اسمان توں

سیال دا چن سدا

میرے من نون بلاندا رہا

تے میں اک سورما

چھویاں بلماں دی تو ہیٹھ لڑا رہا

تے ایہ انگھلانا وی

منوں راس آگیا

کھب گئے رن تے سورج دے نہوں جد کدی

میں نہ اوہناں توں وی سونہ کدی پھیریا

ریت تیرا ما بنی

میرے پیراں دیاں تلیاں، بلیاں وی ہر

رکھ دی چھاویں نہ بیٹھا کدی

بھٹ جدوں مل گئے

کینے کالے گلاباں دے پھل، میرے انگ انگ تے کھیڑھے

ویریاں نے الابھا نہ دتا کدی

کیتے میں لڑدیاں،
کینتے ہی وار ہوچھے جیسے
تے نہ مارن دا جھاکا پیا
نہ مرن دا ہی ڈر جھاگیا

فیروئی

پیڑ دی بتادی ہوئی ریت تے
دور اسمان توں
سیال دا چن سدا
میرے من توں بٹلاند ا رہیا

*

ایدھر دلدل اوڈھر دلدل
لاش پئی کائی ریتڑ اتے
تے لوہے دے ٹوپ دے آگے
اک بندوق پئی دھرتی تے
تے جنگی تمغہ پیا لیشکے
اوہدی خاکسی وردی اتے
ماس اوہدا سبھ گل گیا اے
پیراں وچ پر بوٹ اے ہسیا
کان وی اڈ گئے آہلنیاں ٹوہ
شامیں چھڈ ہڈیاں دا پنجر
گھور رہیا حیرانسی بھرینا
پھلا پھل کنڈیاں چوں اوہتوں

*

دُن تے سُورج ڈھل رہیا اے
پرتتاں وچ

تھک گئے نیں پیر بھانویں
مڑ وی کائی چل رہیا اے
پرتتاں وچ

ریت دے ٹیپے تے جو
دیوا جیہا اک بتل رہیا اے
پرتتاں وچ

اک نتویں سُورج دا سُفنا
اومدے اندر پتل رہیا اے
پرتتاں وچ

آون والا دینہہ ہننے تون
اپنی آکھیں مل رہیا اے
پرتتاں وچ

*

جس ویلے وی کیسے دے گل چوں
طوقی غلامی ٹٹیا
میں جاتا میرا اپنا گاٹا چھٹیا

سارے جگ دے بندی وانو! بندی خانے وچتوں
جد وی کوئی چھٹیا
میں جاتا میرا اپنا سنگل ٹٹیا

کیسے وی جائی، جد وی میرے
قاتل دے ہتھ کنبے
میں جاتا میری دھون دے آصلوں
ڈھلتے ہے کٹے پھندے

گاٹا۔ دھون، گردن

*

جس تے ہويا
جند وی ہويا
جس جانی وی ہويا
ظلم اوہ سیرے تے ہويا اے

بانہ کالی ڈگی
چمک پیسا میں
جدوی سرکائی لتھا
اوہنوں اپنا سر جاتا اے

کوئی وی کٹھا
چھڑا کوئی وی
جس تے چٹایا
سیری رت وچ رنگیا اے

جس ویلے وی
گیت میں اُنیا
اس دھرتی دا
قرض میں جمن لایا اے

آج مڑ گھٹتی،
 واء پُـرے دی
 مڑ جگاں دے
 پمار دی باد متاوان لگتی
 مڑ مہیں تینوں،
 لبیدا پھردا ہاں ارواشی
 مہیں جو کالیداس وی ہاں
 وکرم وی
 آج مڑ تیرے لئی
 مہیں ڈاھڈا اودریا ہاں
 تیرے والاں دی مہکار توں اوہلے ہوکے
 مہیں کوتا تے لکھ لیندا ہاں
 پر ایس بو دی ماری دنیا اتے
 جے خوشبو دی چادر گھٹتاں
 تد وی کیہ اے؟
 جے مہیں پریت دے سوہلے گاواں
 تد وی کیہ اے؟

اشی۔ عروشی

ہائے کینٹی تکھی،
کفن دی بوائے
ہائے کینٹی سوڑی، واٹ وفا دی

کینٹا چنگا ہوندا جے تئوں
مینوں،

کدی نہ چھوڑ کے جاندی
کدی نہ مہتھوں،
اپنا ناتا تروڑ کے جاندی

*

توں جو متھوں مگروں آئیں
کینجھر توں کارونجھر تائیں
میرے گیت سنیں
مینوں یاد کریں

دھرتی ساری رتڑی ٹہنی تھی ویسی اوس تائیں
توں جے اوس تے میرے شعراں دے بھل کھڑدے ویکھیں
شالا ایہو سمجھیں

شعر وڈیری دات نہیں کوئی
پر ایہ سچ وڈیری شے اے
تے جیہڑا سچ، سچ کھلووے
اوہو سچ، وڈیری شے اے

کارونجھر۔ تھر دا مشہور پربت



میں مندر توں ناد
میں گرجا توں تل
نیتدر تیری کیوں
روز و نجاوندا ایس؟
کیوں جگاوند ایں
میرے آد جگاد!
میرے آد جگاد!
میں مندر توں ناد

*

آجے تے بدلاں وانگر
جھکھڑاں دے وچ گھیریا
جکّو تکی اندر پھتسیا
ایس دھرتی دا ٹوٹا
میری سدّھر دی،
مت رنگی پینگھ چ ڈکيا ہویا
تے متیں،
پہلا شاعر اوہدی سُندرتا دا

گنت مرے،
عیسے دے ہوٹھاں اُتے
جیوں مریم دے دُدم دی
چٹی دھارا
پیار دے نویں سَمے دا سانجھی

تے ہر حالے
اوہ دن وی تاں آسی
جد ٹٹ جاسی
سنگلاں سُولیاں دا ایہہ لَمّا گھیرا
نویں مَنکھم دا اندر
جاگ کھلوسی

تے مہیں پہلا شاعر
اوہدی سُندرتا دا...

*

مَینوں اِنج نہ رول
تُوں ہی مَینوں گول

تَینوں لبہدا ہاں
کیتے نہ پائی تہاں

آ وی میرے ڈھول!
توں ہی مَینوں گول

گول۔ ڈھونڈھ، لبہ

*

ہائیے بتدی جوت
من سرے وج اوت

تیرے در تے ہتیں کلال
لاؤندیماں سد نیہائے سال

توں نیہ دتی ہوند
کیوں ایڈی آن ہوند

ہائیے بتدی جوت
من سرے وج اوت

اوت۔ انڈیل، ہا

کیوں تُوں مَینُوں چھیڑ رہیا ایں؟

هَن تے بھل چُکيا مَیر اوھناں،
 مَدھ بھنّے ناناں دیاں گلاں
 یاد کراندا ایں کیوں مَینُوں
 پریت رین دیاں وِسرِیاں گلاں؟
 اینہاں گلاں نال نہ ہوسی
 چھاں جیوں دے آوکھے راہ تے،
 بیتے ماون دی برکھا توں
 کیہو جیہی تُوں ٹھنڈ منگدا ایں؟

ویکھ تے سہی تُوں،
 راہیں بِلدے پیر نمانے
 سر تے ورھدی آگ وی تک لے
 بُوَند بُوَند تُوں میری دھرتی،

ترس رہی اے
 بِلنا وی اے
 چلنا وی اے
 آپنا ڈیرا

دور ہتھیرا، سجنان!
 مَیں تَمَنوں کد نہ کیتی اے
 ہر اک مَن میرا وی آپنا

ایس جیون دی اوکھی رامے
 جدوں جوانی چتے آوے
 ہرناں دی اک ڈار دسوں
 تے مڑ کدھرے گم تھی جاوے
 مدھ بہنتے تیناں دے بدل
 چار چوفیرے
 گھیردے آون
 ویرے پریت دے
 کینتے سفنے
 گھور آسیر وچ
 راہ بھل جاوے

پر ایہدے نال
 کیہ ہوندا اے؟
 اک مدت توں میری دھرتی،
 بوند بوند توں ترس رہی اے
 پیر و دھاویں، سچناں،
 سائوں
 چلنا وی اے
 بتلنا وی اے
 ایس جیون دے لمتے دینہ توں
 ٹردیاں ٹردیاں ڈھلنا وی اے

کیوں توں سینوں چھڑ رہیا اس؟

*

کل ڈٹھا بھوئیں وال
مُچھاں دے وال
تاں دو تن آھے چٹڑے

سوچے کالی سنگ
ازل دے انگ
کریندا ہا ہا ہا

پندرہ سو تے ہیٹھ
لتھا او سیٹھ
وڈیری شے ایہہ پتھے

اوہ ہالی دی دھی
رہا ایہہ سی
پیا کل پالا ایتھے

جے توں سوڑی دار
تاں ہر گفستار
وی ہوسی تیرے ولتے

بھوئیں وال - زمیندار، وڈیرا

*

رات اساڈے مہیخانے وچ
آپا خرقہ ہوش
تکيا ہر اک دیوانے وچ
اس دا صبر تے ہوش

آکھیوس حافظ آن میں پارو!
شہر میرا شیراز
میرا پینا بیون ہارو!
جیکن عین نماز

آکھاں حافظ، آ، میں سنگ
بہ توں خرقہ لاه
پہلاں ساڈے سنگ ننگاھو
مڑ دہر اندر آ!

تینوں سلا دا ایہہ خرقہ
کتیں پوایا یار؟
ہی ساڈے سنگ ننگیاں بہہ کے
جے توں پیون ہار

*

نیکڑا ٹیکٹو
وڈھے ہوئے کھیت تے کڈدے

شیکرا تاڑے
مار جھپٹا، اوس نوں
چمے پاڑے

اوڑک کيون نہ سدا؟
او بھرا!
نیکڑا ٹیکٹو
وڈھے ہوئے کھیت تے کڈدے

ٹیکٹو۔ اک نیکڑا جیہا پنچھی

*

پانسی چ مہنیاں
دور نیں گیٹاں

نیاریاں نیاریاں، کالیاں کالیاں
لہریں لیکیاں
پانسی چ مہنیاں

ایہہ شاماں دے سوانگ ہوا وچ
توں ای توں ای
ہننے تان ہوسی بانگ، فضا وچ

غائب تھیسن
لہریں لیکیاں
پانسی چ مہنیاں

*

او پردیسی، او پردیسی
کیہڑا تیرا دیس؟

تینوں کوئی سینجھانے ناہیں
دہن تیری نوں جانے ناہیں

یکتارہ کیں کان بناویں؟
کدی کدی سڑا پس تے گاویں

ایہہ بندے کد تیرے ہنس
تینوں تیری رت وچ رنگسن

گیروا تیرا ویس

کیہڑا تیرا دیس؟

او پردیسی!

او پردیسی!

*

شاماں ویلے کالا کتنچھی
میرا من
جیون بن

اڈدا اڈدا اوڑک تھکسی
کلا تن
میرا من

شاماں ویلے کالا کتنچھی

*

شاماں، چُپ، اُتر دی واء
کُونج پئی کٹرلاندى، آ!
بن کے گُونج سدا

ہر جے کرتوں گُونج نہ ملیا!
مڑتوں کیہ ایں؟ کیہ ایں بھلیا؟
... شاید کجھ نہ جھلیا ...!

ملیا۔ دوستا، سچناں، کسے نون پیارنال خطاب کرن لئی بولدے نیں

*

دھمی تھئی اے
آک دے نیلے پھل کھڑے نیں
سُکئی دھرتی دے نتیناں وچ
کینئی آس اے
آس اے ساونی بدلاں دی
تے
ٹھنڈیاں مٹھیاں چھاواں دی
سُندر نتین
ایہناں پھلاں دے
ساریاں دا من ٹھگدے نیں
نیلیاں ناڑاں وچ
ایہناں دی
کس تکتی اے
وِس ورھیاں دی گھلتی ہوئی
سُورج کد تائیں
ایہناں اُتے
تیر چلاسی
پاگل چھیکڑ توں پچھتاسی
سارا زور سُکا
ڈُب جاسی

اوہ کیہ جانے
دھپنال نہیں کٹھلاڈریاں
زہر چ ڈبیاں نیلیاں اکھٹاں

*

سچ دا مل سناون والیا!
اکھیں آڈ، کیہ ویکھ رہیا این؟
سوچ رہیا این
ایہ موتی میں کیتھوں آندے؟
ہر،

گل تینوں سمجھ نہ آسی
سولی دے پھٹے تے ہس کے
کتدی مہاں سنگرامیئے
تانتیا ٹوہے،

جیہڑے اتھر و کیرے سن
میری جھولی دے وچ ڈِگے
اوہ موتی سبھ میرے سن

پر تھوں جیہنے،
انکھ دے سیک تھوں جریاھی نہیں
سچتی، تینوں ایہ گل سمجھ نہ آسی

تانتیا ٹوہے - ۱۸۵۷ع دی جنگ آزادی دا اک مہان آگرو

[جو بیجل نے اکھیا]

*

ہرنگال وچ رہن والیو!
رت دی نیں وچ وہن والیو!
کل دی گل اے
جس ویلے تسان ٹھٹے نئون اگ لائی سی
تے میرے مونہ تے دھائی سی

اتہاس نے پلٹا کھاہدا اے
مونسے مکتے بندی وانساں
دھرتی دے کٹھڑے انساناں،
نئون اج ایڈی کورڈ چڑھی اے
میرا بدلہ وی پئے لیندے انگولادیاں
راہواں اتے

تے سوز سبیتی گلیاں وچ

رتی مسکان جو ہوندی اے
اوہ میرے پھٹڑ ہوٹھاں تے
ھولی ھولی اج کھڑدی اے

بـرتگال وچ رہن والیو!
رت دی نیں وچ وین والیو
بخش دتا اے اساں تہانوں
سندھ دیاں رت بھریاں صدیاں نوں
تاں میں جیویں بھل گیا ہاں
رتڑے جھنڈے ہیٹھاں،
اج میں،

تیرے گہرو ویکھ رہیا ہاں
جیہناں،

آہنی رت وچ ڈب کسے
سامراج دے،

خونی داغ مٹا دتے نیں
میں اپنا ہتھ اچا کرکے
کراں سلام اوہناں نوں

سندھ دے دوسرے بولاں نوں میں،
گیت نواں اک دتا اے
سچ دے ماتھی انساناں وچ
دوری کاہدی؟

تے ایس لاٹ دے پروانے
اج سنگی ماتھی

ہر تگال دے رہن والیو!
رت دی نین وچ ویہن والیو!
کل دی گل اے جس ویلے
تساں ٹھٹے نٹوں اک لالی سی
تے میرے مونہہ تے دھائی سی

مکلی دے قبرگستان وچ

ایہ کائی حاتم دا قصہ نہیں
سچٹی گل اے
دھیان دے نال زرا سُن ایہنوں
سُن

جے میٹی بول رہی اے
نندا جام! تُوں کد تائیں
سُتا رھسیں؟

دربا خاں لاڑے دی قبر
پنی کنبدی اے

تے سڑ ایہو واج پنی دیندی اے
نندا جام! تُوں کد تائیں
سُتا رھسیں؟

سر تے سُورج آن کھاوتتا
جیوں پڑ وچ
آنت دا رولا

کد تائیں سوندا رھسیں؟

نیندر دے وچ رونددا رھسیں؟

سندھ دا حاکم جام نندا تے اوہدا جرنیل دریا خان
دونوں دیس دی آزادی لئی لڑے ہوئے شہید ہو گئے سن

Academy of the Punjab in North America: <http://www.apnaorg.com>

[جو بیچل نر اکھیا]

آ، دل کے اس قبر دے،
پتھر ڈھاہیئے
آ مڑ سنگ جاتی
ساک نبھائیے

*

ایہہ سینت،
اک ڈھال اے
میرے لڑدے گیتاں دے لئی

ایہہ سینت،
میرے مونہہ اُتے اوہ بنگل اے
جس چوں
رت وچ ڈیاں میریاں اکھتاں
وانگ عقاب تکیندیاں پتیاں
توں ایہہ سمجھہ رہیا ایس
جے میں،
آج مڑ
بیتی پیار کہانی چھوہ بیٹھا ہاں
جیہڑی،

سیتھوں پہلاں
کینتے شاعر آکھ گئے نیں
تے سستی دے،
پائے چولے نالوں لتھیاں لیراں
اپنے سڑدے زخماں اُتے
بنہہ کے،
صحت پیالے بھر بیٹھے سن

سُو جھ دا دِیسِپ جگالے
 تاں جے
 سُو جھ کلاء دے تھلویں اندر
 بھیرا پائیے
 آ، مےں تینوں،
 اپنے دیس دے
 دِرس و کھاواں
 ایہ بھنبھور دی رات وی تاں
 اک سینت ورگی
 تک ریتڑ تے،
 پتوں دے پیراں دی ریکھا
 تے
 ایہ ویر بہاڑاں دے مےں رنگے
 تے ایہ،
 کیچ دے گھمٹن گھیر سدیوی
 کیہڑی شے اے
 جس نوں کلاء اسادی
 پکڑ اپنی وچ لتے نہیں سکدی؟
 کیہ اے کیچ،
 جیہدے تے میرا من سو واری صدقے،
 اوہ اک سَفنا

تے ایہہ سیری کوتا
سیک سجن دی کٹھتی
پیروں واہنی
روڑاں پتھراں اتے دھکتے کھانڈی
گوری،

”سسٹی“ ناں دھراوے
”سسٹی“ جیہدے معنے
”چن جیہی“ ہوندے نیں
جس دا چولا لیراں لیراں
سیری کوتا،

اوندے تن لئی
اک بیوتھر، سوہا جوڑا

*

سیرا مِل نہ پُچھہ او آسرا!
میرے گیتاں دا مِل بھر سیں؟

ہٹی تے کہ ہل تھا اے
ہر موٹی دا مِل تھا اے
کیڈا میلا لگیا ہويا
رولا رہتا وگیا ہويا
بھاء من کیڈا چڑھ گیا اے
سبھناں گیت نوں پڑھ لیا اے
سیانپ وچ ہن سیک نہ کائی
سواہ اے نیری، وویک نہ کائی
دات اج بھرے بزار وکاندی
جیوں کائی ننگی نار وکاندی
میں وی تاں ہیک ونجارا ہاں
پر میں سبھناں توں نیارا ہاں
گیت دی لتے میرے من گونجی
بس ایہو شے میری پونجی

وویک۔ لوک ناٹک دا اک مخولیا، جیہڑا بندے دے ضمیر دی
علامت اے

میل توں جو مزدور اے آندا
تے ہالی، جو تھک کے ڈھاندا
تیں اگے جو چھاتی ڈاھے
پیریں کڑیاں پا کے جائے
اوهناں اندر گیت میں ونڈدا
چوراھے تے گاواں بیٹھا
جس دے ہلے ہنجھو موتی
میرے گیت دا میل اوہ جوتی

تیں ہلے ہنجھو بھل کتھے؟
میرے گیتاں دا میل کتھے؟

*

امبڑیاں گول نہ چھوہرا
دینہہ تتے وچ

جیٹھ، دوپہری
ٹہنی ٹہنی بہاری گہری
ٹہن ٹہن نوں پھول نہ چھوہرا
دینہہ تتے وچ

ساون و س وچ
انب انب آویسی رس وچ
رمت ماہ، بین سول نہ چھوہرا
دینہہ تتے وچ

*

کتے بھونکن
مائیں بھونکن
چور وی بھونکن پئے
کیڈی چیک چھاڑا ہوا وچ
ہانہ نیندی، کاڑا ہوا وچ

مگھ پئے چونکن
رستے چونکن
تارے چونکن پئے
کون کویلے آیا ایتھے؟
اسوستی وچ اوہ کیہ لوجے؟

*

توں تان اکھیندا
"تیرا پُتّر، تیری دھی"
میں اکھیندا
"کیہڑا پُتّر، کیہڑی دھی؟"

ایہہ جو سندھ سبھاگی ہے وے
(توں تان کہیں، نبھاگی ہے وے)
اس دے اک اک بال دا نِسرن
میری پیڑ خیال دا نِسرن
ایہہ جو ساری دھرتی دکھتی
انگ اگھاڑیس، ڈھڑوں بھکھی
اوهدے پُتّر، اوهدیاں دھیاں
اوهدے پیو تے اوهدیاں ساواں
سبھہ نال میرا ناتا بابا!
تیرا، میرا، ایہہ سبھہ دھوکا
جو وی اگتاں دا جمیا اے
غیر تے نہیں، اوہ تارا اپنا اے

توں تاں اکھیندا
 «تیرا پتر تیری دھی»
 میس اکھیندا
 «کیہڑا پتر کیہڑی دھی»

Handwritten text in Gurmukhi script, appearing to be a continuation of the poem or a related text. The text is faint and difficult to read accurately.

ناچ - دھن

اُربت سجن دی، پائل پائل،
آئل! آئل!
گھائل، گھائل،
میرے پیر

جندڑی کائی جھوٹا جیویں
تے میرا من
ریڑ تے اک بُوٹا جیویں

جندڑی سُرک تے سانجھی جیویں
تے میرا من
سخر دوپہریں، سانجھی جیویں

جندڑی کائی کونج پرانہ دی
تے میرا من
تیں ول کائی کونج پرانہ دی

آئل - ماء، امبڑی، آئی

جندڑی کائی چھل جھگولی
تے میرا من
اوسے چھل دی ہے اک ڈولی

جندڑی اندر اکھ آجل دی
تے میرا من
اس وچ کالی ریکھ کجل دی

دہکھوں ہاراں

پیڑ نہ ساراں

نت میں گھٹلاں مدھ دے پیالے
تیں لٹی لیاواں ناچ نرالے
تردیاں تردیاں پھیرے پاواں
دھرتی تے آکاش نچاواں

گولاں، گاواں

گولاں، گاواں

گجرے گجرے گیت ونڈاواں
کیہ کیہ پوجاں، کیہ کیہ پاواں

گھر گھر گونجے، گھر گھر چہنکے

آس رُلائل

تسّی گھائل

راس نہ آیل

ہائل پیر

پریت سجن دی ہائل ہائل

آئل، آئل

گھائل گھائل

میرے پیر

*

میں ڈوہی آن، میں ڈوہی آن
میں کینے ہی دوس کمائے نیں

چھپڑ دے گدرے مڑک اُتے
ایہہ نیل کنول وی تاں ڈوہی اے
کوئی وی چکوں ہنیرے وچ
جے اڈدا اے تاں دھروہی اے
ایہہ دوس تے نہیں، جے بندے دی
میں مڑ کسے مٹی گوہی اے

میں ڈوہی آن، میں ڈوہی آن

ایہہ دوس تے نہیں، آکاس نوں چھڑ
دھرتی منگ پریت میں لائی اے
ست رنگی پینگھہ میں مجھہ ولتوں
نیت شاماں نوں ٹھکرائی اے
میں بدل بدل اٹھیا ہاں
رشماں دی جھڑی وسائی اے

ڈوہی - دوسی، عیبی
گدرا - گدلا، مٹیالا
مڑک - چھپڑ وچ آگیا گھاہ

میں ڈوہی آن، میں ڈوہی آن

ایہہ دوس تے نہیں، اس دھرتی تے
میں دل دی دیول جوڑی اے
توں نفرت کندھ اُساری اے
میں اوہدی لیہنہ اکھوڑی اے
میں گائے گیت محبت دے
تے واگ وطن دی موڑی اے

میں ڈوہی آن، میں ڈوہی آن

میں سد کران ہر مسکی لٹوں
توں ظلم کریں، میں سنگ ٹراں
توں چیتے وانگر چنگھاڑیں
میں شیر بیر دے زنگ ٹراں
توں لٹکیا ویری، تیں تے میں
کر نظراں تیر تہنگ ٹراں

میں ڈوہی آن، میں ڈوہی آن

جھوٹا توں اخیرى پت جھڑ دا
مرے رتڑے خواب بہاراں دے
توں اوہناں دے سائے توں بھٹدا
میں گـاواں گیت چماراں دے
جتھے لوہا بگھرے، زنگ لہے
اوتھے دھرنے دھونی کاراں دے

میں ڈوہی آن، میں ڈوہی آن

لٹو کولوں لٹوسے، جس ویلے
انسان بیلاں وچتوں نکلن
دھوں دھتھوں دھوانکھے، جیہڑے ہل
مزدور میلان وچتوں نکلن
میں اپنے ساز نٹوں گرماواں
جدد درد دیاں وچتوں نکلن

دھرنا۔ جر کے بہنا

میں ڈوہی آن، میں ڈوہی آن

میں لائی سد آزادی دی
میں توڑے طوق غلامی دے
ایہ گیت جیویں کائی جادو من
سنگل ٹٹے ہر عامی دے
آج سبھناں موتی جان چٹنے
ایہ ہنجهو، میں جیہے سامی دے

میں ڈوہی آن، میں ڈوہی آن

میں دات انوکھی آندی اے
مرا ساز بھڑے تلواراں سنگ
ٹکراواں اپنے گیت جادو
میں تسان دیاں دیواراں سنگ
کنج بھاری بھرج پٹے کنبدے
تسان ہینے ہو ہتھیاراں سنگ

سامی۔ جوگی

میں ڈوہی آن، میں ڈوہی آن

تساں مینوں سُولی چاھڑھ دیو
میں تساں توں سُول نہ مرنا اے
جو وگسی میرے مگروں وی
ایہہ اس جندڑی دا جھرنا اے
مڑ چارن بن کے، چنگ منے
میں دوجا بھیرا بھرنا اے

میں ڈوہی آن، میں ڈوہی آن

اس نگری وچ، سبھ توں پہلاں
اوہ دوسی سمجھے جاندے نیں
ہے سیانپ جیہناں دی، دیس دا دھن
اوہ ایہو دوس کماندے نیں
میں کینے ہی دوس کمانے نیں
میں ڈوہی آن، میں ڈوہی آن

ویل وچھوڑے دی
[گیت ناٹک]

دو گیت نائک

(۱)

رنی کوٹ دے دھڑویل

اہہ جو سندر مایا ایڈی
 ساری پل دی چھایا، ایڈی
 پل تیتلی اے، پل جگنواے
 پل پل دی اپنی خوشبو اے
 پل پل دی اپنی جوتی اے
 پل اتھرواے، پل بوتی اے

[برده ڈگدا اے۔ بہاڑی
 تے کجھہ جھنگیاں دسدیاں
 نیں۔ کجھہ دور ڈھور
 ڈنگر بدھے ہوئے نیں
 اک جھنگی دے باہر اک
 وینگس (بھرویاں چھاتیاں
 والی مٹیار) سنی پئی
 اے تے کول ہی دوجی
 منجی آتے ولہار لیٹیا
 ہويا چتر دے اسمان
 ول ویکھ رہیا اے]

[ولہار [اسمان ول ویکھدے ہوئے]

ایہہ جیہڑا بے آنت جیہا اے
 کیڈا جوین ولت جیہا اے

بندے وانگ ایہہ کھرنا ناہیں
 میل دے وانگر بھرنا ناہیں

تارے پیچھے، تارے اگے
سُناجی، جگ اکہ نہ لگے

کیں ایہہ ٹوٹا کتاج بنایا؟
کیں ایہہ سارا سوانگ رچایا؟

سپیل اے پیراں دی، ایہہ سیٹی
”نہ“ وچلی، ”ہاں“ بن دی ڈِٹھتی

بھووری ہے ایہہ، ناسی ہے ایہہ
آدی اے، اپناسی ہے ایہہ

رتڑی ہے ایہہ، پیلی ہے ایہہ
کیڈی رنگ رنگلی ہے ایہہ

نت ایہہ پھنڈی، روز چھینندی
سُندرتا تے مہک بنیندی

مدھر ملن دی ریت بنی اے
پرچھاویاں دی پریت بنی اے

آدی۔ آد توں، ازل توں
اپناسی۔ ناس نہ ہو سکن والی

چندڑی کھنڈ کر اون دا لٹکا
موت اے آن جاتے دا کھٹکا

فیر وی چندڑی کیڈی پیاری
کیڈی مدھ مانی، متواری

[وینگس ول مونہہ پرتا کرے]

اس دے ہنس وی چٹڑے چٹڑے
اس دے وال بشم دے لچھڑے

کیہ کیہ دل نوں دیندے گیڑے
آدھتی رات، مکھن دے پھڑے

رات جوہیں مٹکا لستی دا
مونہہ اہم۔ ڈوہنگھا سوچاں بھریا

جس وچ نیندر بھری پئی اے
کوئیچ جوہیں کائی سری پئی اے

اُتر واء ہاورے آنے
چٹتی لہرے، چول تالے

دسادی سندرنا ستھر دی

جیوں کائی دیوی اے پتھر دی

اومدے ہوٹھ نہیں ہادے جلدے

موتیاں دی لب وانگر کھلدے

تیں موہن، جیوں لیرمل سفنے

لہراں لہراں چنچل سفنے

آدھی رات، انہاں وج ہائے

تارے، پانی، پتھر، سائے

تے اوہ در در رلدے سفنے

گھائل گھائی، تسے سفنے

سفنے اڈدے، آڑیاں ورگے

آدھی رات اسماں تے چھالدے

اسماں ول بھیجے سفنے

لگے دھرت کلیجے سفنے

تین موہن۔ رنی کوٹ دے وچکار وگن والا اک برساتی نا

آڑی۔ پانی آتے اڈن والا اک پنچھی

[جو بیچل نے]

سُکھتی ہوں کہ ہوں ہیئے
کہہ کہہ انہاں دے تانے پیئے

جے انسان اے سستا ہويا
کیڈا گجھتا گیتا ہويا

بندے دا 'بے انت' نہ کوئی
جو ای ہے وے، ہے وے سو ای

وینگس [نیندر توں ابھڑواہے
اُتھدی اے]

آدھی رات، اچانک سُننے
کالی ڈھن، بھانک سُننے

جو وی پکھیاں دا اے جوڑا
اوتھناں دا اے آنت وچھوڑا

ساری لیلا ہے وے نیاری
جل پُجاری، وانگ شکاری

ڈھن۔ بہت ڈوہنگھا تلاء، اوہ ٹویا جیہڑا آبشار ڈگن قال بن
جاندا اے

ولہار:

تدے تان دھرتی ایڈی پیاری
تسے بندہ ایڈا سنساری

ایہہ جو بن دیاں بہین بہین سدھراں
پیاس تناں دی، پل دیاں لشکاں

کجھہ نہ ہون دیاں، سارا کجھہ اے
جھڑٹ تارے، وج سفر دے

کس پاسے؟ ایہہ کسے نہ جاتا
اینہاں دا کسے نہ انت منجھاتا

ایہہ جو سندر مایا ایڈی
ساری پل دی چھایا ایڈی

پل تیتلی اے، پل جگنو اے
پل پل دی اپنی خوشبو اے

پل پل دی اپنی جوتی اے
پل اتھرو اے پل موتی اے

ہل دا مہج سبھاء چنگا اے
جیوں اتر ہلا چنگا اے

بندے گزھاں کاس ودھاندے
ہل نوں تودا کیوں بناندے

وینگس:

پریت وی ہے وے ہل دی مایا
تے چھایا دے چھل دی مایا

مڑ وی اُنھاں بن چارہ ناہیں
پریت پیناں چھٹکارہ ناہیں

ایسے وچ مفلتا من دی
میٹھے ماری مشکل تن دی

پریت جدوں ہے روح نوں رنگدی
بدل بدل بین اے وجدی

بی وچوں جو بوٹے مارے
اوہ مٹی دی پریت اے پمارے!

کاس۔ کس لئی

[گیت نائک]

تے مڑ بُوٹے تے پھل آندے
تربل وسیندی، سینہ پئے لاهندے

تے مٹی دا پیار اے کھیڑدا
ایہ سارا سنسار اے کھیڑدا

ایہ اسمان سمندر ورگا
یسا بندے دے اندر ورگا

تھاہ نہ ہوندی جس دی کائی
ایہ نہ آساری، نہ ایہ تباہی

دھرتی اُتے چائن ایہدا
پیار بیتاں کیہ مانن ایہدا

بندے دا من پیار سموئے
کیہ کیہ مٹی دے وچ گوہے

پیار اے ایج بندے دے من وچ
جیوں کائی کوئل چنن بن وچ

جیویں سرھوں دی پتیلی اُتے
تیتلی اڈے برکھا رتے

بندے پیار وسارن کاهنوں؟
جیون سنگلیں وارن کاهنوں؟

پیار بیٹاں دہرتی ایہ بہاری
کالی دھپ، ریٹڑ تے کاری

[گولیاں چلدیاں نیں تے
وینگس بھٹڑ ہو
جاندی اے۔ تین دھڑویل
آڈھا، کاڈھا تے ڈاڈھا
ہنیرے وچوں نکل کے
ڈنگر کھولدے نیں۔ کجھ
پنڈ والے کھاڑیاں لے کے
آندے نیں تے پیلوں دے
رمکھاں دی اوٹ چوں
لک کے ویکھدے نیں]

آڈھا:

میں آڈھا ہاں، میں آڈھا ہاں
پر میں ڈاڈھے دا ڈاڈھا ہاں

برکھا وچ میں تہور اے لٹیا
شاماں دا مندھہور اے لٹیا

ماردا ماں کتلا ہی دھاڑے
رنگ سجتیں یاں رجواڑے

سارے سینوں ڈن دیندے سن
دھرتی جھاڑ کے دہن دیندے سن

ہن برکھہ کجھہ جھہورتھا میں
ہر نہ اچے مجبور تھا میں

گوئیاں رفلان میرے بتلے
سونے دے صندوق میں ملے

میرے نال اے، جو ڈاھڑا اے
تے جھڑا کائر کاھڑا اے

میں اوہناں دا منگ سہاراں
انہاں دی اوٹ چوں دھاڑے ماراں

ڈن—ڈنڈ

جھہور—بڈھڑا، کمزور

بے نکتے سن، پہلے سائیں
سُتے رہندے رات مسدائیں

دینہ دھاڑے جھل اُنہاں دے
کاٹھ کھاڑے جھل اُنہاں دے

اج کل نیں اوہ جاگے ہوئے
ہاں، ہاں مالک نہیں! کو جیسے

ہر جو میری ٹولی ہارو
اُس دی بولی، گولی ہارو

ہاری ہے ایہ، ناری ہے ایہ
پاں کائی ہور آدھکاری ہے ایہ

ہر کوئی جانے میری بولی
کوئی نہ آوے اگے گولی

جے کائی موت دے اگے تہیندا
گھر گھر تے بارود سیٹھنا

ناری۔ کھوہ گیڑن والا، پیلی نوں پانی دیوں والا
ادھکاری۔ حقدار

بوھے بوھے وار کراں میں
گولیاں نال گفتار کراں میں

کاڈھا:

ڈاھڈھا بھانوس ڈاھڈھا ساڈا
ہاں، پر سائیں آھڈھا، ساڈا

تے اوہ سینوں پیارا کیڈا
نال اُھدے بھائی چارا کیڈا

ڈاھڈھا:

ڈیل تان سیرا ڈاھڈھا، سچٹی
ہاں، پر سائیں آھڈھا، سچٹی

میں ہی ایہ بندوق بھریندا
میں ہی سبھ تے وار کریندا

دکھی آن، یاں سکھ سہناہاں
فیر وی دونہاں دا اپنا ہاں

کیوں جے میں دونہاں دا جایا
ہوند ہر اول بن کے آیا

جد تائیں گولیاں برساندا ہاں
وتیری واہر نوں جھل جانداہاں

پہلاں گھر گھر دھاڑ مرینداں
چوری ہر شے فیر کرینداں

[ڈاھڈھا ہنیرے وچ بندوق
سیدھی کردا اے تے آھڈھا
تے کاھڈھا زرزیور چاکے،
تے ڈھور ڈنگرچیک کے ہنیرے
وچ گم ہو جانداے نیں۔
ولہار چھال مار کے پکھی
اندر ٹنگسی کٹہاڑی لاہ
لیندا اے تے ڈاھڈھے
تے وار کردا اے۔ ڈاھڈھا
بیٹ بیٹ تکدا بندوق دا
فائر کردا اے جو گھس
وبندا اے تے فیر اوہ

کھاڑی دا دوچسا وار کھا
کے دھم نال ڈِگ پیندا
[اے]

ولہار:

ڈاکو اپنے یار بنائے
نیویاں تے ہتھیار نی چائے

بگھیاڑاں دا کھاج بنیسیں
کائر! گرجھاں دے وس تھیسیں

[ولہار دھرتی توں ڈاھڈھے
دی بندوق چُکدا اے
اوھدے پنڈ والے کھاڑیاں
لے کے پیلٹوں دئی اوٹ
چوں باہر آندے نیں]

ولہار:

پرہت ورگے پنڈ وسنگو!
کاھدے لئی ایج بے وس جینگو

کاہنوں لٹکدے، کاہنوں ڈردے
 ستھے کیوں بدناویں جردے
 کائر راتوں رات نیں آندے
 گھاتک، گھاتان سوچدے راہندے
 تے گھر گھر لٹ مار کر پندے
 ہر گھر والے نوں پھٹ لیندے
 ہر گھر والی دست کھوہندے
 پھیر کے بوہکر ٹردے ہوندے
 ایہہ جینا کاہدا جینا اے
 جندڑی زھر دا جیوں پینا اے
 ایہہ جندڑی جھوٹا اے جل تے
 جیہڑی، لہر ابھارے چھل تے
 جو اپنا سیر اچسا کر کے
 کجھہ پل پانی تے پب دھر کے
 گیت مدہر جیہے کجھہ گاندی اے
 اپنے وچ سما جاندی اے

اس دھرتی وچ، اس اسپر وچ
اس نیلے ڈوہنگھے ساگر وچ

اوہدے وچ وِسِر پئے اُبھرن
مانجھی تے راتیں ہتھہ اُگرن

اس جل دے من جیون تائیں
ہر ادھکاری دے من تائیں

پرہت ورگے پنڈ و سنیکو!
کاہدے لئی ایج بے وس چیکو

ایہہ بگھاڑ تان دِسدے اُتوں
ایہہ دھڑویل تان گیدڑ وچتوں

اج اینہاں دا پچھتا کرنا
اس آہڑھے کاہڑھے نے مرنا

شاماں دا سندھوور جو لٹدے
تے ہرکھا دا نور جو لٹدے

ویسرہ شارک ورگی ہیک وڈی سمندری مچھتی

[جو بیجل نے آ

اج اُنہاں نوں پوریاں کرنا
پھیرا نہیں اجائیں بھرنسا

[وہنگس ول مونہ کرکے آکھدا اے]

وہنگس تیرے وال بھلیرے
میرے پیار دے نال بھلیرے

میں ایہناں دی چھاں مانی اے
ایہ ساری دھرتی واہنی اے

کس سفنے نال... کیہ کراں میں؟
تیہتوں دور آج پتیر دھراں میں

جینہاں لٹیریاں تیں زحمایا
ادھی راتیں آن ستایا

اُنہاں نوں جد تائیں ناس نہ کرساں

تد تائیں ایہہ بن واس میں جرساں

میں اوڑک میڑ کے آنا اے

تیں سنگ آ، نچنا گانا اے

رنگ رنگی دھرتی آتے
مست نشیلی دھرتی آتے

دل کے لُنب لیاریاں دے نال
تے برکھا دے تارباں دے نال

ہر اس ویلے تان ورجنا اے
ایہم کارا تے نہیں بھجنا اے

[وینگس دی رت وچ لیڑی
چٹنی، بندوق دی نال تے
ٹنگ کے بندوق توں اچیاں
کردا اے]

میں تیری رتڑی چٹنی دا
رتا جھنڈا اج بنایا

چٹنی دی بٹکل وچ اس ہل
کوٹ دے اندر پان کاجھے وں

لُنب، لیارے — رکھاں دے نال
کوٹ۔ قلعہ

کاجھو۔ سندھ دے لہندے پہاڑی علاقے دی گٹھہ والی رت

[جو بیجل نے آ

هر ویری نسون لملکر دیساں
هر ویری آسے وار کرپساں

جیوں آکھہ بڑکے شیر پکڑدا
ساہن کسے دا دل کڈھ کھڑدا

[ڈاھڑھے دی لوتیہ ول
ویکھدا اے]

هاں گھانک، اُس دی گولی اے
پر دِ لڑی اوھدی ہولی اے

اوہ قہری اے اوہ قاتل اے
پر ظالم سُر وی بزدل اے

جے دوروں تکو سُونھاں نوں
ایہہ ویری تاں ڈونگر نیں جیوں

تکنی اے ڈونگر دی سنگھنی
وچ سُرنگ جبر دی سنگھنی

ڈونگر منہ دے اک پہاڑ دا ناں

[گیت نائک]

هر ويلے اوھنوں ڈھاھندا اے
اک سکھنا ڈھانچہ پاندا اے

[ساتھیاں ول ویکھدا اے]

اے معصومو! اے مظلومو!
بن گھنگھور گھٹاواں جھومو

پریت پریت لکڑ مارو
اٹھ کے وار کرو دکھیارو

رات نہ ایہہ باقی رھنی اے
گھات نہ ایہہ باقی رھنی اے

پاہی دے اس واڑے اندر
رات لنگھائی دھاڑے اندر

رھندی رات وی مک جانی اے
تے ایہہ بات وی مک جانی اے

ویری دے پچھے جانا اے
تے اوھدا گاٹا لاھنا اے

ہاں بھلڑی دھمی وی آئی
’تیں موہن‘ تے نچنی گانی

لہو، رشماں رشماں پانی تے
جیوں چاندی اے، ہلیانی تے

چم چم چم گہنے چمکن
تے اپنی بھڑی اکھ جھہکن

تے ہرہت نوں ڈھاہ کے آنا
پیروں سیروں مکا کے آنا

بھکھے سنگی پکھیاں دے نال
چائی چائی دہشیاں دے نال

دہشیاں دے نال گائیاں دے نال
آپنیاں بھلایاں دے نال

ڈرنال بھری اڈیک توں چھوٹ کے
سڑ ڈوہنگھی نیندر کرسوں وے

ہلیانی - ہالی عورت

[گیت نائک]

سست هوائیں سنگ جیں ترنا
سول نہ اُس بندے نے مرنا

سماہ جو وارے انکھاں اُتے
اینہاں جھانگیاں، جھنگاں اُتے

اپنی ہتلی کھیتی اُتے
اپنی سوہنی ریتی اُتے

جگ جنجال تاں ڈاھڈا سوہنا
ہاں ایہہ جال تاں ڈاھڈا سوہنا

اک گھاتو نے ڈیرہ لایا
تے ہر اک لئی جال وجھایا

من بندے دا کُنڈی اندر
کُنڈا پھسیا مُنڈی اندر

گھاتو۔ پانی دی ڈوہنگھان وچ جان والا

مُنڈی۔ گیچی، دھون

جیہڑا مینٹھڑی بیڑا کردا
اس بیڑا نوں بندہ جردا

جس ویلے ہر دھاڑے آون
دھرتی تے اندھیر مچاؤن

جن وچوں، آکاس دے وچوں
دھرتی دے بن واس دے وچوں

اس گنڈھیر تے گم دے وچوں
اپنے ہڈ تے چم دے وچوں

ٹایاں دی ٹنکار دے اندروں
اس سارے سنسار دے اندروں

قہر ظلم دی ہو آوندی اے
ڈونگھے غم دی ہو آوندی اے

گنڈھیر۔ اک خاص قسم دا گھاہ
گم۔ اک پھل دار روکھ

کیہ جہانگی چوں، کیہ سانگی چوں
کیہ د'ہوں و چوں، کیہ دانگی چوں

کیہ چھاگل چوں، کیہ روٹی چوں
کیہ تیرے گل دی گوٹی چوں

کیہ تیرے کالے والاں چوں
کیہ تنبورے دے تالاں چوں

کیہ گیتاں چوں کیہ بیتاں چوں
کیہ چیتاں کیہ آن چیتاں چوں

مڑ مڑ کے اوہو ہو آوے
ڈوہنگھے غم دی چھٹ ورھاوے

اج تاں ظلم سکا کے آنا
تسے ایہ جھنڈا لاکے آنا

دانگی - میٹی دا توا جیہنوں پٹھیاں کر کے روٹیاں پکاند
گوٹی - گانی

[جو بیچل نے آ

انہاں دی رتڑی سستی دے وچ
اپنی پوری وستی دے وچ

کائی سورج بسال کے آنا
رتسا دیہنہ اچھال کے آنا

[ولہار دے سنگی سٹھیاں بیہچ کے باھواں
اچیاں کردے نیں]

کائی سورج بسال کے آنا
رتسا دیہنہ اچھال کے آنا

ایہہ جھنڈا رتڑی سستی وچ
جھول رہیا اپنی وستی وچ

اساں تاں مار شکاری، آنا
ڈھاہ کے ہریت بہاری، آنا

[گھائل وینگس اٹوہ کے
ساریاں دے گل وچ رتڑا
گانا بنیدی اے تے اوہ
فیر کورس وچ گاندے نیں]

کائی سورج بال کے آنا
رتا دیہنہ اچھاں کے آنا

مچ مچا کے بیلیاں تائیں
دھرتی دے دھڑ ویلیاں تائیں

اج تان مار مکا کے آنا
کائی سیجھ جگا کے آنا
کائی سیجھ جگا کے آنا

[سببہ کورس وچ گاندے
روشن برچھاوین وچ
جاندے ہوئے دسدے نیں۔
پردہ ڈگرا اے]

(۲)

بہگت سنگھ دی پھانسی
[کچھہ چونیوں حصے]



کجھہ صدیاں لئی بھونچال جیویں
ایہہ اپنی دوت سوال جیویں
ایس کدی تاں اٹھہ کے نچنا اے
ایہہ مچ اجکل وچ مچنا اے
تاریخ دے وچ اوہ دھڑک رہے
کجھہ پل بھجھہ کے مڑ بھڑک رہے
جو اپنی آگ جلاںدے نیں
دھوناں دے پھند گلاںدے نیں

(”آزادی“۔ سین ایس خطرناک لفظ
نوں کامیاں دے وچکار لیکھدا ہاں
جیوین کسے وحشی جانور نوں
سینگھاں توں پھڑپا جاندا اے)

ہک یونانی لکھاری

پہلی جہا کی

ویس دہاری :

بہگت سنگھ

چندر شیکھر آزاد

کشوری لال

سکھدیو

ڈاکٹر گیا پرساد

راج گورو

سال : ۱۹۲۸

ماحول

[لہور وچ اک تہہ خانہ -
رات دا ویلا اے۔ تہہ خانے
دے چارے پاسے لالٹین
جگ رہے نیں۔ کندہ اُتے
ہندوستان دا نقشہ، جہانسی
دی رانی، تانتیا ٹوپے تے
نانا فرنویس دیاں فریم
کیتیاں تصویراں لگیاں
ہویاں نیں۔ وچکار اک
میز پئی اے جیہدے اک
پاسے بھگت سنگھ، کشوری
لال تے ڈاکٹر گیا پرساد
بیٹھے نیں تے دوجے پاسے

[گیت نائک]

چندر شیکھر آزاد، سکھ دیو
 تے راج گورو نیں۔ سبز
 تے چھ ہم رکھے ہوئے
 نیں جیہڑے تہہ خانے اندر
 خفیہ کارخانے وچ تیار کیتے
 گئے نیں۔ سبز تے اک اخبار
 وی ہئی اے۔ جیہدے
 پہلے صفحے تے کالے
 حاشیاں وچ لالہ لاجپت راء
 دی موت دی خبر چھپی
 ہوئی اے]

بھگت سنگھ:

ایہہ دیس تھامسی جوتلا اے
 من اونہاں دا جھل وٹلا اے

ہرگیان اونہاں دا رنگلا اے
 جیوں رات دے سرتے ترنگلا اے

ترنگلا - تین تاریاں دا اکٹھہ

[جو بیجل نے آ

هر تياگ اوھناں لئی روگی اے
هر منزل اوھناں دی روگی اے

جو دند کتھا اے ميانی اے
جيوں شے کوئی چوھے بھانی اے

جو کترن بیٹھے من من وچ
ایہ بہین بہین جوگی بن بن وچ

سندھور ایہ ستھیاں تے جڑ کئے
تے کوڑے کیرت پڑھ پڑھ کئے

اوہ تکیئے تیرتھہ ونجدے نیں
تے سڑ سڑ متتاں مندے نیں

جو دکھ بہوں مارا دھرتی دا
تے بھندہ بہارا دھرتی دا

اوہ پوتھیاں بُستک بنے پیندے
تے زہر ہرانے تے جیندے

کائی جی تے ڈاھڈھ جھلیندے نیں
تے بندھ پہاڑ جھگیندے نیں

کائی لسو بھی 'کنچن چنگا' دا
کائی 'جمنا' دا، کائی 'گنگا' دا

کائی ویکھ قوالیاں گاندے نیں
تے پیراں نوں پڑ پاندے نیں

کائی امرتسر ول جاندے ہن
گوربانی دے گن گاندے ہن

کہ چیکڑ کیپڑا کیپڑا اے
ایہ سارے دیس دی پڑا اے

کس سوچی اے کس جاتی اے؟
کس اس وچ پائی چھاتی اے؟

ہر جی ایتھے وچ ذلت دے
انگریز بسم سادر دے پچھے

ایہہ رائے بہادر ہا ہا ہا!
ایہہ خاں بہادر آ ہا ہا!

ایہہ بہہ کے نیت فرنگی نال
سبہہ کالے، بوٹورے بہنگی نال

ٹھگی دے ستے پکاندے نیں
کہہ سوچدے نیں کہہ چاہندے نیں

ایہہ بن ٹہن کے ٹھگن والے
قانون نیں مکرئی دے جالے

جو اپنے جال وچہاندے نیں
تے سارے دیس نوں بہاہندے نیں

ہر بندے دا بن مکھہ ورگا
تے ہر کوئی انتھی اکھہ ورگا

جیوں اپنا چسارہ جان دا اے
ایہہ لٹھہ سہارہ جان دا اے

مکھہ - مکھی

کینج جھونئیے سارے دیس تائیں؟
سبھ دل جھنجھوڑئیے کیس تائیں؟

ڈاکٹر گیا پرساد:

هر بندھم پیراں نوں موج دتی
هر سوچ ازالیں سوچ دتی

گیانسی بٹے ڈوہنگھے بڑ لبھن
تے تیلکن والے تے لبھن

تے انت کمال دا سوچ رہے
پر کجھ نہیں حال دا سوچ رہے

کائی گاندھی اے کائی گوتم اے
پر دیس دے میر تے جھکھڑم اے

اوہ کینج ٹلے، کائی دسدا نہیں
کینج جوت بلے، کائی دسدا نہیں

تڑ- دربا دے کنڈھے نہاوں دی تھان

جھکھڑم - جھکھڑ، ہنیری

جو مٿر چار پلٽدے نیں
 تے پھٹ نوں کھول کے تڪدے نیں
 اوہ اوکھے راہ وکھاندے نیں
 تے پھٹ، ناسور بناندے نیں
 کیہ نیند اوھناں دی ٹُٺنی نہیں؟
 کیہ دہمی کدی وی پھُٺنی نہیں؟
 مِس سُر سُر اس تے سوچیا اے
 تے نیت لہو وچ لوجیا اے
 ایتھے گھر گھر کھٹل جیندے نیں
 تے بندیاں دا لہو پیندے نیں
 ایتھے پگ پگ کالے ناگ پلن
 تے کینے باھلے ناگ پلن
 ھے برف ھمالہ تے کیڈی
 کیہ دہمیے کد تائیں گھُٺسی
 شالا کائی جھکھڑ مینہ آون
 تے زورا زوری چھا جاون

شالا تکھڑے طوفان آون
تے جھگو جھگ گھمان آون

تے آہلیاں دی اوٹ ڈھے
تے ہر کائی اوکھے راہ پنے

ایہہ گھاگھرا، گنڈک، بھاگ متی
تے گنگا، جمنا، سرسوتی

سبھ جد تائیں زور و زور وگن
تے گجدے ساگر ول ودھن

جد توڑی ساری برف گھٹلے
تد توڑی جھکھڑ آج جھٹلے

طوفان ضروری اے یارو
گھمان ضروری اے یارو

گھاگھرا، گنڈک، بھاگ متی، سرسوتی، گنگا، جمنا۔ دریا وان دے

[جو بیچل نے آکھیا]

دوجی جھاکی

ویس دھاری :

بھگت سنگھ

راج گورو

سکھدیو

ویلا: مارچ ۱۹۳۱ ع

ماحول

[لہور سنٹرل جیل وچ پھانسی
والے قیدیاں دی کھولی۔ رات
دے تین وجے کھولی دی
چھت وچ بجلی دا باب بلدا
پیا اے۔ سٹکھدیو دے آگے
گیتا بند پئی ہوئی اے بھگت
سنگھ۔ چُپ چاں کجھ سوچ
رھیا اے تے راج گورو اکھاں
میٹ کسے جاگدا پیا اے۔
بھگت سنگھ اٹھ کے کھولی
دے فولادی جنگلے ول آندا
اے تے باہر ہنیرے وچ
ویکھدا اے۔ سٹکھدیو اوہدے
کول آکے کھلو جاندا اے۔

دور کوئی جیل دا
سنتری گا رہیا اے]

آ! رات ڈہلی ہے وے
آ! پنہم ہرے اپنا
تقدیر کھلی ہے وے

ایہ ویل وچھوڑے دی
کیڈی تاں بتلی ہے وے

آ! رات ڈہلی ہے وے
آ! رات ڈہلی ہے وے

سکھدیو:

[اپنے آپ نوں]

اس جگ توں سدا لئی لدن
گھر بار چھڈن، سنسار چھڈن

واپس نہ سڑن، بے موت مرن
تے دور وسیندے توں نہ ڈرن

کیڈا تاں آوکھا سُننا اے...
کیڈا تاں سوکھا سُننا اے

ایہہ شامان ویلے دا آنگن
تے چوون چوون چوون سارا وآن

تے مدھم لاٹ اے دیوے دی
چلھ تے چنن واسی وو ہٹی

چمپا جیہدی کالی چوٹی وچ
تے ہتھ توے تے روٹی وچ

اوہ ہستک سیری جھولی وچ
کائی بول سُریلی بولی وچ

تے جپ جگگاں دی ہانی دا
کائی کوئل کنٹھ۔ کہانی دا

ا > ا اوہ رات ہنڈولا سُرھیاں دا
اوہ سوکھا سنگ سرِیراں دا

سُرھیاں - ٹھنڈیاں ہوا وان

تسے کومل نیندر نیناں دی
تربہ لاهے جو دو سجنان دی

اج ہر شے میں سنگ سرنی اے
ایہہ سار سگندہہ نہ سڑنی اے

[بہگت سنگھ ول ویکھدے ہونے]

آج دیس اسادا بوجھ گیا
اوہ سُننا ہل کے راکھ تھیا

جیں کل گلا گرمایا ہا
تسے من من مچ مچایا ہا

کل لٹوں لٹوں وچ للکار آھی
کیہ غیراں لٹی دھتکار آھی

اج چپ مڑھی وچ بہینک نہیں
کر لٹ نہیں کائی کینک نہیں

جیوں دیس تمامی سریا اے
آج میرا آسرا ڈریا اے

میں جی زوں ہار کے سوچ رہیاں

ایہہ جیوں وار کے سوچ رہیاں

میں کاهنوں جان نوائی اے؟

کیہ میری بھیت اجائی اے؟

بھگت سنگھ

[سکھدیو نون گھوردے ہوئے]

جھٹ پٹ جو پھانسی دا جھٹکا

بھن دیندا بندے دا منکا

مڑ لاش ہوا وچ جھلمدی اے

تے ایس دھرتی نون تھلمدی اے

کجھ صدیاں لئی بھونچال جیویں

ایہہ آپنی موت، سوال جیویں

ایس کدی تے اٹھ کے نچنا اے

اوہ سچ اجکل وچ مچنا اے

اجائی - بے شمار

جو لہکے سبہم نوں لال کرے
تے جس نال بل بل دیس بلے

کائی صدیاں بھڑدا رھندا اے
تے رت وچ رڑھدا رھندا اے

اوس سنزل ول حیاتی وچ
تے گھتی ہوئی ایس جھاتی وچ

تے جیوں جیوں ویلا لنگھدا اے
اوہ پہل توں پہلاں سڑدا اے

تاریخ دے وچ اوہ دھڑک رھے
کجھہ پل بچھہ کے سڑ بھڑک رھے

جو اپنی آگ جلا ندے نیں
دھوناں دے پھند گلاندے نیں

[سکھدیو دے سوہڈھیاں تے ہتھہ دھر کے]

کیہ تیری بھیت اجائی اے؟
توں جیہڑی چننگ لگائی اے

کائی مچ او سے چوں مچنا اے
اوہ دینہہ اخیری چڑھنا اے

بندہ کیہ کھٹی ہور کھئے
بہہ کسریاں دی رسی وئے

کائی اس وج چھک چھپائی اے
ایہہ تیری بھیٹ سجائی اے

راج گورو:

[بھوئیں توں اٹھ کے مکھدیو ول

آندے ہوئے]

ایہہ کھڑے ڈر دا کانا اے؟

ایہہ تیں وج کاہدا جھانبا اے؟

کیوں تراہندا مہور کھہ من کوئی؟

[موتہہ اچا کر کے تاریاں بھرے اسمان

ول ویکھدیاں]

مچائی۔ جا سیرہ کم آون والی

آسمان سراں تے ون کوئی

تے اوہدے پتّر جیوں تارے
ہئے دور سریندے لشکارے

تے جیوں سوجھی ایکن اے
کائی ٹرّدا کیڑا جیکن اے

چوٹی دے اخیرى پتر تے
(ہے جس وچ جڑ دا ہل اچے)

ہے ہر شے جس دے گھیرے وچ
کائی آدی جوت ہنیرے وچ

ہاں اینہاں چ مہم اپناسی اے
ایہم پھانسی کس نوں پھانسی اے؟

[بہگت سنگھ ول ویکھ کے فیر اسمان
ول ویکھدا اے]

واہ واہ جیوں دے چھیکڑ ہل
ہئے ڈُبدے تردے نیل کنول

اج ایس جھلانگ دے جھرنے وچ

کائی الجھاوا نہ مرنے وچ

ہے کیڈی سہک ہواواں وچ

تے کیڈا نور فضاواں وچ

تے پنچھیاں لئی پھلواریاں تے

چھکڑ دے سفنے ٹاریاں تے

ایہہ سبھہ کجھہ میں وچ رہنا اے

ایہہ میں سنگ ٹردیاں وینا اے

ہاں، میں وچ سبھہ اپناسی اے

ایہہ پھانسی کس نوں پھانسی اے؟

[کنجی پھرن دی واج آوندی اے۔

ستری کھولی دا چندرا لہ کے بُوہا

کھولدے لیں تے تیناں نوں پھانسی

گھاٹ ول تے جاندے نیں]

ٹاریاں - ٹہنیاں

[جو بچل نے آ

سُکھدیو:

ایہہ نیہن تکیندے ویندیاں دے
ایہہ تارے تردے، ویندیاں دے

کائی کھیڑا آکھیں آن دے نیہ
تے چھمکڑ واری مان دے نیہ

ایہہ سارا سوہن مندر دا
کے جیون دے جل مندر دا

کنڈھے گھمن گھیر

[چونویں بیت]

[کھیا]

کنڈھے گھٹمن گھیرڑے، ڈسہ تان اگے ہور
ساگر کیڈا سُنجڑا، ادھی رات ہنیرڑے
تارے جڑت جڑیندڑے، چھتلاں دے لباس دی

(۱)

و
سر سوہنی

گھور ہنیرے بیجلیاں، بھریا چم چمکار
سوہنی سوچیا سیڑھم وچ، میں ہی ہاں سنجدھار
میں ہی پنہچاں آپ نوں، میں ہی اپنا پار
میں سنگ پرلا پار، ترے پیا سنجدھار وچ

سیڑھم - پانی دا دھارا، اوہ تھان جتھے دریا دا وہاء تیز
کارن بیڑیاں دے آلت جان دا خطرہ ہوندا اے۔

جو بیجل نے آ

کنڈھے گھُمتن گھیرڑے، ڈُمہہ تاں اگے ہور
ساگر کیڈا سُنجڑا، آدھہی رات ہنیرڑے
تارے جڑت جڑیندڑے، چھتلاں دے لباس دی

ادھی راتیں اُونگھدے، چٹے بگلے بیٹ تے
چن اسمانی ٹہکدا، بُن رہیا سہنے
موہ لیا مٹیار نوں، گھُمتن دے کڑکے
سجن سد پوے، تے سوہنی وچ سپڑھہ دے

واری ونجاں شالڑا، میں پیارے سپہار توں
واراں جیون آپنا، سکھیو اِس دلدار توں
مکھ نہ موڑاں یار توں، ویکھہ کسے روہ دریائے دا

سجن جینہاں دے ماہ وچ، اوہ نیندر کینج کرن
ادھی راتیں گھاٹ تے، آکے گھڑے دھرن
برکھا نہیں تکن، تـردیاں ونجن روڑھ وچ

گھُمتن گھیرڑے - گھُمتن گھیر والے

ڈُمہہ - دریا دی وچکارلی ڈوہنگھان، جیہدی تہاہ نہ لبھ سکے

بیٹ - جزیرہ، دریا دے کنڈھے دور تائیں پھیلایا نیواں علاقہ

سپہار - سپہنواں

تردی نہیں میں ایوں، جیکن لکڑی گھیر وچ
لاکے سارا زور میں، تیکھی ونجاں تیر جیوں
یاد کریندی یار نوں، تردی ونجاں روڑھ وچ

مہندی رتڑے پیر تاں، پانی دے وچ دھپ گئے
ٹہناں توں پھل ڈھپ پئے، کنڈھڑے لتھی کون وے

آپ چکورا، چن، آپے اپنی پریت وے
میر تیرا من، مینوں تیس ول کھچ رہیا

نیہن آڑنگا ناگ توں، کیہڑا وید ککھی
مینوں رہی سمجھاوندی، سارا دیہن مکھی
تیری چس۔ چکھی، تیں بن رات نہ بھاوندی

دیہن گزاریا ڈمہ نال، مہنا دئیں متاں
اٹھدیاں بنھدیاں سوہنیا! تیری سیک سوال
سمجھیں ایہو شال، سوہنی سدا سیڑھ وچ

گھیر۔ گھٹن گھیر

مہر۔ مہینوال

وید ککھی۔ سچ دے ڈنگے دا علاج کرن والا

ڈمہ۔ سوہنی دے خاوند دا ناں (سندهی روایت موجب)

شال۔ شالا

[جو بیچل نے آکھ]

سجناں! پل پل دیوندا، جیوڑا تینوں واج
ہانیا! ڈمہ مدھینڈڑا، میرے ساہ دی لاج
میک سجن دے باجھہ، جندڑی زھری زھر توں

پُرکھیاں کاهدی بت، تیرے کسارن چاننا
پاپ نہ نہیندا وے! سنگ سجن دا مازنا
مہنے نیوں کیہ جاننا، میں تان سوڑھ گھیری

اوہ کیہ لاڑا ہووندا، لاواں جو نہ لے
جمدباں گڈھاں وچ بجھی، میر سنگ ترے
ویکھاں ڈمہ ولے، تان اندر جاہے اوپرا

بانہواں سجن کلاوڑے، کدھی تے مٹیار
کیکن پک پکیار، نیت گھڑے سنگ رُڑھدی

بانہواں سجن کلاوڑے، اُتے ساون چن
ہانہ میرا ڈمہ پیسدا، چکی وانگ، سجن!
میرا تیرا من، مَنول نہ لگے اوپرا

کدھی - کنڈھا

ہانہ - جی، من، دل

سیر میہر دی جھولڑی، اُتے ساون مینہ
چنگا تہتوں نینہ، گھولسی میری جیندڑی

سیر میہر دی جھولڑی، اُتے پوے تریل
کیہ کیہ ٹھنڈ ٹھریل، سجن! تیرے پیار تے

چھاتی تے مہنوال دی نار دے کھنڈے وال
جھر جھر ہوا جھنگ دی، قہر ہنیرا کال
کدھڑی تے بہاہ لال، بلدی پیار اُلا دی

میہر تکدا اگ نون، نار سکاندی وال
ساری جندڑی شال، پوری تھئے اس پور وچ

ناں ٹیکو پئے ترنگلو! رهن دیو ایہ گھور

جیہڑا مہہ لچ لٹ لئی، پیار اوہ روہی چور

پنڈے دی ہر ہوں اک میک سجن سنگ تھئی

جھنگ - جھنگی، جنگل بیلا

کدھڑی - کدھا

بہاہ - اگ

ترنگلا - تین تاریاں دا جھڑمٹ

رِس کریندی رات، جھر جھر ہوا جھنگ دی
ٹیلیاں ٹنکن من مرے، رُکدی نہیں برسات
ہانیا! اج پربھات، رُسے شالا رین توں

رج رج بھریں بھروت، تُوں نیناں نوں دید وچ
جد تائیں جیوں جوت، سوہنیئے تک سہنوال نوں

جھوہیں جد سیرا پنڈڑا، لُوں لُوں لاٹ بلے
میرے جی نوں ساڑدا، انیگیں میک ٹرے
اُتے تریل ہوے، بانہ وچ ویکھاں بھور نوں

پانی پسا سہکاؤندا، کوری ٹینڈ کوئی جیوں
میرے من نوں ایوں، توں سہکائیں ہانیا!

تیرے ہتھ سہنوال، چھیکن ساہ سریر چوون
راتیں پنڈڑے کھیچ ہوے، تیری چھوہ دے نال
بیرہ انوکھی چال، لیشکے ہور نیپڑیاں

پربھات - سویر

رین - رات

بھور - سویر

سریر - پنڈا

کتج لیا میرا ہانہ، میہرا! والان تیریاں
عمر تمانسی بیلیا! بہ تاریاں دی چھاں
کدی وی تھکان ناں، کردیاں تینوں پیار وے

میہرا! تیری ہانہ وچ، کیمڈ مہارا سکھ
کڑ لاوے نہ دکھ، تیں وچ سفنے سکھ دے

میہرا! آج مہراں، کھینڈ پُنڈ تیری جھولڑی
بھلکے میرے صاحب! خورے سڑاں کہ ناں
گھروں ہی نہ نکلاں، ڈمھ سینوں اینج نُوڑ لے

کالے گھور ہنیرڑے، آدھی رات آڈی
میں سبھ ناتے تروڑ کے، تیری ہانہ سماں
آسرتا ہائی، تیرے سنگ سریر وچ

اپنے ہتھ نوں رکھ پرے، پیڑ کرے برا جی
بجلی وانگر ویل دے، انگ چوں ہنی چڑھے
بھانوس بھور بھئے، ساہو ساہ میں سوہنیا!

کل چکتی تے چاھڑیا، کھپار کپتا تینوں
سجناں! آج سریر دا، لٹوں لٹوں کولا ایوں
ہانہ آج میرا جیوں، وس پرانے تھیویا

[جو بیجل نے]

تیں سنگ لٹوں لٹوں آہنے، مایا نون پایا
ایس سوہنے سنسار نون، چمٹن تے چایا
جدوں ونڈایا، تیں نال ساہ سریر نون

ایہہ پتہراں دی سیج، سہکے ہٹی تریل وچ
ہانہہ جیہی نہ ہیج، ہور کسے سنسار وے

کیہ ایہہ ساہ، سریر تون، کوئی شے الگ
پیارے تیری پگ، دونہاں بندھ سکے لیا

کیکن چھوڑ کے چن کوئی، چٹے چاننی جا،
کجھہ ایہو جیہا، ناتا ساہ سریر دا

ناتا ساہ سریر دا، جیس نہیں پچھاتا
پورا کسے دے پیار نون، اوس کدوں سینجھاتا؟
جیں وکھہ وکھہ جاتا، ہل ہل گھاٹا جینڈی

سجن نیڑے آ، گھل ونج سیرے ساہ وچ
رہسی کندھہ دریائے دی، تیری سہک سدا
بندہ کیہ اے؟ واع، مارا کجھہ سکندھہ وچ

ہیج - خوشی، اند

کیہ میں تیہتوں دُور رہ سکدی آن ڈتھہ نال؟
کیہ میں کوئی بھانڈڑا، میٹی جیوں مجبور
پیارے تیرا پُور رہسی سدا میڑھم وچ

پیاریا! میں تے جاگساں، لے توں ستا رھو
میںوں کُجھ نہ کہو، تیس سنگ نیند نہ آوندی

اگے نیندر گھنی اے، تیس سنگ ستوناں کیہ
چپ نہ اک پل دی، ٹلیاں ٹنک رھیاں

دہمی تھئی ہنڈولڑا، ڈکتھن وا گھلی
راتیں پل پل ٹنکدی، ٹن ٹن ٹلیاں دی
اکڑ بھن اٹھی، لے مٹیار اُباسیاں

پنچھی سیجھ سویر دے، بول پنے مہینوال
جرکا مچھئی توڑیا، اٹھ سرگھی دا جال
کیہ میں تیہتوں وکھری، دن بیتے ڈتھہ نال
ماہواں دے بھئی وال! اٹھ وچھوڑا سامنے

ہنڈولڑا - ہنڈولا

جرکا - چیتے دہم، رنگ دی اک بندے کہانی مچھئی

[جو بیجل نے]

خبر ہوئے مت لوکڑی، دل-ڈی ہنی دہکے
مُونہہ ہنیرے سُر ہواں، جد چڑی نہ چہکے
نار ہنی مہکے، سرگھی ویلے اٹھہ کئے

آئی واج بگ-یڑ دی، ون-جن دا ویلا
گونج پیا بیلا، دکھی ہويا جیہوڑا

کدی تے تر کئے آ بھلا؛ توں وی مہرے پار
مینوں ہی کیوں بخشیا، سدا لئی منجدہسار؟
مہرے پار! تیں نہیں کچھدا میل کیوں؟

سُن وے میریا بیلیا! دس جا کپڑا توں؟
اٹھہ کئے ادھی راتڑی، جیند نون تیں ول ٹھیلیا
میں سنگ کجھہ نہ میلیا، توں تاں اجے وی اڑہرا

توں جاہیں اوس پار، توڑے میری جھول وچ
اجے تاں لگیں اوپرا، توں مینوں مہار
دہر نہ تیں بین یاں سکھہ نہ تیرے کول وی

بگڑ۔ ڈھلدی رات دے ہنیرے چوں پھوٹادی پہلی سنڈیدی

کیہ میں اپنے آپ وچ، توئیں نئون پچھاتا
نیرا میرا سانولا! جگتاں دا ناتا
توئیں نون جاتا، یاں جاتا میں آپ نون

ماہی تیرے سنگ! سوہنی سوہنی تھی گئی
آوے ادھی رات نون، سُدھ نہ تیں بین رہی
ہر ہل میں وچ کُوکدی، سد سجن دی پئی
میں وچ میرا پئی، چھلان رُژن ہزار پار

اُٹھ، اُٹھ، نیندر چھوڑ وی، متاں رات وِھاوے
راتاں جوہن والیاں، بھر جھولی رج کسے
پاکے دھیر نہ دھر وے، سر میری جھولی

آمر اٹھائیں تھی، متاں وھاویں ویلیا!
اج سارے سنسار نال، جُڑیا میرا جی
دھرتی تے آکام دا، میں سنگ ناتا ای
آ میرے نال پئی، ایہ جو رس رسیاڑا

کسے وی سُن سنسار وچ، میتھوں کون امیر؟
ستاں وھاویں ویلیا! بن ندیے دا نیر
بھڑ ایوں ماہ سریر، کدھی جیوں قابو کرے

[جو بیجل نے آ

اسرت ویلا تریل وچ، بھینٹا پھیل بن
ایہ سارا سنسار جیوں، روز ازل توں کن
چُپ دے وچ سجن! ٹنکن ٹلیاں کیڈیاں

ونجنان دُور دُریڈڑے، مڑ چھوڑ کے ناتا
بَل بَل سُکی راتڑی، کسے دُھوں نہ تکیا
کیٹاں مجھتاں ویکھیا، سٹ دَہون، فجر نوں

سوچ نہ کُجھہ سکے، سوہنی اج بین سیڑھ
اوہنوں سوہنی کر گیا ندائیے تیرا نیر
دھرتی دا سبھ دِھیں تُل نہ اس منجدهار دے

بن - پنڈر

(۲)

گج گج چھٹلاں تیریاں، ہوئیاں چھیتیاں ہور
بھانویں اپنے ویر دا، دونا کرلے زور
جد تائیں ماہ دی ڈور، تتردی ویاں تار وچ
آکھ نہ سکدی سوہنیا! جو آکھنا چاھواں
ازل تـوں مہینوال دی، سٹیار سداواں
گھمٹن مہکاواں، لٹک کے سارے لوک تون
بھانویں کڑکے ڈتھ، میں تے ہاں مہینوال دی
جیہڑا میرے ساہ وچ، جس لئی میکدا چم
لاہ کے لوک بھرم، شال میلان مہینوال نون

تار - روڑھ، رمڑھاٹ

[جو بھجل نے]

۲۳۸

انتھے میرے پیکڑے، کیتا کیہڑا ساک؟
ازلاں توں میں چاک، تیرے سنگ جڑی

مونہوں جہل دریائے دے، جھٹگان کینج وگن
گھمٹن پتیریں اوس دے، سنگل بن پھرن
چھیڑن چھٹلاں اوس نوں، چیکن، شور کرن
چینہاں ساہ سجن، اوہ تاں کدی نہ ڈردیاں

ہٹ، ویکھاں اک وار کالے گھور ہنیریا!
اُبھر کے سجدہار چوں، سجن دے اوس پار
میںوں میرے یار، بوڑیا کہتے آن کے؟

تاریو کہنا جا، سوہنی ڈُہی سیڑھم وچ
آپنی اکھیں ڈُہدیاں، نہیں اسان تکیا
کالک لیا لٹکا، اوہنوں گھمٹن گھیر وچ

ادھی رات اکاس وچ، چنٹاں! چھپ گیا
میں سنگ ویر پیا، ویری جال جہان دا

کہالیں جرکا! ماس وی، پہلے سچ سنا
جل وچ میں جیہی جینڈڑی، ڈٹھی کدی بھلا
لے کے گھاٹ گھڑا، جو سہکائے سیڑھم نوں

ماس چونڈدِ یٹو لٹوہنیوں، آکھیو سچی گل
ہور کسے دے ماس وچ، شیری، ایڈی ول؟
ادھی رات دا لٹل، تیر ترے جیوں تار وچ

سُن لٹو سسارو، ہرت نہ پھیرا ہاؤنا
مارو مینوں موٹی نوں، ساہ جد تائیں آؤنا
سجّے سنگ نبھاؤنا، چھیکو کھٹسو ساہ سرے

مُول نہ مڑنا کھٹیو! کھولو وڈا مُونہ
کھوہ لٹو چندڑی نوں، مڑکے میں نہیں آؤنا

صدیاں مگروں میں جیہی، وار کے اپنے ساہ
آؤسی کوئی دربانے تے، لے کے گھاٹ گھڑا
بوڑو، وچ اتھاہ، مڑکے میں نہیں آؤنا

لکِن لگیاں لٹوہنیاں، کھیڑیا جیس دم چن
کھپتاں اُتے کڑکیا، ہانی کدھیاں بہن
سوہنی ملیا سن، مہر سنگ مہران وچ

چونڈدِ یو۔ وڈھدِ یو، چھیکدِ یو، کھوہندِ یو، (دنداں نال)

لٹوہنی۔ اک قسم دی بچھٹی، سمندری جانور

وائی

مراں نہ میں میہار یسار!
تیں یں کندھی ویکھیاں

ڈاڈا روہ دربائے دا، کال ہنیرے ہار یسار
رُڑھدے لہریں وال ویے، سہک رہیا منجدھار یسار
کوئی نہ انت اتہاہ دا، پانی تہار و تار یسار
ہنڈے نیوں دھڑکا گیا، کچا ٹٹن ہار یسار
سچھماں چمبڑن چھاتیاں، کٹھتے سچھ ہزار یسار
وج ترائیوں آوندی، ٹلیاں دی گھمکار یسار
کوئی نہ سندا آن کیے، اوہدی کوک ہکار یسار

مراں نہ میں میہار یسار!
تیں بتن کندھی ویکھیاں

روہ - کوڑ، غصہ

واٹھی

واڈھی راتیں اُلھم سُنئی، سَجنا! تیری واج
لُک کے سبھ منسار تون

مہراں وچ، دا ج وی کپھڑا دا ج
آر نہ پار کو، اوہ پانی کم سا ج
توں ہی ترڈا تار وچ، میں ہڈیاں دی کھاج

واڈھی راتیں اُلھم سُنئی، سَجنا! تیری واج
لُک کے سبھ منسار تون

وائی

مدا اساڈے ماہ وچ، سَجَن! تیری جہات
مینوں نیند نہ آوندی

گھڑا میں چایا کُچھڑے، اُتوں ادھی رات
ہون لگی آکاش تے، جھلی جیہی برسات
ویکھ کے رَوہ دریائے دا، سول نہ کھاوان مات
بھالویں جاں سونہم مچھہ دے، پُجھاں تیری وات

مدا اساڈے ماہ وچ، سَجَن! تیری جہات
مینوں نیند نہ آوندی

مچھہ - مگر مچھہ

[بیت]

(۳)

سوہنی سوچیا سیڑھم وچ، میس چھڈیا گھر بار
ادھی راتیں اٹھ کے، ڈھونڈیا کیوں میہار
ہائے پرانہ اوس پار، ٹلیاں دی ٹنکار وے

سوہنی سوچیا سیڑھم وچ دیس رہیا اندھیار
سوہنیاں کینیاں میں بیتاں، مرسی نہ مہار
ایہ ہنیرا کھچ رہیا، مینوں ول منجدمار
ہائے پرانہ اوس پار، ٹلیاں دی ٹنکار وے

ونجاں کینج اگے؟ سوہنی سوچیا سیڑھم وچ
کیتی دُور اوس پار توں، میں اروار اجے؟
اپنے گھڑے نوں گھاٹ تے کیوں نہ بہنیاں وے
سد وچ ماہواں دے، منیاں کیکن ہانیا!

[جو بیجل نے آکھیا]

۲۱۶۴

گھور ہنیرے بچلیاں، بھریا چم چمکار
سوہنی سوچیا سیرھم وچ، میں ہی ہاں منجدھار
میں ہی پہنچاں آپ نوں، میں ہی اپنا پار
میں سنگ پرلا پار، ترے پیا منجدھار وچ

بدل گھور اکاش تے، ٹلیاں دی ٹنکار
ڈب کے سوہنی تر گئی، سنگ رلی میہار
آپ کلاوے یار، لہریں رڑھدے وال ہئے

سدا کوئی منجدھار وچ، پھڑدا میس مسار
لہریں رڑھدے وال ہئے، کھیمن دا چمکار
سدا لئی اروار، تربا تار پرار نوں

واج سدا منجدھار دی، پاوے پریت کڑا
لے آوے اوس پار تے، چا کے گھاٹ گھڑا
وجدنا ٹل پیا، دُور ادائیں پار تے

مدھ متے مہران! شالا، وگدا رہیں سدا
ایس واری وی سیرھم تے، ہلے جیہے نشان
جرکان گٹیاں جان، رڑھدے وال رڑھاٹ وچ

کھیمن - بچلی

ایہہ جو سدھے پار دی، تھئے نہ پُوری
سدا ادھوری، ڈسکے پشی ستجدھار وچ

[جو بیجل نے آ

۲۴۶

سورۃ

[۱۰۱]

میں ہی بیجی آپ ہاں، میں ہی راء ڈیاچ
میرا سیمس کماچ، منگے پسیا تند وچ

کماچ - ایک طرح دا ساز، اک راگنی دا نان

[جو بیجی نے آ

۲۴۸

(۱)

سوئی سوئی تھی گیا، سوڑنہ تیرا سکھ
دھرت ولیٹھیا دکھ، توں جو ہاما پخشا

نہن منجھہ گلاب دے، کھیڑے نیں رتڑے پھل
میری تھوڑی پھل، ہسدی، نار، کھیڑے پنی

ماس وی بنیا من، سبھ کجھہ تیں سنگ مہکیا
جیوں کائی پکھی پار دا، تیرا میرا تن
وچ ہنیر گگن، مار اڈاری اڈ رہیا

منجھہ - وچ، وچکار

[بیت]

وائی

سورٹھہ! تیرا پیار

راہ خلاصی والڑا

ھے وین رائے ڈیاچ لئی، تون سارا منسار
تیں سنگ کھڈا موھنا، مایا جال ایہہ یار
تون کائی ساگر سوھن دا، تیرا سوھن اپار
ڈوہنگھانی نوں اُرائہ کرے، اکھیاں دا اِسرار
تیری موہ وچ دیوندا، شاھدی سرجن ہار

سورٹھہ - داستان دا مکھہ پاتر

رائے ڈیاچ - داستان دا پاتر

شاھدی - گواہی

(۲)

پہلے ایہہ آواز، گونجی نہ گیرنساں وچ
ہے ایہہ ونڈ وجود دی، سُر نہیں ایہہ ساز
پہلاں ایہہ انداز، نہ ڈٹھا وچ منگتیاں

کسے دے دو دو بول، گونجن وچ ہنیریاں
ادھی رات رتول، لٹش لٹش دیوا ہلے پیا

سورٹھ! ایہہ آواز، ہاں شیو دا ٹانڈ وناج
کالی رات، کماچ، پیا ہلے وچ پانیاں

سورٹھ، کیہ اینج چان چک، اُبھری اے آواز؟
ہانی دے وچ بل رہیا، صدیاں توں مڑ ساز؟
پہلاں ایہہ اعجاز، میں نہ ڈٹھا منگتیاں

اس سارے سنساں دی، مایا سدھ منی
تیس وچ تند کشی، مردیاں تائیں اوہرے
گرنار۔ جتونا گڑھ دا شہر۔ جھتے ڈیاچ دا محل سی

وائی

بہلان کینتا مئل

واریا، واریا، واریا

اج کائی گیرنار وچ، نہیں اجیہا بھئل

واریا، واریا، واریا

چارن اپنی چُپ وچ، لوک کریندے ہئل

واریا، واریا، واریا

تند رت—ولے سیس نال، تند نہ کائی تئل

واریا، واریا، واریا

سر لتھا، اسمان وچ، تھیو یا کائی تئل

واریا، واریا، واریا

میر لہم کے سُر تھیویا، بھولیا! ایہ نہ بھئل

واریا، واریا، واریا

نوری تماچی

لوک سدا سترے، کینجهر کندھڑی نوں
تازگھم تماچی جام دی

کیڈے چہلڑ چہٹ، کینجھر والی کندھڑی
سارا پدھر پٹ، کیکھٹی بھریاں کھاریاں

کیکھیاں کھاریاں جینڈڑیاں، ہانویں چہچھٹی چہج
انہاں نوں کاہدی لچ، ساڑ جینہاں نوں مہک دا

دیتے کنول بھل، جھولی بھر میں انہاں نوں
فیر توں سندا انہاں دے، رولے رہتے ہل
ابو میری بھل، ہانیا! میانی مہک رہی

پایا میں تساں تڑ دہنی، ناہ گشتی کسے گمان
آیا آیا چان چک، سچن سیجھم آسمان
مانجھر کیڈ مہان، نوری نون جین پالیا

پدھر - ہموار

پٹ - میدان

کیکھٹی - مچھی دی بو

چہچھٹی - بو والی مچھی

میانی - مچھیریاں دی وستی، سندھ وچ دریاواں دے کندھیاں تے

اجیہیاں کئی میانیاں نیں

تڑ دہنی - تڑ دا مالک (تڑ دریا دے کندھے نہاوں دی تھان)

مانجھر - سندھ دی اک جھیل

نوری - سندھی لوک داستان 'نوری جام تماچی' دی مکھ پاتر

وائی

لوک سدا سٹڑے، کینجھر کدھڑی نوں
تانگھ تماچی جام دی

پسل پسل نوری نیندروں، ابھڑواہ اٹھے
چھیچھتی لگے جھج نوں، چمے چن اٹھے کے
ھیٹھاں کیکھتی کھاریاں، اٹے تریل پوسے
جیوں اکھاں وچ آسرے، کنول کدھڑی تے
بیڑی اتر وا دی، نُوہری تے لپکے
تڑتے جد تائی تڑدھنی، آوے سیجھہ چڑھے

تانگھ تماچی جام دی
تانگھ تماچی جام دی

5444

اُٹھو ہریت پتھرو، نار آج مردی پئی
جے ایہہ اک بوجھی، صدیاں رھسن ٹھردیاں

(۱)

تک ندئیے دا نیر، رُکدا ناہیں رُکدیاں
سوگھا کیرڑ کریر، وس نہ وھن اساڈڑے

تیرے دھوندى کھڑیاں، لہکی لہر گشی
تازی چھل پئی، وس نہ وھن اساڈڑے

مہک پئی رُت یار، ٹہناں اُتے پھل کھیڑے
مُول نہ توں مٹیار، اجے تاں کل دی بالڑی

لِشکے جل دی آرسی، کھیڑدی نار ڈرٹھی
بھر مٹیار سیٹھی، پکيا سیوہ رُت دا

اکھیاں تیریاں کاسنی! مدھ بھریاں پیالیاں
نیت نیت نیرالیاں، کھٹے نشہ نہ مُول نی

کیرڑ کریر - رُکھاں دے ناں

جو بن مڈھلا دینھڑا، ساون جھڑیاں مینہ
سارا سارا دینہ، جھڑ نہ جی توں لہندڑا

جو بن مڈھلا دینھڑا، پھگن وچ جیوں پھل
سول نہ اوہدے تل، عمرا ساری سوہنیا

جو بن مڈھلا دینھڑا، آت گھٹا گھنگھور
من انوکھا مور، نچے تن سنگ تہہ وچ

جھڑیاں جھور جھکور، جو بن دینہ ملار وے
جل تھل بونداں موج وچ، من وچ نچن مور
اکھیں بدل کور، سارنگ سیرجن ساہ وچ

بندے وچ مہان، سٹنا اس سنسار دا
ھر پل جیس نوں بہالدا، ازلاں توں امکان
چھیکڑ تھی انسان، رانول روپ بنا لیا

جھور جھکور - مینہ دی مسلسل واچھڑ

کور - کٹی، ٹوٹا، پھاڑی

(۲)

میں جسے پھیرے ہتھکڑیاں، کینے ہی گتم گنل گنے
کیسے کنواری لٹھ، میتھوں موٹہ نہ موڑیا

مستی میرا ساہ، ابھر تیں ول آگیا
چھیکڑ نیہنہ نیہا، سن پیا وچ سوچ نی

کیہ ایہ دھوبی گھاٹ، ڈٹھا میں پہلاں کدی؟
کیہ اس میرے کیچ وچ، کیتی نیند اچاٹ؟
پانی دا ایہ پھاٹ، وگیا نیت وجود وچ؟

کسیڈی اپنائپ، بھوری اُس بنھبور دی
بوند سینجھاتی سپ، سپ پچھاتا بوند نوں

اڈھی کائی کونج، کیتی توں کرلاوندی
انج ای لنگھی گونج، تیں چوں ابھوری چان چک

گتم - جمی ہوئے شے

اپنائپ - آپنت

ٹیم ٹیم ٹیم ٹیم ٹیم ٹیم ٹیم ٹیم
سسے سونہن انٹوپ، بھری آری دی جھول وچ

ہیمنٹرا - جی، من، ہانمہ

[جو بیجل نے آکھو]

(۳)

لالی تیری لالناں! میرا سوہیا سن
توں ای میری پیاس وچ، توں ہی میرا تن
میں وی تیرا ون، جے چمکیں سِجھہ وانگراں

آدھی رات اوہا، سپت رشی دے سامنے
سر سر تنبو ہوت دے، جھترجھتر دکھن وا
پا نہیں پڑلاء، رستی رات رسے پٹی

تک ایہہ جن اوہا، آدھی رات بھنہبور تے
تیتی نال ون ایہہ ہرے تھنے، سبھہ وچ تیرا ساہ
مینوں جن کے ماء، تیس لئی جن گئی جام وے

تیس لئی جن گئی جام وے، مینوں جن آیل
جیں وچ اِکو پھل کھڑے، میرا من سانول
جام تاں بھلیوں بھل، بُنٹوں جیہا نہ ڈھول وے

آری - بُنٹوں دی ذات، ایتھے بُنٹوں مراد اے

پڑلاء - مڑکے آون والی واج

آیل - امپڑی، ماء، آئی

واری میں سو وار، پُنٹوں تیری پریت توں
ہنجھواں دے نال سڑھ لوان، اونٹھاں لئی سہار
انج تاں ہوت ہزار، تیں جیہا جت نہ جوہ وچ

سسی تیلک نراڑ تے، چنن دا چورا
تیرے بیناں برہمنی، پُنٹوں آن پورا
سُفنا ادھورا، اس بھورے بھنبور دا

بانہ مروڑیں توں میاں، چوڑیاں چھن چھنکن
متاں کچیاں کنگنیاں، ٹٹ کے ساکھ بھرن
گلاں لوک کرن، لچ لائی میں پُرکھیاں

پُنٹوں توں وی تاں ہنتھ، کیہڑا ہنتھ پُچھاں کوئی
نہیں کوئی وی گرتھ، میں لئی تیرے سکھ جیہا

آری، او آری، کتھوں آئیوں چان چک؟
لُوں لُوں تیں توں لالناں، واری میں واری!
دھوبیاں، وکھ ساری، تیرے کول نہ اوہری

متھار۔ اک رستی، جہدے سرے تے اک لکڑی بنھس
اے۔ ایہنوں اونٹھ دے نک وچ پادیندے نہیں

ساکھ بھرن۔ سچ ثابت کرن

[جو بھل نے آک]

مِتاں کچا قول، کیچی! میس نال تئوں کریں
تیس سنگ میرے او میاں، جمن سار دے بول
کیوں ایہہ جی دا ہوں، چھڈ جاسیں وچ چھہریاں

کپڑے دھونڈیاں میں، سدا سوچیا اے
اؤسی اؤسی جان چک، میں ول کیچی وے
اج میرے سُننے، سِنوون گھُور کے ویکھدے

اُج تاں دھوبی گھاٹ تے، کینے آھے کم
دینہ تَتے دے روگ وے، آدھی رات اُدَم
وَس کرے بسالتم، تینوون نہیں وِساربا

رانول! رات بھنہپور تے، رستی جوگیانی
آ تئوں، میں اس رات نوں، روکاں اریانی
ایہہ تک، نیسانی، بسال کے بیٹھی دیوڑا

سجَن سنگ امول، جَن مَن جوت بلے پئی
سکھیو سرگ دوار نی، یسار بلوچ دا بول
جی تھیما ہنڈول، جھولے پئی جندڑی

اریانی۔ آری جام دے خاندان دی عورت، پھول ویچن والی، سالن

سرگ۔ جنت

(۲)

اُٺھو پر بت پتھرو، اوھدے پیر چمُو
ھور نہ کرسی کو، رتڑے اپنی رت نال

اُٺھو پر بت پتھرو، اُٺھ سٹیار تھکو
اگے کچی کو، سد نہ کرسی سنج وچ

اُٺھو پر بت پتھرو، ڈبسی سچھ ٹیکی
جے سٹیار پھیری، کوئی نہ ویسی کیچ نون

اُٺھو پر بت پتھرو، نار اج مردی پئی
جے ایہہ اگ بچھی، صدیاں رھسن ٹھردیاں

تک توں تگن ہار، ایہہ جو نار سری پئی
چکٹان نال بگھیلیاں، چوونڈیا نوان شیکار
ڈری نہ سن دھڑکار، مول نہ پرتی راہ توں

ماروی

میرے وچ ملیر، میں ہاں وچ ملیر دے
وہل سکدی بس ظالما! جئے نوں زنجیر
تیرے وس سریں، میں مارو جھولڑی

ملیر - تھراکو دا اک پنڈ - ماروی دا دیس

مارو - ملیر دے رهن والے، ایتھے ماروی دے خاوند تون مراد اے

(۱)

کنڈی ساویاں سینگریاں، ہسی رتڑے پھل
اُتوں وسیا مینھڑا، بونداں موتی تل
کیہ میٹی دے مل، گھولی جیند ملیر توں

(۲)

آج نہ ولاں واس، آج نہ میٹی مینھڑا
سُکئی ساری ویٹری، ڈاھڈی تریہ اداس
توں ای نہیں فراس، کیہ اسماناں گل کریں

کنڈی - اک کنڈیالا رکھ

سینگریاں - کنڈی دیاں پھلیاں

ہسی - کری بردے لال پھل، جہنوں سندھ دے غریب لوک پھل
دے طور تے ورتدے نیں

(۴)

ایہہ نہ میرا دیس، میرا دیس ملیر وچ
ہانا لیراں ویس، سول نہ بدلاں سوہرے!

میں جو بھریا دیا چوں، کل ترھایا بک
دیویں زھر دا گھٹ، اس کارن توں کوٹ وچ

اکھیٹس اوٹ سوال، اُبھریا اسمان تے
کیس دم آوسی چان چک، ٹیہیاں وچ بھُچال
انج آساڈا حال، کد تائیں رھسی کوٹ وچ

ٹیہیاں وچ بھُچال، آونا کدی تاں چان چک
مدا نہ رھسی سوہرے! انج تاں میرا حال
تیرا خام خیال، سنگل سوگھے ظالما!

میرے وچ ملیں، میں آن وچ ملیر دے
ول سکدی بس ظالما! جٹے نوں زنجیر
تیرے وس سرین، میں بن مارو جھولڑی

[جو بیچل نے آک]

۲۷۰

(۵)

سونہن نہ ویسی سوہرے! مینڈھی دھوواں کہ ناں
ویسی سیجھم ونگراں، مڑ کے سٹک ملیں نوں

سونہن نہ ویسی سوہرے! دان تاں دیندا دکھ
موتی ورگا سکھ، اگتے توں ودھ ودھ بلے

کھیڑدا کالی دُہ پ وچ، سورج سکھی جیوں
دکھ نوں تک کے ایوں، سترس تھییاں میں سونہن وچ

جے توں آکھیں بھی، کوہجھی آھی ماروی
توں کھوڑا این سوہرے! کھوڑا وڈکا ای
دھرتی اپنی دھی، لئی سینجھان آج سونہن توں

کینیاں کوہجھیاں کوٹ وچ، کینتے کران سینگھار،
ہاں، پر کیتھوں آن سن، ایہہ جو پت پنوہار؟
کھوڑیاں چھل ہزار، مول نہ تھیسن ماروی

ونگراں - وانگر، ورگا
سترس تھییاں - ودھان پھلاں

توں بھالیں وے سورے! مہدا رہیں نون!
ہاکے سنگل کوٹ دے، کڑیاں گھت مینوں
پیراں ہیٹھاں بھون، چار دہاڑے ڈاھڈھ دی

بھالیں - سمجھیں، جانیں
بھون - بھونیں، زمین

[جو بیجل نے آکھیا]

(۶)

لعلان لشکاواں، میں نہ میر تے سومرے؛
سوانہن اماڈی سادگی، والے نہ پاواں
مونہ اُتے چاواں، لجے پیا میجھہ سامنے

میں جے گاواں سومرے! آجڑ بھردے جھال
لشکے ہنی اسمان وچ، اُتر ول بکراں
ٹیہیاں اُتے بھال، وستن مینہ ملیر تے

اُبھتے اُتر واء وچ، میں جد وی گاواں
سراں توں ہتو لٹک اڈن، تھوہتر لہکاواں
گوگل خوش خوش تھی نتچن، واواں مستاواں
پہتل نون کھیڑا دیاں، کیکر پھتل پاواں
سُر وچ سماواں، جدوں سیک سنگھار دی

بکراں۔۔ اوہ بجلی، جیہڑی شمال مشرق دے مینہ وچ لشکے

بھال۔ بھلیائی، مہر

گوگل۔ خوشبودار گوند والا اک رکھہ

کوہجھی کینج تھیاں، میں اس سُلک مایر وچ
اُتھے گہاہ وی پھٹ پوے، جیتھے پیر دھراں
میں وچ میل آے ناں، میں تاں اوہا ماروی

(٤)

تھل تون سوا نار تون، مٹھم ہذاں مکھنی
مادھانی، مکھنی، سعنی تیری ماروی

تھل تون سوا جینڈڑیاں، جیوں بوٹے بین مینہ
جیمن تتا دینہس، ایکن بلدیاں جیوڑے

مادھانی - گھاہ دی اک قسم
مکھنی - گھاہ دی اک قسم

(۸)

میں تے تھل بیناں، مول نہ تھیواں ماروی
میٹی تے مدھ چھیڑکیاں، بھتجے بھانڈا جاں
ایسکن میرا ہانہ، ٹیبیاں بن بھورے تھیا

میں ہی تھل دی ریت ہاں، میں ہی ہاں آکاس
میں وچ جل دے کیڑیاں، میں دھرتی تے سواس
جیوں ایہہ میرا ماس، میٹی دیس ملیر دی

میں ہی تریل ملیر تے، تاریاں ہیٹھاں تل
میں ہی کن من ریت تے، مینہ لئی تے ہل
تینوں کاہدی بھل، کیہ میں سوچاں سورے!

سواس - ساء

تل - تلاء

بھل - خبر، پتہ

(۹)

مارو میرے من بوج، مارو میرا داس
جتھے سیس اداس، اٹھے مہک ملیر دی

اٹھی مہک ملیر جون، سیٹی وسیا مینہ
سر کے سیرا نینہ، اگتے تون وی ڈوہنگہڑا

سرتن مگروں نار دے، وسیا مینہ ملیر
جیتھے کیتھے ماروی، گانگی، گم، گنڈھیر
سارے کیرڑ کریر، مہکے اوہدی واس نال

گانگی - اک طرح دا جنگلی پھل
گم، گنڈھیر - تھری گھاہ دیان قیسمان

جو یجیل نے آکھیا

۲۷۸

گہاتو

پہلوں سے

موت گلہ نہ یار، ڈاھڈھہ نہ سہہ تون جیوندیا!
جے تیں ساہ سریر وچ، کس ویری تے وار
تد تائیں نہیں قرار، جد تائیں ویری جوہ وچ

تکدی آدھی رات، جھپکی وی نہیں جی نئون
گھُر گھُر وچ گھر والڑے، بھٹیڑیا! تیری بات
گھاتک، تیری گھات، دکھایا سبھ دیس نئون

کنڈھے اتے جھونپڑے، گھمٹن دے کڑکار
چیتا سرے چیت وچ، بھانپڑ جیوں بھڑکار
تیڑکن دے تیڑکار، بیڑیاں سبھ لیراں تھیاں

کنڈھے اتے جھونپڑے، اتے کالی رات
ٹمکے پئی اگ وے، ہر تھان چپ چپات
سچھ دیتی جیں سات، رُوح انہاں دے بھٹکدے

اوہ جو لہو دی دھار، ہانی تے پکڑی ہوئی
چنکے پئی چیت وچ، سدا اوہدی سار
تد تائیں نہیں قرار، جد تائیں سیک سمندراں

موت گلہ نہ یار، ڈاھڈھ نہ سہ توں جیوندیا!
جے تیں ساہ سریر وچ، کر ویری تے وار
تد تائیں نہیں قرار، جد تائیں ویری جوہ وچ

شاماں ویلے ساگریس، رتے پیلے رنگ
لڑدے تھک گئے ویریاں، ہائے میرے انگ
نہیں اوہ آس اسنگ، نہ اوہ زور سریر وچ

مردے مردے سچھے، سڑ سڑ کردے وار وے
سڑ سڑ اپنے رچھے، کھائو کھتن سمندریں

ہوسن سدا جوان بنے، بندے کارن سچھے
سدا کھائو رچھے، کھتن کھلے سمندریں

مانگر آگے مورڑا، ازلاں توہے وے
اج تائیں انسان دی، جنگ لہ سکے اے
چنگا جو چاہے، چنتا بیناں جیونداں

رچھے - مچھیاں پھڑن دا جال
مانگر، مورڑا - داستان دے ہاتر

ليلا

لیلا! سو نادان، جو لیکھتے نوں سہ لوے

(۱)

لیکھم نون اپنے موڑ وے، سکدا اے انسان
ہے بندے دے وےس وچ، ازلاں تون ایمکان
لیلا! سو نادان، جو لیکھتے نون سہم لوے

لیلا - داستان دی مکھم پاتر

(۲)

آلی اگے آرسی، لیلا پا کے ہار
شیشے وچ تک چونکدی، وال اوہ پھنیر ہار
ہالے ہالے اوہدا پیار، بھورا بھورا درشنی

دھرتی تیری درشنی، کر توں آپ - سینجھان
بدیاں ائے مان، توں کیتا من اپنے

لیلا! تینوں ناہ کدی، موتیاں دا کائی موہ
ابہ تیرا ہی ڈوہ، جے توں دیرکھی ہار تے

ڈوہ - دوس

[جو یجل نے آکھ]

۲۸۶

کاپائتی

میں جاناں جو میں دیتے، پونہ پونہ ہل

ڈھیری پھول تان میں ونجاں، میتھوں گھین اُتل
میں جانا جو میں دیتے، پُونی پُونی پل
تینوں کاہدی بھل، میں کیہ سانجھیا ارٹ ناں؟

ڈھیری پھول تان میں ونجاں، تند تکڑی وچ ہا
مینوں کسرت لاء، میں نہ ہیلتی گھائیاں

سون سریکھا ہتھ وے، منگدے پئے انصاف
جے توں سچ صراف، ڈھیری پھول تان میں ونجاں

اُتل - بدلے وچ برابر توں ودھ

بھل - خبر، سار

ہیلتی - عادی ہوگئی

[جو یجھل نے آکھیا]

۲۹۰

مومل



کاک سے ہئے بن

ایم ایم ایم دیوڑے

کیڈی لمی راتڑی، کیڈا اے اندھیار
ترنگلا ناہیں ٹھکدا، کاک حدوں ہار
سامی سیجھہ اُبھار! کوئی وی نہ آسی کاک تے

گھپ ہنیرا کاک تے، باہر واٹاں چیک
کیڈا آنہ ہنیرڑا، کیڈی تاریاں لیک
ڈردی رہسی سیک، کوئی وی نہ آسی کاک تے

کیتھے ویں توں سیندھرا، مینوں سد تاں دے
ٹر گیوں چھڈ کے، کیہڑے کارن کاک وچ

ناتر! مینوں جھتل! میرے و س نہ جیوڑا
متاں تھیماں پاگل، کر لان ساہ رتول وے

ترنگلا - اسمان تے تین تاریاں دا جھڑٹ

کاک - مومل دی بھلی پان والی ماڑی

چیک - چیکڑ

لیک - لکاء

سیندھرا - لوک داستان "مومل رانو" دا اک پاتر

ناتر - "مومل رانو" دی اک پاتر

آنا اے اُس چان چک، رائے پتو پھٹے
سا کھہ تری سنجہرے، وچ لڈانے ہووسی

اوسی، اوسی، جو گڑا، سکین دُوری دُکھہ
رانا سدا سکھہ، دُکھتاں دے دن تھوڑے

سا کھہ ہونا - سچ ثابت ہونا

سنجہرے - سنجہر سویرے

لڈانا - اوہ شہر جتھے کاک محل سی

جو گڑا - جوگی

وائی

کاک تے ہئے بِلن
ٹیم ٹیم ٹیم دِبوڑے

لٹک ہراں وچ بیٹھڑے
ہکھنڈو نہاں ون
ٹیم ٹیم ٹیم دِبوڑے

وچ لڈانے گشتیاں
پاراں سنگ کترن
ٹیم ٹیم ٹیم دِبوڑے

موسل موجے ماڑیاں
شالا اوٹھہ سرن
ٹیم ٹیم ٹیم دِبوڑے

توئے چنن کھاوندے
ہور نہ کجھہ جترن
ٹیم ٹیم ٹیم دِبوڑے

تیس بن رانا! رات نون
سیانیاں پیڑ جرن
ٹیم ٹیم ٹیم دیوڑے

موکھی متارے

آخر سوکھی چوکھی ہوئی، پھٹسی جد اربہات
سوکھی نوں کاہدی مات

(۱)

جیوں ساون وِچ ڈار، تیؤں جھولن ایہہ جینڈڑیاں
موکھی! تیری سدھم وِچ، کیڈا میگھم سلاں
میرجے کیس دی سار، بھر بھر وِس دے پیا۔ڑے

رگ رگ وِس رڑھاٹ وِچ، موکھی موتی مکھم
سکيا ایتھوں چان چک، دھرتی دا سبھم دکھم
آسرت رُوہی سکھم، وِچ کوڑتَن، کیڈڑے

رگ رگ وِس رڑھاٹ وِچ، سُندرتا سنسار
ٹیم ٹیم ٹیم ڈیوڑا، کیڈا اے اندھیار
ہل دا لوک پیا، آسرتا نیڑے تھئی

جیوں کوڑتَن بہل، جینا جانن ڈاھڈھم وِچ
لِشکاون ہن جینڈڑیاں، پارس ورگے ہل
کیہ کیہ سدھم مہل، ساہ گھٹیندا نشے وِچ

ڈار۔ ڈال

موکھی۔ داستان دی مکھم پاتر، شراب پلاون والی عورت

ایہہ جو ڈوہنگھی کھڑے، بچے ہئی ہاتال وچ
اس وچ جد اچھلیندڑے، بھجسن تیرے ہڈ
اس ہل تیرے سد، بچسن کول اسمان دے

بوکھی انوکھی، رکھتے ہرکھہ پیاک دی
جیس نوں وِس دی وات تے، چس لگی چوکھی
اودھے لئی اوکھی، ڈاھڈھ نہ کائی جیہوڑے

وائی

موکھی نون کاہدی مات، چلو میاں
رتڑی تھیسی رات

مرسن چار ستارے، رھسی زھر پیاکن ذات
چلو میاں
رتڑی تھیسی رات

آخر موکھی چوکھی ہوسی، بھٹسی جد پر بہات
چلو میاں
رتڑی تھیسی رات

مدھہ کروڑیں میس، سبھاں نون، وِ مِردی لگی وات
چلو میاں
رتڑی تھیسی رات

موکھی نون کا ہدی مات، چلو میاں، موکھی نون کا ہدی مات

چلو میاں

رتڑی تھیسی رات

[جو بیجل نے اکھی]

۳۰۳

نویں شاوک
[سامی دے نار]

ڈاھڈھ مینا کے جگ تون، بندے شالا جین
تیتلی دے پنکھ تھین، سبوں لشی ہسدے دینھڑے

(۱)

ماسی! تون وی نہ سمجھیا، کیم اے ایہ سنسار،
مایا نساہیں جال وے، مایا نہ دھتکار
مایا آپرمہار، سدا سیرجے سونہن وچ

سبھہ کجھہ ہے آکار وچ، کجھہ وی نہ نیر آکار
آنہہ ہنیرے وچ دیرے، ایہ۔ آچرج اِسرار
گن تارے اسمان وچ، نیرگن وچ انسدھیار
مایا، جال نہ یار مایا ساگر سونہن دا

ایہہ جو ساگر سونہن دا، ایہدے تون انکار؟
ماسی! اپنی سوچ تے، آپے کریں وِچار
سچا اے سنسار، جوٹھہ تاں تیرے من ہیا

آپرہار۔ اہدی

آکار۔ رنگ

نیر آکار۔ بے رنگ

آچرج۔ انوکھا، عجیب

ایہ جو مایا موہ، تینوں کینج ڈراؤندی
راتیں چھاتیاں نار وے، جوٹھیاں ہونڈیاں، کہو؟
بھوریا! تیرا بھو، ڈاھڈھ اجائی جیوڑے

پتھر وچ بدھرائے نیں، اوہ جو ایلورا!
جے توں ویکھیں جیوندیا! بھو کاھدا بھورا؟
نواں نکورا، راتیں سینہ نار دا

ساری رات سگندھ وچ، کالے والاں نار
گل وچ ہانھیں ویلیاں، پوجا ورگا پیار
تینوں نیر آکار! ویراگی کیہ بخشیا؟

اس توں ودھ کاھدی ملے، سکتی تیں بندے!
بلمہ کیے انجیر جیوں، ابھرے آون جے
تے اسرت بخشے، کائی نار نہار وچ

جھکھڑ جھلیاں، اسڑیاں، ٹپ ٹپ ٹپکن جیوں
سندر ناری تیوں، آکے لتھی سیج تے

سندر ناری سیج تے، مایا نہ سامی!
آسا اڈامی، ساکھیوں، ولتے مکھیاں

نہار۔ نگاہ
اڈامی - آڈکے

[جو بیچل نے آکھیا]

گوری سُستی سیج تے، رتدی رہی رات
پیارے سنگ پر بہات، جُوٹھ نہ ہوندی جو گیا!

مایا ناہیں چھل، جے سمجھیں منسار نون
تک توں کیس دے پیار وچ، چیت کرہیں چنچل
پورن ہر اک پل، لگدا اپنے آپ وچ

سامی! جیوتن جس، ناہیں کائی 'نہ' وچ
کام دیو دے سینگھ تے، ما کھیوں مکھی پس
بندے دے کیہ وّس، جوگی بہاتھا سوہ وچ

آیا پھگن مساس، چمپا کھیڑیا، ٹہنیاں
سیکتے پیا مسگندہم نون، سامی! میرا سواس
تجیا میں بنواس، مہمہ کجھہم اس منسار وچ

رتدی۔ رتدی، ڈھلدی

کام دیو دے سینگھ۔ ہندو دیو مالا موجب کام دیو دا اک
سینگھ (کمان) تے پنج تیر ہوندے نیں۔ کمان تے ما کھیوں
دیاں مکھیاں دی قطار بیٹھی ہوندی اے تے تیراں دیاں ڈنڈیاں
آتے کنول پھول ہوندے نون۔

مساس۔ مہینہ

سواس۔ ماہ

ہائل ہائی رادھکا، چہم چہم آوے جے
کٹوکے بن وچ ہتوہٹے، کوئل کدم تے
سکتی نہیں اُتے، کائی اس تون جوگیا!

جل مندر جیوں جیندڑی، دیوے دیوے پیار
ویراگی ویراگ وچ، انج دا کتھہ اسرار
ڈاھڈا آنہم ادھیار، تیاگی! تیرے تیاگ وچ

تیناں میرگھہ لیا لئی، سیرکے اُتے سیج
کتھے ایڈی ہیج، تیاگی! تیرے تیاگ وچ

کدم - اک ون، جیہدا ہندی شاعری وچ بار بار ذکر آیا ا

[جو بیجل آکھیا]

(۲)

ماسی! اس منسار وچ، ایہ بندے دا من
پاوے بندہ پیار وچ، اپنا آتم۔ دہن
پیار پیناں پورن، کوئی نہ ہووے جوگیا!

مڑ مڑ اکھیٹں کھول میں، رات ڈلھا آکاس
ہر شے اس منسار وچ، تھی ولجنی اے ناس
بندہ کیہ اے؟ ماس، ول ایہ جیون دینھترا

مایا مدہم بھری، ماسی! وس ویراگ وچ
ویراگی! مڑنی نہیں، جیہڑی گئی گھڑی
مڑ کیس مڑنا ای، ول ایہ جیون دینھترا

اجائی - بے کار، فضول

ہے اجائی انت تے، اپنی اداسی
ہر شے اس سنسار وچ، ہوندی اپنسی
بیٹی منگ بیٹی تھیٹا، سُر کے ہر ماسی
وَل سو جو واسی، اپنی سُرَت سگندھم دا

بیٹی وچ وشال، سُر کے تھی گئی جیندڑی
اس ڈوہنگھے آکاس وِچ، جس دا انت نہ کال
کتیں دے کھٹمال، بیٹی بیخشی موت نوں

اپنسی - ناس نہ ہون والی

ماسی - ماہ لین والا، انسان

وِشال - وسیع

کھٹمال - گل وچ پاون والا ہار، کنٹھا

(۳)

غربت، باغ بہار؟، مینگھے! تیری مت موئی
دکھتاں ہارے دیس توں، ویراگی! انکار؟
بڈھڑے بوجھنہار، کٹوک مئی نہ دیس دی

ایس بکایل مائے دے، تھناں اُتے بال
کیہ ایہہ بال مشوم وی، کائی مایا جال؟
اینہوں اکھیوں نال، کینج گیا توں جوگیا؟

گل سُن وے ویدانتی! اس توں وی انکار؟
بندے دا بندے اُتے، ایہہ جو ہتیا چار
مایا جال اے ہار؟، جے میں سنگلیں ٹوڑیا

کیہ ایہہ ڈاھڈے دیس دے، دھرتی دے دھڑوبل
جو بندے دی رت نال، کردے تیل پھیل
سبھ اینہاں دے کھیل، اوہ جو نیرگن 'نہ' وچ؟

شربت باغ بہار - سامی موجب، غریبی گل گلزار ہوندی اے۔
مینگھا (سامی) آکھدا اے کہ جگ وچ ایس توں ودھ کوئی کھیتی نہیں
ہتیاچار - ظلم، ڈاھڈہ

(۲)

ایتھے آ، اس جا، سبھہ کُجھہ ایسے لوک وچ
ہرستڑے! ہرلوک لئی، بیٹھہ نہ ویل ونجا
دل ایہدے نال لاء، جوٹھہ نہ ہوندی جیندڑی

کن پائے، کن چیر، انگ بہہوئی جوگیاں
ہکو جیہے سبھہ تیاگیا! مٹلاں، ہنڈت، پیر
سادھو سنت، فقیر، جل تھل کینتے جیوڑے

سائی! جندڑی بندیاں، سسدا لئی سنگرام،
کوڑ کدی وی سچ اون، دیسی نہ ویرام،
ناہیں کوئی نام، جیس وچ جگ سماٹیا،

سچئی مکنی میل وچ، بخشیندا ابوہ،
آندھیارا اندوہ، تیاگی! تیرے تیاگ وچ،

ہرستڑا - ہوراں دی مت تے چلن والا
ویل - ویلا

ڈاھڑھ مٹا کے جگ توں، بندے شالا جین
تیتلی دے ہنکھہ تھین، سبھ لئی ہسدے دینہڑے

سامی! وڈا ایس توں، نہیں کائی انترگیان
بناں کسے بھگوان دے، اتم اے انسان
ہندہ کیڈ نہان، آپ اپنا بھگوان اے

(۵)

سوراں اوہ منسار، سچا اے جو سونہن وِچ
جیس دا آلت نہ آد اے، جس دا آر نہ ہار
جیں وِچ ایہہ جنسار، مر کے ایت آس تھئے

ماسی! اس جگ وانگراں، نہیں کائی ستگر
کائیک ہیناں گونج وِچ، ہے اک آدی سُر
سُن کے تان مدہر، جھوسے ہی جیندڑی

ماسی! ایہہ منسار اے، گوالے بین گوکل
اپنی مدہر تان وِچ، جھوم رہے جل تھل
جمنا ساری جل، کون تکیندا کندھیوں؟

کسے نہ جوڑے جوڑ، جوگی! ایس جہان دے
کنول آپسے کھیڑ پیا، پہنچیا اپنے توڑ
جل دا جی ولوڑ، کیہ جاناں کیہن تھیا؟

جینسار۔ ساہ لین والی ہر مخلوق

وِ لوڑ۔ ددہ دا رِڑکن، ایتھے دریا وِچ ہانی دا ولوڑن مراد اے

[جو بیجل نے آکھیا]

ایہہ جو آگم گیان، ساسی! توں سوچیں پیا
اودھی پہنچ نہ پہنچسی، کدی کوئی انسان
آگم توں آگتے آگم، ہردم ہے امکان
حیرت وچ حیران، جسی سدائیں جگ وچ

لجو بیجل نے آکھیا

۳۱۶

رہے ملے بیت

سائیں ہنشیہیں حوصلہ، آڈی سہیں دہراں
چارن! تیرے چنگ وچ، کائی اگ بہراں
مڑ میں آج کراں، سیر دی صدا سیندھم وچ

بھٹائی نوں

جڑھاں تیرے جی دیاں، دہرتی وچ ہزار
آجڑیاں دا پیار، کھیڑیا تیریاں ٹہنیاں

تیں مگروں میں سیندھڑی، دو سو سال ڈٹھی
چھڈ کے مدھم سیٹھی، کوڑی آندی کیف وچ

آج نہ سیٹی مینہٹرا، نہ کائی سیندھم سکار
لیسی کون آج آن کے، سنگھاراں دی سار
کیذا انہ اندھیاں ڈاھڈھیاں آندا دیس وچ

سائیں بخشیں حوصلہ، آڈی سیس دھراں
چارن! تیرے چنگ وچ، کائی اگ بہراں
سڑ میں آج کراں، سیر دی صدا سندھم وچ

*

جے تُوں سِرچن ہار، جی انوکھا جگ وچ
وار کئے آہنی جیندڑی، جوڑ اوہو جینسار
تس مگروں سنسار، سرس تھییا کجھہ سونہن وچ

اڈ کالی دے سکھ تے، تیتلی اٹھی جیوں
توں وی تاں این ایوں، کلا دے کارن جندڑی!

ہوندا انت اتھا، ساگر تیرے سونہن دا
اکھیں نہیں ویاہ، بوتی تکتے مٹھہ وچ

*

اُنج تاں میری جیندڑی، کیشی اُتے کونج
گُراڑ جیہی میں گونج، جیس دم دہرتی دکھ-وج

مینوں ہی اس دیس وج، مدد خان کٹھیا
رَت دا مینم اُٹھیا، سارا میرے ساہ تے

کیتندی کیتندی پیڑ، اُبھری میرے گیت نال
کیتدی کٹھی بھیڑ، میرے ساہ وج کٹوکدی

کیتندی - کيس دی

مدد خان - احمد شاہ ابدالی دے زمانے مندم آتے اک حملہ آور

سارترے

ایتھے جمدوں سارترے! تھی سندھی اولاد
چُنْدوں سیرے وانگراں، سوچ کے ہستی واد
ہل ہل تینوں یاد، دُدمہ امبڑی دا آوندا

لہندے چڑھدے والیا! سُول نہ تھیسی مٹ
اٹل آزادی دئے، خوب چلائے ہٹ
ایتھے جھنگتا چٹ، آزادی دے ناؤں تے

سوچ رہیاں میں سارترے! اچا سو انسان
بہ کے جیہڑا اگ نال، آپ کرے اِشنان
گورؤوا! تیرا گیان، نیریاں ستیسی لوک نوں

مٹ - تُل، برابر

اٹل - بدلے وچ، برابر توں ودھ

*

شالا کدی سینجھائیو، میرا ایہہ ایمان
اول وی انسان اے، آخر وی انسان
باقی سبہہ زندان، کھٹلا بس ایہہ آدمی

سیندھو تے جد ہالیا! جل دیوے جھپکن
سُفنے میرے ساہ وچ، چھٹلاں جیوں لپکن
کوک انوکھے تن، جھپ نہ دیوے جیوڑے

سُفنے میرے ساہ وچ، جیوں کائی ستا مور
کارونجھر دی کور، جتیں لئی آساں ہالدی

جھپ - جھپکی (نیمندر دی)
کارونجھر - تھر دا مشہور پہاڑ
کور - کٹنی، گٹھہ

*

دہرتی میرے دیس دی، ڈاھڑھے دکھہ ڈرٹھے
کینے یار میٹھے، وارے اوھدے جنگ وچ

دہرتی میرے دیس دی، جھٹلی کیڈی پیڑ
کینے سُرے ویر، وارے اوھدے جنگ وچ

ہیکو سچ اسول، میں تہانوں بخشیا
سول نہ ہوندا ماروؤ! ڈھٹ جیہا کائی ڈھول
کائی بول سیول، اس توں ودھہ نہ پیاریو!

تیلی ہرڑے سینہ وچ، بھج ہوندے جیہکن
آزادی ایکن، دکھہ نہ دکھتاں وانگراں

چارن اپنے چنگ نون

پياس نہ بوجھتی تند نال، اج ہے انت پيال
میرا جی جیال، چارن اپنے چنگ نال!

رات وکاویں رات، گئی جیون دینھڑے
کائر کوی دیس دے، لٹوٹھی جیہناں دی لات
موت نہ تیری مات، جیت اگے مڑ سچ دی

جے توں ڈٹھا دیس وچ، اتھا تھی آنیا
توں وی میرے لیکھڑے، انیائے دا بہا
تیرا سہج سبھاء، ڈھاء انوکھی ڈاھڑھ دی

پيال - پلاء

لٹوٹھی - بے حیا، بے شرم، کنگال

لات - پنچھیاں دا گاؤن - ایتھے شاعران دہاں لیکھتاں مراد نیں

انیاء - بے انصافی

ڈھاء - سہارا، تسلی

چارن تیرے چنگ نال، بہاہ سچائی بیت
سیس، کھاڑیاں، کھیت، کیہ کیہ ٹٹنکے چیت وچ

ایہہ جو پھل گیرنار دے، ٹہناں چ اگ سماء
ہیکو سیر نال کیہ کوئی، در در کرے صدا
انج دا رنگ رچاء، دیس تمامی دان دئے

چارن تیرے چنگ وچ، پیڑھیاں دا پڑلاء
اس د'کھیارے دیس دے، ڈوہنگھے پیڑت گھاء
سارے تتے تاء، سبھناں پیریں چھالڑے

چارن تیرے چنگ وچ، صدیاں دی کڑلاٹ
ادھی دے دھڑکاٹ، راتیں، لٹیاں نیندراں

چارن تیرے چنگ نال، کھیمن دے چمکار
سدا ساون مینہ جیویں، وستن تار و تار
سُر وی تیں لئی یارا! پیاس اسادی بل رہی

تیری دوت نہ دوت، جے توں سُر لئی میر دئیں
فانی، تھیندے فوت، آسرتوں تاں راگیا!

پیڑت - پیڑ بھرے

ادھی - ادھی رات

..... جیوں تارے آسمان

ساتھی میرے سیکھ دے، چھانن پہل پہن
دوروں دستان دکھ وچ، مٹول نہ آنن من
میں ہی تستا تن، میں ہی اپنا ہندھ وے

میں کلا، آسمان توں، اچٹی اے دیوار
ابھرے میرے گیت توں، شاید اپڑے ہار
مڑ وی کٹوک پکار، ڈرے پٹی ست ڈاھڑھ توں

دھرتی سینوں دھیر دے، میری بھیتن نہ بہاء
پرہتا رل کے سینکڑے، مڑ آیا ہاں ماء!
پتھر وچ پڑاے، کیہ جاناں کد تک رہے؟

جے توں سد سگندھم دی

جے توں سد سگندھم دی، ٹہنی ٹہنی ٹیڑ
ہائے توں اینج نہ کھیڑ، ہانہ اپنے وچ کایاں

جے توں سد سگندھم دی، ایہم موکھی دے وٹ
پہلاں میر دی مٹ، سڑ سیرے دیاں سرکیاں

جے توں سد سگندھم دی، پھول اساڈا پھٹ
سول نہ اوہدا مٹ، کائی پھل گلاب دا

ٹیڑ - کھیڑ

موکھی - شراب پلاون والی عورت۔ لوک داستان "موکھی متارا" دی پا

وٹ - تل، برابر، بدلے

[جو بیچل نے آکھیا]

لومبیا دا دیس

[کراچی دے ہیک اردو شاعر نوں]

ویر تاں مویا جھولڑی، تینوں نہیں دیا
لومبیا دے دیس تے، گیت لکھے توں، ہا
کیوں جے کائی ناہ، اس وچ جوکھم جان دا

دکھ وچ، تیری مہر نوں، سیکھے تیرا بھاء
کوڑی تیری شاعری، تینوں نہیں حیا
کانگو دا سودا، وچ کراچی توں کریں

نیت بگھیلے چوونڈدے، انساناں دا ماس
تیرے ڈھڈھ دا سول، پر، افریقہ دا قیاس
کیڈا پھریں اداس، دور دراڈے دیس لئی

دور دراڈے دیس لئی، مہر بھری بولی
کیوں جے تیہتوں دور ہے، شوبے دی گولی
توں صدقے گھولی، پیڑ پرائے دیس تے

میں لومبا آپ ہاں، سُولی اُتے سچ
بہتجیں مہتھوں بچ، تینوں سیر دی سوچ وے

میں لومبا آپ ہاں، تے اوہ میرا بہاء
آجھے جس دی بیڑ دا، سیرے وچ ہڑلاء
ویکھ میں اوہدے گہاء، رت دے ہنجھو کیردا

آج ایہ میرا گیت، جو ڈھونڈھ رہیا زندان
کانگو دا ارمان، اوہدے لئی نہیں اوہرا

کراچی دے گھمن گھیر

ڈیزل، دھواں بس دا، چن، کراچی رات
رکشا روکے وبشیا، سوچے گاہک گھات
کیفے... شاعر... بات، کافی کوپ، مشاعرہ

مزدوران میل باہریں، کیتی اے ہڑتال
مینہ جیوں وسیاں لٹھیاں، کیتی دھرتی لال
کرکے کجھہ سوال، مینوں گھورے گورکی

مینوں گھورے گورکی، چھوڑے سڑانج بات
”صدقہ دے گیا بھٹک نوں، دے کے دانا دات
کیہ کیہ چمکے سیجھہ جاں، کٹنی کالی رات
پر جتیں کھاہدی مات، لشکے جگ دی جیت وچ“

”لشکیں جگ دی جیت وچ، کر اجیہی بات
دکھہ ونڈائے دیس دے، تیری دکھتی دات
ہور تاں جیت وی مات، چارن تیرے چنگ دی“

اکھیاں رکتیاں جتلم جیوں، سوچ رہیا کجھہ سیٹھہ
کیہ پیا دے ہیٹھہ، وِسکی وچ گلاس دے

گورکی - روس دا مہان لکھاری

[بیت]

وِسکی وچ گلاس دے، سیٹا، سودا، ریس،
بھجیا پھردا کاهلڑا، بتیرا ہانسدر وِس،
آکھے کڈھدا کھیس، 'سوڈا آناں سیٹھ جی؟'

وِسکی وچ گلاس دے، کالے دھن دا ڈھیر
کُوڑے کیس، عدالتاں، نال وھاریاں وِس
وڈھی، ات ہنیر، بھریاں نوٹاں تھیلاں

وِسکی وچ گلاس دے، کائی سندر نار
آئی اُس دی کار وچ، بہم کے وچ بزار
سنگدی سو دو چار، پینجیں سودا تھی گیا

اٹھ او کتے نیپٹر! اپنیاں پیڑھیاں تک
تینوں شابس لکھ، کینے کالے جن گیا

نیپٹر - ۱۸۴۳ع وچ اوہنے سندھ، سندھیاں کولوں کھوہیا سی
نیپٹر روڈ - جسماں دے کاروبار دا مشہور اڈہ اے

جھیل جھیل شام، بندے سائے موت دے
اندر ہری ایلفی، لمی چنے لام
دین روز ہشام، شیشے ہر شو کیس دے

بھٹکن پٹے سبھہ بھیرڈ وچ، کئی کلتے انسان
جڑھاں کپ کے جی دیاں، اوہ سبھے نادان
تکیں آ طوفان، واء وچ ککھہ اڈاؤنرے

ڈیزل دھواں بس دا، چن کراچی رات
رکشا روکے ویشیا، سوچے گاہک گہات
کیفے... شاعر... بات، کافی کوپ، مشاعرہ

میں دسداہاں، بھولیں تے، اج وی اوہ انسان
اُبھر کے آؤسن بھلک نال، سوہنے سیجھہ سمان
ناہیں کجھہ گمان، نہ کوئی شک اس گل وچ

ایلفی - آلفینسٹن سٹریٹ، کراچی دا اک ات سوہنا بزار

ہشام - لوکاں دی سنگھنی بھیرڈ

رتڑے گبھرو سندھ دے! تون ای سیرا خواب
تون ہی آپ جواب، صدیاں دے سوال دا

[جو بیچل نے اکھیا]

۳۳۶

ڈھادی رات نم رھندی راول!
[نثری ترجمے]

سندھم!
سیرے مرن مگروں
جے کوئی وی،
دل دا راج بچاون لئی جان دے سکیا
تاں اوس نال پیار ضرور کریں
جے تون کر سکین...

*

میں،
ایہو پڑھیا
کہ،
شاہ لطیف
اپنا سارا کلام،
کراڑ ڈھن وچ روڑھم دیتا ہا...
تاں جے،
لوک،
اوهنوں پڑھم کہے سمجھہ نہ لیتن

میں،
اوهنوں آکھہ رہیا
”بیرے مرشد!
اپنے اس گستاخ سرید دی
ہمت تاں تک
ہمت تاں تک...“

*

توں آکھدا،
'میں تیرا بیہرا ...
ادھی روٹی دے مینوں،
میں اپنے بھولپن وچ
چنگیر ودھا دیندا
تیس ولتے،
تے توں ساری چنگیر کھوہ لیندا،
میتھوں ...

توں آکھدا،
'میں تیرا بیہرا
مینوں ادھی پیالی پانی دے،
میں پیالی ودھا دیندا
تیس ولتے،
تے توں میتھوں کھوہ لیندا،
پوری پیالی

توں ڈاڈھا ...
ایسے کارن میری سکھنی چنگیر تے پیالی وی،

[جو بیچل نے آکھیا]

نہ موڑدا
تے سیں سوچ رہیا
اج،
کہ دشمنی،
بہرپن دے احرام وچ آکے
دل دا کعبہ ڈھاہ دیندی ...

*

تھل دے،
کسے وی پھول اندر
ایہو جیہا رنگ ہوندا
تے اوہدے،
کسے کسے بوٹے وچ،
ایہو جیہی سہکار ہوندی
جیہڑی،
دنیا دے کسے ہور باغ وچ نہ لبھدی ...

میں سمجھ نہ سکدا
جے توں،
شاعر دے سندھی ہون توں
اہمیت دین توں
نہ کیوں کردا ...؟

*

یاد رکھنا،
مندھم وچ سیرے سرن مگروں
جے،
کسے ہور دے شعر جیوندے رہے
تاں اوہ،
انج اُسرے ہوسن
جیویں،
کماند دی اک فصل،
کہن مگروں،
دو جی فصل،
اوهدی جڑ نال
آپ اُسرن لگدی ...

*

کسے ویلے،
ایسہ دھرتی،
شاعر دے پوٹر لہو نال رنگی آہی
تے،
چار چوفیرے
اوهدے،
وحشی وطنی
اُنتی دے چن دے ہنیرے وچ،
نچدے آہے
تے اوہناں دیاں اکھییاں
سُکے کیکرالے ڈھنگراں وانگر بلیاں ...
تے،
جیبہاں اوہناں دیاں،
لاٹاں بن،
بھڑکیاں
تے دنیا تچ کے بیٹھا کوئی
نیلوفری آسمان دی نانوین پرت تے،
اپنی مجبوری ویکھ، رو پیا ہا ...
تے اوهدے ہنچھو

[جو ییجل نے آکھ

۳۱۴

ایس ہوتتر لہو تے،
تریل دے تپکے بن کیرے سن

اج،
اوتھے،
لہو دا کوئی داغ نہ،
تے اوس تے،
اُسے،
گل مسر دے رکھہ نال
اک نیکڑا جیہا بال
نچدا،
اوهدے بھل توڑ رہیا ...

*

ماون،
دیاں شاماں وچ،
مکلی تے،
کوئی کھوجی
کاشی دی،
نیلی اٹ تے کجھہ پڑھ رہیا

جان چک،
بجلی لیشکن لگدی
تے،
نیلا اسمان،
ہاسے وچ
لوٹ پوٹ ہون لگ جاندا...

مکلی - سندھ دا اک تاریخی قبرستان

*

ایہہ
اشوک دا اسٹوپہ
اڈول
انگلی،
اشارہ کر رہی
اسمان ول
کہ،
اوہ تاں بولا،
تے
دھرتی دی ستد
نہیں سُن سکدا۔۔۔

*

کسے،
وی،
پیار گیت تے،
فحاشی دا دوش
انج،
جیویں،
انارکلی دی موت ...

*

تیرے مگروں،
تیری یاد،
انج،
جیویں،
وڈھے ہوئے کھیت اندر
تھیبتیاں ...

تھیبتیاں - فصل وڈھے جاون مگروں، دھرتی وچ رہ جاون والے

[جو بیچل نے آ

*

ہوہ دا چن،
گوداوری دے ٹھنڈے سیرھ تے،
لشک رہیا ...
تے پانی تے گھائل ریشماں
انج تڑپ رہیاں
جیوں ستار وچ سنگیت،
جیوں،
تیس سنگ بیتیاں گھڑیاں دی،
جھنجھنی سریر وچ ...
توں میرے لئی
کینیاں نویاں تشبیہاں لے آوندا
شابد توں،
سیری حیاتی وچ
ادھورا گیت،
ہورا کرن آوندا ...

ہر

گوداوری - ہندوستان دا اک دریا

[نثری ترجمے]

جے
میرا ادھورا گیت،
پورا ہو وی جاندا
تاں وی،
کیہ لبھدا—؟

توں،
تاں آپ
اک مدہر گیت ...

*

او نربدا دے پانی!
تیرے وچ
روپ مٹی تردی آھی
تے
باز بہادر وی
اج،
دونہاں دی
بس کہانی ہی سنی جائدی...

کیہ پیار
امر نہ ہوندا؟
کیہ پیار دی
بس کہانی ہی رہ جائدی...؟

کیہ ہن،
کدی وی
توں روپ مٹی تے باز بہادر نوں
اپنے گھاٹ تے
ویکھدا.....؟

*

تیرے ہونٹھے،
اُبھر آوندے میرے ول،
ساون وچ
سیپ وانگ ...

تے جھٹک جاندا
اوہناں تے
میرا،
بھریا من
ڈوہنگھا،
کالا،

گھنگھور گھٹا وانگ ...

*

نہ خیام،
اپنی رباعی جیسا بدست
تے نہ،
زیب النساء، مخفی دی غزل
اودھے وانگر
کنواری ...
شاعری دی پرکھہ ہور گل اے
تے شاعر دا گیان،
اصلوں، ہور گل ...

*

گوٹھے دا اک کردار آکھدا
"شر! میرا خیر بن جا"
تے میں آکھہ رہیا
"خیر! میرا شر تھی ونج"

*

فنکار
کسے وی سماج دا،
ذمے وار نہیں....
اوس توں سوا،
جو،
اوهدیاں سوچاں وچ ہوندا....

بھل دی مہک
کسے دی،
ذمے وار نہیں
بہنبہور دی،
باس توں وکھہ....

مور نچدا نہیں،
کسے لئی وی
گھنگھور گھٹا توں سوا....

[جو بیچل نے آکھیا]

تھے ،
گاوندا نہ ویکھیا کسے ،
کوئی وی ،
آزاد پنچھی
چڑیا گھر واسطے

*

سقراط،
زھر پیتا ھا،
ترامے دی جس پیالی وچ،
اوہنوں بہن کے،
اوہدے ٹوٹے،
میں،
ہم دے گولے وچ بھر رہیا
تاں جے
زھر نہ پینا ہوے
ہور
کسے سقراط اوں

*

کینا چنگا ہوندا،
جے میرے ہتھ وچ مشین گن ہوندا
تے میں،
وکھا دیندا تینوں،
کہ آزاد بندے
ظلم تے ڈاھڈھ دا جواب کیکن دیندے

ہر،
میرے تاں ہتھ وچ،
بس ایہو قلم
تے ایس توں وکھ،
ہور کوئی راہ نہ،
کہ میں،
ایسے قلم توں
مشین گن دا کم لواں....

*

جے ،
شکسپیئر نے ،
چچ دی حیاتی پڑھی ہوندی
تاں اوہدے تے ،
اپنا سبھ توں جنگا ڈرامہ
لکھ سکدا

پر افسوس
کہ ،
نہ تاں شکسپیئر مندھہ دی تواریخ پڑھی
تے نہ ہی ،
چچ ،
انگلستان وچ جمیا

مندھہ دے راجہ رائے سہاسی دا وزیر سی سہاسی دی رانی نال
کے اوہنی دھوکے نال راجے نوں اپنے راہ چوں ہٹایا تے اوہد
راج گدی سانہہ بیٹھا

لجو بیجل نے آکھن

۳۵۸

*

رات،
دانتے،
بہجدا بہجدا جنت دی کندھ،
ٹپ جاندا
تے دوزخ دیاں لاٹاں وچ جا،
ساہ کڈھدا ...
تے اوہناں چوں،
مونہ باہر کڈھ،
جنت دی کندھ اُتوں دِسدے فرشتیاں نوں،
آکھدا ...

”میں جنت وچ
تے،
سیرے کردار دوزخ وچ،
ایہ نہیں ہو سکدا! ...“

*

میرے دوست،
بس بدل ہی تاں ہین
جیہڑے،
جدوں اپنی آئی تے آوندے
تاں
ڈوب مر بندے
تینوں....

*

تیرا کیردار،
تیری تقدیر،
جے،
توں حیاتی دے،
اس چکلے اندر
اپنی عصمت بچا لیندا
تاں،
تینوں،
وچ بزاراں،
نگا کیتا جاندا....

[جو بیچل نے آکھیا]

*

جے،
میں سرمد ہوندا
تاں قطب مینار دی چوٹی تے،
اہڑ کئے،
نگارا و جاندا
تے آکھدا،
جگا کئے،
لیندر وچ گتے لوکاں نوں
'ویکھو باہر آکے
حویلیاں تے حجریاں توں،
بدلاں چوں نکلدا چن کیڈا سوہنا دِسدا ...

تے جے ایس لئی میں،
باریا جاندا
اورنگ زیب دے ہتھوں
تاں مَنکھہ نہ ہوندا کائی
میںوں،

ننگیائی، ریت ہوندی

ہے عیب لوکاں دی
ہر
دو رباعیاں آکھن تے،
سیر نیوانا جلا دے ماسنے
جیون نوں مستیاں ویچن جیہا...

*

جنت وچ ،
کوئر دی کندھی تے
جون آف آرک بیٹھی
تے ندی ول ویکھ رہی
جان چک اوہ ،
قرة العين طاہرہ دا پرچھاواں
جھولدا، ویکھدی چھٹلاں وچ
تے
مولہ اوہدے ول کرکے ،
آکھدی
”ایہہ جنت ،
پہل ساڈی شہادت دا
ہر
میں نہیں ویکھی
اوہ جنت ،
جیہڑی کسے گبھرو دی سگھڑ چھاتی تے
سر دھر کے ،
اوہدے کمنڈل والاں وچ ،
ہتھ پھیردیاں ملدی...“

توں تاں تکیاں نیں،

دونویں جنتاں،

دس،

کیہڑی بہوں چنگی

دونہاں چوں ...

*

لینکن،
لینن،
لوک واد،
سماج واد،
زندہ باد،
مردہ باد،
تے مینوں ایہہ ڈر
کہ میری نیکڑی دھی
جیہڑی،
لاؤن روئی کھاندی ہئی
چان چک،
کسے ہم نال اڈ نہ ونجے
تے،
اوہدے پنڈے دے ٹوئے
اوہدے لاون وچ
نہ آ ڈِگن ...

*

توں،

میتھوں پچھ رہیا
'کیہ دھریہ توں؟'

تے میں،

اس رنگ برنگے کیڑے ول
جو ساڈے،
موتیئے دے گملے اندر
ٹہنی تے چڑھدا ہیا،
ویکھ رہیا پیار نال ...

شاید توں سمجھ سکین
کہ

ایہہ تکنی میری
تیرے سوال دا جواب ...

*

چن اُبالے کھااندا پیا
جیہدے اندر
سیرے ماس دی بوئی بوئی رِجھدی ہئی
تے
تاریاں اُتے چینگاں کھیڑ گیاں ...
اے راگ دی رت،
ورنا دیوتا!
توں بھٹکھا رہیا ایں
دو صدیاں توں
آ
تے قبول کر
سیری قربانی نوں ...

*

سندھم !

میں سیزر نہیں

تے نہ توں

قلو پطرہ

پر فیر وی ساڈے دونہاں دا پیار

دل دے راج کارن ...

تے میرے مرن مگروں،

جے کوئی وی،

دل دا راج پچاؤن لئی

جان دے سکیا

تاں اوس نال پیار ضرور کریں

جے توں کرسکیں ...

*

قوم دا کردار
ہیک
بے معنی اکھتر،
جیہڑی قوم،
روسو نوں جنم دیندی
اوہو،
قتلام وی کر سگدی،
الجیریا وچ ...

*

میرا قاتل،
میرے قتل توں،
کینا چیر مگروں،
میری قبر دے پتھر تے،
کجھ لکھدا رہیا...
”اس دا قتل ظاہر کردا
کہ،

سارے شہر وچ
بس، ایہو اک اجیہا پتھر
جیہڑا نہ ہوسکيا
پانی...“

اگ دیاں پیلوں
جیل دی نوٹ بک چوں
(تاثر)

نیکے نیکے ایہہ شاعرانہ تاثر، جیل وچ شاعر
دے مطالعے تے مشاہدے دا سہیٹا نیں۔ کجھ
پڑھدیاں ہویاں کئی وار شاعر اپنی نوٹ بک
وچ جو کجھ نقل کردا مگروں اوہ شاعرانہ
تاثر دا روپ دھار لیندا پر اجیہے 'تاثر' بہت
گھٹ نیں۔ بہتیاں نظاماں شاعر دے اپنے خیالات
دیاں ترجمان نیں۔

احمد سلیم

*

بھٹائی !
نہ توں کنفیوشس
تے ،
نہ میں ماؤزے تنگ
سندھڑی دے اوتار!
میں ،
تیری اوتاری اگے
اچے تائیں
متھا ٹیکیا ہويا ...

*

توں مینوں مڑ مڑ آکھدا
کہ میں،
اپنے گیتاں دے سُونہہ توں،
چادر ہٹاواں
چنگا، تاں ویکھو، جے توں،
ویکھ سکدا ...

اوهناں دیاں تن اکھاں
ستھے تے چندرماں دا ٹیکہ
تے والاں چوں سندھو وگدی
میر تے کالے سپ شو کدے
تے گل وچ،
کھوپڑیاں دی مالا ...
میں اوهناں نوں تباہی دا
دیوتا بناوندا ...

پرا
اک دینہہ
اجیہا ضرور چڑھسی
جد سیہ
اوہناں دا رُوپ بدل دیساں
تے اوہ
اک سوہنے گبھرُو وانگ وِکھائی دیسن

اوہناں دے گل وچ
رّتی لعلان دی،
مالا ہوسی
تے ہتھ وچ
کنول دا چِٹا پھُل...

*

دہوں دے،
والاں والی اگنی،
میری کوتا!
کیہ آج تائیں
کسے،
تیرے سکھ توں
وال ہٹا،
ویکھیا تینوں...؟

*

سندھڑئیے!
جے توں بنیں
سُفنا،
تاں میں،
ہنومان وانگر
ناگا پربت نوں
اپنی تلی تے،
دھر کے لے آواں ...

*

امارو!
میں اڈا لٹی،
تیری سُنَدری
تے اج، اوہ،
میری شاعری وچ
سہندی لاکے بیٹھی
تے،
بہلاں توں،
کیتے ودھہ سجری
لگ رہی ...

امارو۔ سنسکرت شاعر

*

میری شاعری،
نیشب کھوہ چوں
ابھرن والے چن وانگر نہیں

ایہ تان
موہنجدڑو تون پھٹن والے
سیجھ وانگر دی ...

*

میری،
شاعری وچ،
پرانے ویلیاں دے،
لفظاں دی،
پرت کے آوندی،
واج،
سُنی جا سکدی ...

[جو بیجل نے آکھیا]

*

توں، میرا ویر،
کازان زاکس!
جے میں،
سائپرس وچ جمدا
تے توں،
سندھ اندر جنم لیندا
فیر وی اسیں،
اوہو کجھ لیکھدے
جو ہن لیکھدے پئے ...
ساڈیاں لکھتاں اندر،
بس،
جغرافیے تے تواریخ دے ناواں دا ہی
فرق ہوندا ...

کازان زاکس - عظیم یونانی لکھاری

*

میں منصور نہیں
تے نہ ہی ہیں
انا الحق دا نعرہ لاوندا ...
فیر وی میں
بندی خانے تے سُولی ول
مسکرا ندیاں جاندا
تے
میرے ہیر
قتل گاہ تے نہیں تھڑکدے

کیہ توں مینوں دس سکدا
کم میں
کیہڑی وحدت الوجود دا
دعویدار ...؟

*

سندھڑئیے !
توں مان
میں تیری دھرتی چوں
شاعری دا سوادہ
انج لیندا
جہوئیں
تہر دی رتڑی گان دے تہناں چوں
اوہدا وچھا
دہہ پیندا

*

میری شاعری،
کنڈیالے جھاڑاں وچ
تیرے وانگر....

جیہدی،
واج سُن
شکاری آ جاندے
پر،
جینہوں پھڑنا،
بہوں اوکھا....

*

سُن ،
اگ —!
میں اپنیاں ہڈیاں بہن کے ،
بالن وچ
سٹ رہیا ،
تاں جے
توں ،
بُجھہ نہ جاویں

*

حیاتی نال،
میرے اقرار وچ،
ویلے دی،
سیراد بارے،
کوئی فقرہ نہیں
ایسے لئی،
میں اوکھیاں لہائیاں ویلے
اپنیاں واگاں،
ڈہلیاں،
چھوڑ دینداں

*

رگ وید وچ
میں پڑھدا...
”سندھو ورن دیوتے،
تیرے وھن واسطے
بنائے کنے رستے ...“

تے ہاں،
اوھناں چوں،
اک راہ
سیری،
شاعری وی ...

*

نُوری نے ،
کینجھر نوں کینجھر بنایا
یاں کینجھر نے ،
نوری نوں نوری ...؟

میرے ایس سوال دا ،
ٹھکواں جواب
اجے تائیں نہیں دے سکيا
مارکسی فلسفہ ...

*

سیندھ دی پیڑ ہیک سمندر
اتھاہ،
آجھاگ سمندر
اوهدیاں انھیاں چھٹلان اندر
رہدا پیا،
میرا من
پے انت ہنیرے تے دکھ چوں اُبھر کے
ویکھ، اوہ سد رہیا
چائن دیاں لائاں نوں
ویکھ،
اوہ تھک ٹٹ کے ڈِگ رہیا
ہنیرے سمندر وچ...

آجھاگ۔ نہ جھاگیا جا سکن والا

*

سینوں،
ہزاراں کتاباں پڑھ کے وی
اوہ خوشی نہ لبھدی ...

جیہڑی
اک بڈھے ہالی دے،
جھڑیاں بھرے سوانہ اتے
سُسکان ویکھ کے
ہتھ آوندی ...

*

جیل دے ویہڑے اندر
اگے ہوئے،
انب دے رکھہ
تینوں کیہڑے جرم بدلے
جیل وچ رکھیا جاندا

کیہ تیرا قصور ایہہ تاں نہیں
کہ
تیرے بُور اُتے
ماکھیوں دیاں مکھیاں
اکھٹیاں ہو جاندياں...؟

*

کینا چنگا ہو وے
جے،
موت مگروں،
میں،
جنت دی باری وِچوں
ویکھہ سکاں،
اک جھولدا ساوا پتر
تھل دے ریتڑ تے

*

”جن وے جن!
میں تینوں،
کیویں پا سکدا....؟“
”کارونجھر پہاڑ دی چوٹی تو
چھال مار دے
میں تینوں،
ھیٹھان،
چشمے تے ملساں“

[جو بیجل نے آکھیا]

*

پرائے ویلیاں وچ،
سندھ دی رانی،
رومسا،
(چن دے روپ والی)
اک بت گر نوں،
آکھدی
”میرا مجسمہ بنا سیں؟“
”میں کسے دا مجسمہ نہیں بناندا“
بت گر جواب دیندا
رومسا حیران ہو آکھدی
”ہر میں تے تینوں
کینے ہی بندیاں دے مجسمے بناندیاں ویکھیا....“
”نہیں جی،
مجسمے تان میں اپنے ہی بناندا
پر شکلاں ضرور،
اوهناں دیاں ہوندیاں....“

*

”سکلی!
تیریاں قبراں وچ
خواباں دیاں،
کینیاں ہڈیاں کھینڈیاں پیاں ...
تے،
اوهناں دے،
چارے پاسے
شک دے کینے کیڑے
رینگدے ہئے

*

گائیک !
کلاہ تاں حدوں ودھ
آپ ہندری ہوندی

تار اینج ٹنکنے چاہیدے
جے سر سرتی،
آپ سیتار چھوڑ کے،
تینوں،
منن لگے

سرسوتی - علم دی دیوی

[تائیر]

*

میں نارد سنی وانگر
وشنو نون آکھدا
'میں تیری مایا نون سمجھنا چاھوندا،'

وشنو جواب دیندا
'کیہ سندھم وچ رھندیاں وی
توں،
مایا نون سمجھن دی لوڑ محسوس کردا
جو کچھ توں،
کل ویکھدا
اوہ،
اج کتھے...؟'

*

اج،
مینوں اِنج لگدا
کہ میں،
شیش ناگ اُتے،
لما پہا ہويا
تے،
میرے چوں
اک کنول،
کھڑدا پیا ...

*

ہر،
اکھڑ دی،
اک روح ہوندی

جیہڑی،
صدیاں دی
اکسار اُساری
چوں
لنگھدی ...

*

لوکاں،
دی بولی دا،
کوئی لفظ،
بھارا،
نہیں ہوندا ...

[جو بیچل نے آکھیا]

*

جیہناں سوچاں دیاں جڑاں،

دھرتی وچ،

نہ ہونڈیاں ...

اوہ،

اوس اسر ویل وانگ

جیہڑی،

ساوے رُکھاں نوں،

سُکا دیندی ...

*

کیہ،
سچ وی،
مر جاندا؟
تے،
اوہنوں وی،
اسرافیل دے صُور دی
لوڑ ہوندی....؟]

*

سچ نون،
بدل سکینے یاں نہیں
اوہناں،
اکھاں نون،
بدلنا وٹسوں باہر
جیہڑیاں،
سچائی نون ویکھدیاں...

[جو بیجمل نے آکھیا]

*

جے تینوں،
سُوجھم تواریخ دی
قاں،
توں جان سکدا
کہ،
بھیڑ
اپنا ناس آپ کریندا....

*

تواریخ،
چکر دار پوڑی وانگ
ٹردی،
اوہ،
گوں چکر نہیں کٹدی....
اوہ،
اوتھے نہیں سڑدی
ٹری سی
جیتھوں ...

*

جس دینھم ،
بندیاں ،
آزادی دی آس ،
بھٹلا دتی
اوس دینھم ،
قیامت آ جاسی
کیوں جے ،
حیاتی نوں جیوندیاں رکھن دا
کوئی وی ،
کارن نہ رھسی ...

*

جے ،
شاعری پیغمبری اے
تاں ،
فیر ایہہ ،
صلیب چمکے بناں
نہیں ،
لبھم سکادی

*

حقیقت ،
شاعری دی نینہ
پر ،
بس نینہ ہی تاں ہے

*

تساں تان آکھدے ...
جے ،
مارکس دے جمن توں پہلاں
شاہ ولی اللہ ،
جدلیات دا فلسفہ
دے چکے سن
اجازت ہووے تان ،
میں ایس وچ ،
زیب النساء مخفی دے ،
نان دا وادھا کراں
کیوں جے اوہ آکھدی ...
'سرخ پوشے بہ لبِ بامِ نظرِ می آید'

زیب النساء مخفی - مشہور فارسی شاعرہ
سرخ پوشے - رتے کپڑے ہاون والی چھت تے ویکھائی دیندی ہن

[جو بیجل نے آکھیا]

۱۴۰۲

*

کیہ ،
ایہہ زرہہ پا،
توں سمجھدا
کہ
نہیں ویکھہ سکدا میں
تیرے ،
داغدار دل نوں ...؟

*

ہر عشق ،
دماغ دا ،
خلل نہیں ہوندا
تے
نہ دماغ دا
ہر خلل
عشق ہوندا

کہتے ہیں جس کو عشق، خلل ہے دماغ کا (غالب)

*

کیہ،
ایہہ جگ
بالاں دے کھیڈن دی کائی جا...؟
کیہ ایہہ فاشی سپاہی
جیہڑی بندوق،
میرے اتے تان کھاوتتا
ایہہ کائی کھڈونا...؟

کینا،
بھولا سی توں،
غالب!

بالاں دے کھیڈن دی - بازپچہ اطفال ہے دنیا میرے آگے (غالب)

[جو بیجل نے آکھیا]

*

چوری نہ ہو سی
جے میں،
ہیٹھلے ایرانی لطیفے نوں
ایتھوں دی،
حالت موجب بیان کراں

اساں دونویں،
سندھو ندی اندر
ا کو بیڑی وچ بیٹھے ...
بیڑی ساڈی، جدوں کجھہ اگے ودھدی
اوہ پُجھدا
”تینوں اردو آوندی ...؟“
”نہیں“ میں جواب دیندا
اوہ فیر آکھدا
”تد تاں تیری ادھی حیاتی
ازائیں گئی“

جدوں بیڑی وچ منجھدھار

ڈولن لگدی
میں سوال کردا
”تینوں ترنا آوندا...؟“
اوہ آکھدا ”نہیں“

سُن کے میں آکھدا
”تد تاں تیری پوری حیاتی،
ازائیں گئی
کیوں جے
بیڑی ہُن ڈہن والی ...“

*

”چلیئے جی،
گلاں کرئیے
اختر پیا دیاں،

ہنگارہ بھرئیے
لکھنؤ دی رھتل دا،

تے،
نانویں لوائیے
لالو کھیت وچ
اک پلاٹ ...

لالو کھیت - کراچی دا اک علاقہ

[نائر]

*

”شاعر انقلاب!“ کہہ توں جاندا
کہ

انیہویں صدی وچ، فرانس دے اک وڈے سیاسی سوجھوار
ٹیلی راند نے،
میرابو واسطے آکھیا سی
کہ جے اوہ اپنا روح،
پتسیاں بدلے ویچ رہیا
تاں ٹھیک کر رہیا
گوہر بدلے
سونا لے کے ...

Talley Rand
Mirabeau

[جو بیجل نے آکھیا]

۱۴۰۸

*

جے ،
اینہاں دے بیس نال ،
افیم نہ بندی
تاں ،
کنے چنگے من
ایہہ ،
رتڑے پھل ...

*

کوئی مینوں دےدا،
'فلانا نیندیا کردا
تیریاں ادبی لکھتاں دی،

میں،
بھاڑ توں ہیٹھاں ویکھدا،
ہیک وچھو ڈنگ ماردا پیا
بھاڑ توں،
تے بھاڑ،
چپ شانت،
اتل ...

*

پیار دا ہر شاعر،
انقلاب دا شاعر ہوندا
پر،
انقلاب دا ہر شاعر
پیار دا شاعر
نہ ہوندا ...

*

ہر غم نوں،
محبوب دا غم بناون نال
جے، دنیا دے دکھ،
سوکھے ہو سکدے

تاں،
اصغر گونڈوی نوں،
اپنی،
عینک دے،
شیشے نہ ویچنے پیندے ...

*

شاعر،
فرشتہ نہ ہوندا
پر فرشتہ وی تاں
شاعر
نہ ہوندا ...

*

خسرو!
جدوں توں،
ہندی دوھے وچ
اپنے آپ نوں،
کھسرو لکھدا
تاں
کینا چنگا لگدا ...

*

کو تا!
توں اگ وانگ،
دھرتی تے آکاش وچکار اک پل
جیہنوں،
پار کرکے،
میرا من،
سورگ ول جاندا
جتھے ہر پاسے چائن کھنڈریا ...

*

کنڈیلے تے سب دے
بھیڑ وچ،
کسے،
اک دہر دے
نہ بنو
تے،
اپنا راہ پھڑو

سب دا سنگ کرسو
تار،
اوس ڈنگ مارنا ...
کنڈیلے نال ٹرسو،
تاں کجھ نہ لہبنا
نالے اوہدی مٹھی،
چاں دا ساتھ دینا پیسی
تے سفر،
ہور وی،
اوکھا ہو جاسی ...

*

گناہگاراں،
بغاوت کیتی تے آکھیا
اسیں،
کسھاڑیاں نال
دوزخ دے،
بُوھے بہن دیواں گے
نہیں رہنا اساں،
ابتھے

اُنہاں دی واج سُن،
جنت،
جی آیاں آکھدیاں
اوہناں اتے
کھول دیتے بُوھے اپنے ...

*

لوک میرے تھے،
کفر دے فتوے لا رہے ...
ساون دے پڑے وچ،
لٹکے ہوئے چن!
کیہ تینوں وی
میرے،
کفر توں کائی گیلہ ...؟

سورج لُکيا گھاٹياں

[ان چھپے مجموعے ”لٹریو سیج“ لکین پر
وچوں کجھ چونسویاں وائیاں۔ ایہ
مجموعہ ۱۹۷۲ ع وچ لکھیا گیا سی]

مسوت نم سہنا یسار
ووء سیاں، وووو سیاں!
ویکھہ صلیباں مسامنے
لگگی کیڈ قطار
لُوہری اندر جھولدے
سیس نیوایل یسار
رتو رت کتن۔ ہٹییاں
کیڈے کیل وچکار

*

ساری ءسمر ا سار
سكھ سوھنے دا سار
ڈِٹھیاں جاسن دے كھڑے

ا كھتیں جھڑیاں لٹھیاں
آسی رت ملان
ڈِٹھیاں جاسن دے كھڑے

دور دے راتے دے بوڑے
چن ماھی دی سان
ڈِٹھیاں جاسن دے كھڑے

جیڑے سیتھوں و كھ تھئے
سول نہ و كھڑے، یار!
ڈِٹھیاں جاسن دے كھڑے

*

جد توڑی میں جیوندا
تد تائی تیرا تہاں
میںوں مَول نہ وِسرے

ڈاھڈے تڑے دینھڑے
مَول نہ بولن کاں
میںوں مَول نہ وِسرے

تہر نہ کجھہ وی تیس بیناں
میں لشی کیہ سَکھہ تہاں
میںوں مَول نہ وِسرے

دات وی تیس بین ڈنڈ جیویں
دان وی پھلایا ناں
میںوں مَول نہ وِسرے

تیس بین میں وی، میں نہیں
مہجناں تیرا ناں
میںوں مَول نہ وِسرے

[جو بیچل نے آکھیا]

*

ساوی رت وچ مانولا!
آپا نہ تون ابتکاں
آئی ہت جھڑ دینھڑے

ہنج اڈے، مرسک کئے
کنول تلاواں کیہڑیاں؟
آئی ہت جھڑ دینھڑے

جھلیاں اتر واء دیاں
آتن وچ ہنیریاں
آئی ہت جھڑ دینھڑے

میں تے چرخہ مسکدے
لیسٹیاں چار مہلیاں
آئی ہت جھڑ دینھڑے

*

پسرت ڈاھڈھ ودھا
میں نال مہر نہ کر مہیاں!

سیجھہ! کیرناں کرتیکھیاں
تیرچہہ تیر و مہا
میں نال مہر نہ کر مہیاں!

وائے! پھنیٹر وانگ نون
جیہہ اپسنی بھڑکاء
میں نال مہر نہ کر مہیاں!

پتھر سیرے پیرڑے
گہاء، اجے وی گہاء
میں نال مہر نہ کر مہیاں!

پرکھہ تے لال میں آپ نون
راہ مل ہوتاں داہ
میں نال مہر نہ کر مہیاں!

[جو بیجل نے آکھیا]

*

ارٹ نہ کتے اُن
آج کیوں کتن والئیے؟

چرخہ چمپا تڑا
ترنجناں ایڈی سُن
آج کیوں کتن والئیے؟

کل دیاں کتن والیاں
لنگھیاں کھڑے کُن
آج کیوں کتن والئیے؟

کُن - گھٹن گھیر

[وائیاں]

*

توں ہی نہیں ملیں
میں وی اوہو ماروی

توں ہی وس تے واریا
اپنا ہاک پنیر،
میں وی اوہو ماروی

تسا اکتے وانگراں
میرا ماہ سر پر
میں وی اوہو ماروی

جھلیئے توں کیہ پونجھنے
میری نینیں نیں
میں وی اوہو ماروی

*

کٹھتے رات کلال
میلہ ناہیں سدھم تے

رات نہ پاکھر پیار دا
چند نہ کائی ڈھال
میلہ ناہیں سدھم تے

مُنا ہويا پیونا
جیون دے جنجال
میلہ ناہیں سدھم تے

لِشکن وِچ ہنیریاں
ہُن وی چور چندال
میلہ ناہیں سدھم تے

پاکھر - ذرہ

[وائیاں]

*

—وٹیاں سالنیاں
سکے گجرے موتیا

آئے دینہ دہاگ دے
جوٹیاں چیک تھیاں
سکے گجرے موتیا

نیوں کے کیڈیاں نیپندراں
پورے چن، کھڑیاں
سکے گجرے موتیا

اوہ کد آوسن، سکنیاں
کد جیوں پیڑاں
سکے گجرے موتیا

چیک - چکڑ

[جو بیجل نے اکھیا]

*

موت نہ سہنا پار
ووء سیاں، وو وو سیاں!

وبکھہ صلیباں سامنے
لگی کیڈ قطار
ووء سیاں، وو وو سیاں!

لٹوہری اندر جھولدے
سیس نیوایل پار
ووء سیاں، وو وو سیاں!

کینیاں وڈھیاں ٹہنیاں
سُنجھہ وِچ آدھہ پھلار
ووء سیاں، وو وو سیاں!

لٹوہری۔ سیالے وِچ شمال مغرب ؤوں چلن والی ہوا بہت
ٹھنڈی ہوا۔

رتو رت کن۔ ہٹیاں
کیڈے کیل وچکار
ووء سیاں، وو وو سیاں!

مانہہی رکھنا ساہ وچ
اپنے قول قرار
ووء سیاں، وو وو سیاں!

*

آن ڈیہے اُونٹھارا!
سیرا جی جیار
راہے نیند نہ آوندی

میں تاں اوویں ہندھم وچ
سورج آدھم وچکار
راہے نیند نہ آوندی

جہاں پھلاں دی واٹ تے
سجناں دی اے سار
راہے نیند نہ آوندی

اوہ جو آونے جان چک
وکھ نہ سیتھوں، یار
راہے نیند نہ آوندی

اُونٹھار۔ اُونٹھاں والے

[وائیاں]

*

لُوں لُوں نِکلی لاٹ
کوُنجاں کُنکیاں پربتاں

لِشکے پئی جی وچ
سجناں والی واٹ
کوُنجاں کُنکیاں پربتاں

جھیل بیل جوت بلے پئی
آئی چھترچھاٹ
کوُنجاں کُنکیاں پربتاں

سجن سنمڑیاں سنگ وے
أبهرے اچّے گاٹ
کوُنجاں کُنکیاں پربتاں

چھترچھاٹ - پہاڑی بُوٹیاں دی سہکار

[جو بھجل نے آکھیا]

*

جل دیوے جھمکن
سندھو تیرے سیڑھ تے

کالیاں راتاں کامنیاں
تاریاں سنگ ٹمکن
سندھو تیرے سیڑھ تے

اُتر پیریں جھانجھراں
جھلاں جھن جھمکن
سندھو تیرے سیڑھ تے

کیہ کیہ میری دات وچ
جاننیاں چمکن
سندھو تیرے سیڑھ تے

*

آ، لا نظر-راں گہاء
تیس بین چین نہ آوندا

چیر کے چنن وانگراں
سینوں اج سہکاء
تیس بین چین نہ آوندا

کھین سٹ وجود تے
لائناں وچ لشکاء
تیس بین چین نہ آوندا

ادھی رات انگیار تے
میرے انگ نچاء
تیس بین چین نہ آوندا

کد تائیں سٹڑے ساز وے
گاہ توں، آج مڑ گاہ
تیس بین چین نہ آوندا

[جو بیجل نے آکھیا]

چھپائی دیاں بہنلاں

ٹھیک	غلط	سطر	صفحہ
آہے	آیے	۱۸	[۱۲]
بیت	بت	۱۵	[۱۸]
نالے	لالے	۳	[۲۲]
توں	تون	۱۵	[۲۴]
بارے	پارے	۲۴	[۲۷]
وانگر	والگر	۱۰	[۲۹]
ٹھہریا	ٹہریا	۱۹	[۳۰]
اوهنوں	وہنوں	۲	[۳۹]
بے ہوش	بے ہوش	۲۱	[۳۹]
گیا	یا	۱۸	[۴۱]
لٹی	لٹی	۵	[۴۴]
تکیا	تکیاں	۳	[۴۶]
تے	تسے	۵	[۴۶]
قالین	قالیں	۲۳	[۴۶]

جو بیجمل نے آکھیا [متن]

ماروی	مارئی	فٹ نوٹ	۳
وائیاں	وائیاں	فولیو	۷
عورتاں	عورتاں	فٹ نوٹ	۸
أجار	أجار	فٹ نوٹ	۱۳
توں	توں	۱	۱۴

ٹھیک	غلط	مطر	صفحہ
لٹی	لٹے	۴	۱۷
لاڑے	لاڈے	۹	۱۸
گیبتاں	گیبتان	۵	۲۷
وا دے	واعدے	۴	۳۰
نیں	نتیں	۵	۳۷
وائیاں	وائیان	فولیو	۳۹
کریندیاں	کریندپاں	۱	۴۶
هان	هاں	۸	۴۷
وائیاں	وائیان	فولیو	۴۹
یاداں	یادان	۱۰	۵۱
کنٹی	کٹی	۲	۵۵
تہاں	تہان	فٹ نوٹ	۷۲

صفحہ ۸۰ نوں ۷۹ تے ۷۹ نوں ۸۰ پڑھو

اڈاؤن	اڈاؤن	۱۱	۸۵
صدا	مدا	۸	۹۹
تہانہ	تانیہ	فٹ نوٹ	۱۰۴
لطیف	لیطف	عنوان	۱۰۹
کون	کون	۱	۱۱۲
دے	دی	۱۱	۱۱۸
بلاندا	بلاندا	۳	۱۲۱
پھسیا	پسیا	۸	۱۲۳
ایہ	ایہ	۹	۱۲۹
اوہ	او	۸	۱۳۷
آ آ	آ	۹	۱۳۸

صفحہ	سطر	غلط	ٹھیک
۱۴۸	۱۲	دکتے	دیتے
۱۷۷	پہلی سطر	انچ پڑھو۔	سکھتی ہوں کہ ہوون ہیئے
۱۷۹	۶	پریت	پریت
۱۹۰	۴	تاریاں	تاریاں
۱۹۵	۹	ٹلیاں	ٹلیاں
۲۰۶	۱۲	چھاتی	چھاتی
۲۰۸	فٹ نوٹ	دربا	دربا
۲۱۲	۱۱	آندا	آندا
۲۲۷	۹	آپنا	آپنا
۲۲۹	۵	ٹھیندا	ٹھیندا
۲۳۱	۲	ٹلیاں	ٹلیاں
۲۳۶	۱۱	آسر	آسر
۲۳۷	۶	کیشاں	کیشیاں
۲۳۹	۶ سطر	انچ ٹردی اے۔	جیہناں ساہ سجن
۲۶۹	۲	بوندان	بوندان
۲۶۹	فٹ نوٹ	پھلیاں	پھلیاں
۲۷۱	۱۰	کوہجھیاں	کوہجھیاں
۲۷۱	فٹ نوٹ	ودہان	ودہاں
۳۰۴	۱	جین	جین
۳۲۵	۳	رات وکاویر رات	دات وکاویر دات
۳۳۵	۳	دستن	تکتن
۳۴۹	۱۱	آوندا	آوندی
۳۴۹	۱۵	آوندا	آوندی
۳۵۴	۱۰	بھنبھور	بھونرے

صفحہ	مطر	غلط	ٹھیک
۳۵۸	فٹ نوٹ	اوہنی	اوہنے
۳۶۷	سطر ۶۰۷	انج پڑھو۔ اے	راگ دے رت ورن دیوئے!
۳۶۸	۹	بچاون	بچاون
۴۲۴	۱۰	میری	میرے
۴۲۵	فٹ نوٹ	ذرہ	زرہ

